


KA SYIEM LAY, MPANG SHADAP
KA HIMA MANAR
BAD
U MIAT RYNSUT PALA

DA U



S. S. LALOO

**Ja ka Hqk longtrai ja Tyngkai
Ka Sien Shon ba Nyngkong
1989**

Printed at Wisely Printing Press
Below Mohni's Store G.S. Road
Shillong.

SHIHAJAR NGUH

Ia kine ki Rangbah ki San, ki Kynrem ki Lyndan, kiba la ia don kti lang bad kiba la ai bor ai buit bad ai mynsiem ia nga, ban pyndep ia kane ka kot.

Ia kane ka Parom ne ka jingiathuh khana, kaba la jia shisha ha ki spah snem ba la leit noh, ha shuwa ba ka Ri Jaintia kan ioh ia la u Syiem u Kmie, la iathuh ia ka ha nga da u Harwill Kamar, uba na ka shnong Maitdieng, uba long ruh uwei na ki nongai dawai Pnar batbit bha. U Ma Harwill u la iathuh bniah ia nga ia ki jingtip ba u la ioh lum na ki riewtymmen, shaphang ka Syiem Latympang Shadap bad u Miat Rynsut Pala. Kumta nga pynpaw ia ka jingsngewnguh ba khraw jong nga ia u.

Hangne nga pynpaw ruh ia ka jingsngewnguh jong nga ia u Ma No Kynjin, uba na ka shnong Jowai, hynrei u la shong la sah la bun snem ha ka shnong Shangpung. ryngkat bad la ki khun ki kti, lem bad ka kurim jong u. U Ma No u la lum ia ka parom kaba dei shaphang ka Syiem Latympang bad u Miat Rynsui Pala na ki riewtymmen jong ka shnong Shangpung, bad u la iathuh lut ia kiei kiei kiba u ioh lum na ki ha nga.

Hadien ba nga la dep thoh ia kaba kiei ki Rangbah haneng ki la iathuh ha nga, nga la leit ban pynsngap pynsngew ia kaei kaba nga la dep thoh ha i Meirad Dhon Shadap

II

ba la 75 snem ka rta, ia u Kutim jong ka.
u Parad Phri Pala ba la 88 snem ka rta bad
ia u khun marwei jong ki u Ma Kolipshon
Shadap ba la 48 snem ka rta, ha iing jong
ki hi kaba don ha ka shnong Wyrto (Prato).
I Meirad Dhon Shadap i long i nongloh
pateng ia ka lak ka putit, ka khyndew ka
shyiap, ki khlaw ki btap, ki lum kseh, ki
lyngkha ki risa bad ia ka nongtymmen baroh
kaba dei ka jong ka Syiem Latympang Shadap.
Ha ka por ba nga pule la don ruh sa katto
katne ngut kiwei pat ki Rangkah. Haba nga
la dep pule, baroh kiba ia don hangta ki
ong, "Ka jingthoh hi ka long kaba biang.
hynrei dei ban thoh ruh shaphang ka jingia
aifeng hapdeng ka Syiem Latympang Shadap
bad u Syiem Slieng ka hima Mukroh
khnang ba kan long ka jingthoh kaba biang
lut nadong shadong". Bad dei ynda nga la
ioh ia kane ka bynta ba ka jingthoh jong nga
Shaphang ka Syiem Latympang ka sa long
kaba dap biang bad ba pura. Kumta nga
pypaw ruh ia ka jingsngewnguh jong nga ia
I Meirad Dhon Shadap, i Parad Phri Pala,
ia u Ma Kolipshon, ia u Ma Helarius Lamare,
ia u Ma Shai Lamin, kine baroh ki dei kiba
na shnong Wyrto, bad ia u Ma Kindra lakai
ba na ka shnong Maitdieng kita la ia don
ryngkat ha ka por ba nga pule ia ka jing-
thoh ba nga la lum bad kiba la pyndap ia
kaba duna.

Nga ai ruh ka burom ba kyrpang ia u Ma
Kolipshon Shadap namar, ba u la kloï ban leit

III

ialam, ia nga ban shondur ia duwan kaha don
ha u lum Letno, ia u Hati ba la kylla maw
jong u Syiem Slieng, ia u maw ta ka Syiem
Latympang ka la tar ia u Syiem Slieng tan
sei ia ki snier jong u, ia u maw sait kjat, ia
la lyngkor ba la oh ha u maw tad ba ula
ai ja miet ruh ia nga lem tad ki paratok
ba la ia leit ryngkat bad nga.

Nga ai khublei ruh ia i meirad Bud
Nangbah Biam, iba long i kmie jong u Bah
E. Nangbah ba na ka shnong Wyrto iba la
ai ja step bad sha ia ngi ha ka sngi ba nga
leit ban shondur bad ban pynsngap pynsngew
ia ka jingthoh jong nga ha ling i meirad Dhon
Shadap.

Nga pynpaw ruh ia ka jingsngew nguh
jong nga ia u Ma Quintus Raton tad ia u
Ma Martle Rabon ba na ka shnong Thang-
rain namar ta ki la kloi ban leit ialam ia
ngi ban shondur ia ka jaka ta ki khot ka
"Pudhiar-Dhari" kata long ka jaka ta ju
don ka pung ha kaba ka Syiem Latympang
ka ju leit ban sum barabor bad ban ialeit
sha ka pynthor Latuba ha kaba don ki masi
lur bad ka lyngkor ba la kylla maw jong u
Miat Rynsut Fala, tangba mynta ki la paitla
pra Nga ai khublei ruh ia i Kmie u Bah
Q. Rabon bad ia Kiba ha ling jong i kiba
la ai ja ai sha ia ngi ha ka sngi ba nga leit
ban shondur ia kitei ki jaka.

Nga ai khublei ruh ia i Bah Elias Nang-
bah Biam, ia u Bah L.T. Sangma, ia u Bah

IV

M. Laloo, ia u Bah T. Syiem bad ia u Bah D.B. Mirzar kiba la ia leit shitom bad nga sha shnong Wyrto bad Thangrain.

Nga ai burom kyrpang ia u Ma Mylove Laloo, uba la ialeh shitom ban iathuh bnah ia nga shaphang ka jingnguh Blei ha ka por ba ki pynieng ia u "Shrot-Skit-Pyrdi", ia ka jingnguh Blei lang shuwa ban ai ia ka jutang haba Kyntiew kurim bad ia ka "jutang ksiar ka Jutang rupa" ba u Kni na ka liang ka kynthei bad u Kni uba na ka liang u shynrang ki hap ban ai ha ka por ba kynthiew kurim.

Hadien ba la dep type ia ka manuscript jong kane ka kot. nga la ai ban pule ia ka ha u Bah G.P. Wahlang, IAS, uba long u Deputy Commissioner jong ka Jaintia Hills District ha kata ka por. U Bah Wahlang u la pyni ia ka sap batbit ban thaw jingrwai, bad lah ruh ban ong ba u long u Kaitor Khasi ka juk mynta. Une u rangbah u la pynlut por bha ha ka ban pule ia ka manuscript. Kumta u la lah ban ai buit ai buda ia nga ban nang pynbha bad pynjanai na kane ka kot. Kumta nga pynpaw ia ka jingsngew nguh takhrav jong nga ia u Bah G.P. Wahlang hangne. Ha kajuh ka por nga pynpaw ruh ia ka jingsngewnguh jong nga ia u Bah S.Q. Sumer uba long u nongthoh kor Khasi uba fbir bad u paralok ruh ha kajuh ka por, na ka bynta ka jingpule shitom jong u ia ka manuscript bad ia ka jingai

buit jong u ban nang pynbha ia kane ka Kot.

Ngam lah ruh ban klet ia u Bah Hores Saio, uba la long uwei na ki nonghikai batbit bha bad ia i Emika Laloo, Lecturer Sangkerdep College Shillong namar, ki la pyllut por ban pule lem ia ka manuscript bad ban ai jingmut de ban pynbha ia kane ka Kot.

Nga ai Khublei ruh ia i Kong E. Pale iba la iarap, ban type shitom ia ka manuscript jong kane ka Kot.

Shihajar nguh.

(S.S. Laloo)

Nongthoh.

KI KYNTIEN NA U NONGTHOH :

Ha ka por ba nga thoh ia kane ka kot, kiba iathuh ia nga, ki la lah ban iathuh ia ka kyrteng ka Syiem Latympang Shadap, U Miat Rynsut Pala, u Syiem Slieng ka hima Mukroh, ka Dhon Shadap, u Phri Pala, u Kolipshon Shadap, ka Bud Nangbah Biam, ka Semly Nongjngi bad ia ki lai ngut ki nongsyntiat bad kita ki long u Khyrdein Saio, u Khre Lamare bad u Sah Syngkurip. Katba ia ka kyrteng jong kiwei pat kiba ladon bynta ha kane ka parom, kim lah shuh ban kymaw ia ki. Namar ba kane ka jingiathuh khana, ka la jia la bun spah snem mynshuwa. Ia kaba ki nonpiathuh ruh ki la ioh pateng na ka jingiathuh jong ki rewtymmen. Kumta ha ka aka ban iathuh ia ka kyrteng ki iathuh da ka kam jong ki, kum ban ai nuksa ha ka jaka ban iathuh ia ka kyrteng jong ki rangbah shipai ki ong bejt ki rangbah shipai bad kiba kum kita Hynrei khang tan pynsuk ia ki nonpule bad lada jia ban ring film vedio ne lalengkai. Drama hadien habud, nga la sngewdei ban jer ne ai kyrteng lut ia taroh kito kiba don bynta ha kane ka Parom, kumhe harum : —

Ia u Kni rangbah jong ka Syiem Latympang la jer ia u da u Sajar Shadap, bad ia ka kurim jong u la khot ia ka ka Hunbih Lamare. Ia ka Kur jngai jong ka Syiem Latympang bad ia u kurim jong ka la ai da ka kyrteng ka Sbuu Shadap bad u Shon Kamar. Ia u Myntri rangbah la ai da ka kyrteng u Bor Pala. Ia u myntri khyannah pat la ai da

II

ka kyrteŋg u Shemphang Bareh. Ia u bakbraw
 la ai kyrteŋg ia u u Jriam Rabon. Ia ki
 arŋut ki rangbah shipai jong ka Syiem La-
 tym pang la ai da ka kyrteŋg u Mon Shadap
 bad u Phre Rabon. Ia ki arŋut ki nongkit
 ktien jong ka Dorbar Shangpung la jer ia ki
 da u Rajon Saio bad u Mut Suchiang. Ia
 u nongkit ktien syiem jong ka Syiem Latym-
 pang la jer kyrteŋg ia u, u Phrang Biam. Ia
 u rangbah nongpyniaid kam jong ka iing
 syiem la jer ia u u Phrang Bareh. Ia u para-
 lok u Kni ka Syiem Latympang la jer ia u
 u Nishon Dhar. Ia ka kmie u Miat Rynsut
 la jer ia ka ka Miriam Pala. Ia ka tymmen
 ta tam ia i khyllung ha ka ka por ta shah
 pom pyniap ki Marai la jer ia ka ka Hat
 Suchiang. Ia ita i khyllung pat la jer ia i ka
 Miblap, bad ia u ksiow ka Hat Suchiang pat
 la jer ia u u Riang Suchiang. Ia ka kynthai
 la la ai jingmut ha ka por ta ialang na ka
 bynta ban pyrkhat shaphang ka jingkhawai
 shongkurim jong ka Syiem Latympang la jer
 ia ka ka Lasubon Iakai. Ia u rangbah sha-
 kri jong ka Syiem Latympang la jer ia u u
 Jahin Kso. Ia ka shakri ta iait bad ta shan-
 niah eh ka Syiem Latympang, la jer ia ka ka
 Phulbina Kso. Ia kiwei pat ki shakri ka
 Syiem la jer ia ki, ka Phiar Surong, ka Phuh
 Khlem bad u Skhem Surong. Ia kine ki kyr-
 teŋg la jer ia ki da ka jingmutdur jong u nongthoh.
 Kumta lada jia ba con kiba iadei kyrteŋg
 bad kine kiba la jer hangne, la kyrpad ia ki
 ba kin sngewbha ban nym sngew ei ei namar,
 ym shym dei ba la leh khnang.

Ha kajuh ka por lyngla kane ka jingthoh, nga kwah ban kyntu ia ki khun ki ksiew u hynniew trep u hynniew skum, ban ialeh ban tih ia ka "Shrah-Bah" ta don ha kylleng ki trep ki skum jong kane ka ri baieit jong ngi Kita iathuh shaphang ka culture bad ia ka history jong ka jait bynriew jong ngi, katta ki riwtywnen kita con ha kylleng sawdong ka Bri u Hynniew Trep ki nangim bad ki dang lah ban iathuh ia ngi shaphang ki Puriskam ki Furiskam. ki Farom ki Khanatang bad ki jingjia kiba naduh kiba la jia hyndai hynthai, kulong kumah Hynrei ynda la khyllait ka khmat jong ki na kane ka pyrthei te, kan long kaba eh katta katta ba ngin pyrshang ban lum thup ia kiei kiei kiba la jia ha ka mynnor bad ha ki spah snem ba la leit noh. Kumta ieng ko Rang samla Ko Thei samla ban lum thup ia ka spah bah ba ki Longshuwa Manshuwa ki la ai pateng ha ngi ki Longden. Khnang ba ki khun ki ksiew ha ka pateng ban sa wan ruh kin lah ban tip bad joh jingmyntoi lem na kiei kiei kiba ngi la lum thup ha ka thoh ka tar.

Khublei shibun.

(S.S. Laloo)

Nongthoh.

KI SKER BAD KI JINGKDEW SLA :

Ki Sker	Slā
1. Ka thma hapteng ki Manar ... bad ki Shangpung	1-15.
2. Leit seng Mima thymmai ka Syiem ..	15-22.
3. Ka Syiem Latympang bad U ... Syiem Slieng	22-36.
4. Ka Syiem ka pathai khubor .. jingieit	37-60.
5. U Miat u-ngat ha ka shang- ... khawiah jingieit	60-76.
6. Ka Kmie U Miat ha ling Syiem ...	76-81.
7. Pyndep la ka kular ...	82-87.
8. U Kni ba kit khlieh ...	87-93.
9. Pynkhreh khawai kyntiew kurim ... Ka Syiem	93-108.
10. Ka Jingpynriam ia ka ling Syiem ..	108-112.
11. Ka Jingai Sngewbha Ka Syiem ...	112-114.
12. Ka Sngi Kyntiew Kurim ...	114-132.

“IA KA HOK LONGTRAILA TYNGKAI”

KA SYIEM LATYMPANG SHADAP KA HIMA MANAR BAD U MIAT RYNSUT PALA

KA THMA HAPDENG KI MANAR BAD KI SHANGPUNG

Ha ka por hyndai hynthai, kata hashuwa ba ka ri Jaintia kan ioh Syiem, ka la don kawei ka hima kaba don hajan ka shnong Shangpung, kaba lehse ka lah ruh ban long ka hima kaba rit tam namar, ia kane ka hima la pynlong ia ka tang da kawei ka shnong, kaba kyrtong ka Manar. Kumta la khot ruh ia ka, ka Hima Manar.

Kane ka hima wat la ka long kaba rit ruh, pynban ka long ka hima kaba riewspah tad ba khlain bha Ki nongshong shnong kane ka hima, ki long ki brierw kita khlain bad ba tbit bha ban siat khnam, ban kawang sun bad ban ia talain wait. Ki pynthor ki thin jong kane ka hima ki long kita heh, la iar, ba seisoh bad ki ioh um ruh baroh shi snem lynter Kumta ki Shangpung ki la ikwah bad thrang dik dik ban ioh ia kine ki hai ki hator ba seisoh jong ki nong Mar-rar. Te khnang ban ioh dakholia ki kileit hiar thma ia ka hima Manar. Ha kata ka por ia ka hima Manar la syushar ia ka da ka Syiem Latympang Shadap Kane ka thma ka la neh bun fun snem Ki Shangpung ki la pyrshan? bunsien bun wat ban jop ia ka hima Manar, hynrei kim lah satia, ba kim ioh lad ba rung da ka kynhun shapoh ka shnong Manar namar, ba ka shnong Manar ka don halor uwei u lum, ia uba la ker kut

ia u na baroh sawdong da ka synrang kaba jylliew bha bad ban rung shapoh jong kane ka shnong ruh, don tang kawei ka lynti khim barit bad ha ka khyrdop ban rung shapoh shnong, ki nong Manar kitei da ka kut kata khlain bad ba skhem bha. Nalorkata, ki pyrhap ha kane ka kut miet bad sni da ki shipai kiba khlain bad ba tbit bha ban ialeh thma. Kumta man ba ki shipai Shangpung ki pyrshang ban rung jubor shapoh ka shnong Manar, ki shah pyniap lut, ynda poi ha kane ka kut. Te ynda ki Shangpung ki la poi ha ka kut lad ban leit dakholia ka hima Manar, ki la pyndonkam da kawei ka buit da kata khot kyrkieh noh ia ka jingialang paitbah ban ia pyrkhath ban wad ia ki lad ki lynti kumno yn leh khnang ban dup jop ia ki Manar. Ha ka jingialang don bun kiba ai jingmut ban leh da kumne ban leh da kumtai, khnang ban dup jop ia ki Manar. Hynrei, ha kaba kut ki ia rai da kawei ka jingmut, ba kin leit pan map ban iasuk thma noh bad ki nong Manar. Kumta ha kata hi ka Durbar ki jied ia u Rajon Saio bad u Mut Suchiang ban leit ia kren iasuk bad ki Manar.

Ynda poi ha ka kut ban rung sha ka shnong Manar, kine ki rangbah haba ki la ia kynduh ia ki shipai Manar ki ba ap pahara ki da ong, "La phah ia ngi da ka Durbar shnong, ban pan map bad iasuk noh bad phi." Haneta ki shipai Manar ki talasi ia ki bad haba ki lap ba ym don waitlam ne

kano kano ka tiar ialeh, ki leit ialam ia ki sha ka iing syiem. Hata la pyntip ia ka Syiem shaphan ka jingwan jong ki, ka Syiem Latympang ruh nar mar ka phah khet ia baroh ki Myntri bad ki Bakhraw Batri jong ka. Hata kila ia poi lut ha ka kamra tishar ba heh jong ka Syi m, ka Syiem Latympang kaba shong halor ka khet, ia kala la apra baroh arliang ka khet, da u Mon Shadap bad u Thre Rabon kiba long ki rangbah shipai, kiba la kieng atiar bha bad kita tat ha ka kti kamōn jong ki mar uwei uwei u sum, ka ong. "Tongin iasngap bad ia pynshah shkor bha ia kaei ba kine ki nongkit ktien jong ka durbar Shangpung ki don ban iathuh, khnang ba ynda ki la dep iathuh ba ngin dup lah ban ai ia ka rai jong ngi ha ki".

Mar ia dep kren ka Syiem. u Rajon Saio u ieng bad nguh ka khlieh (ban pwni ba u burēm ia ka Syiem) bad u ong. "Syiem kynrad, ki Myntri bad ki Bakhraw Batri ka hima Manar, ngi wan ban iathuh ia phi kumba la bthah ia ngi da ka durbar shnong, ba ngi kum ka shnong Shangpung ngi wan ban pan map na phi, namar, ta ngi la hiar thma ia phi. Ha kajuh ka por ngi kwah ruh ban iasuk thma noh bad phi. Namar ha kine ki snem ba la neh kane ka thma, ka la mih sa tang ka jingiaum snam, ka jingmysaw, ka jingiap, ka jingduk ka jingkyrduh bad ka jingshitom ka jingjynjar uba bun uba lang. Kumta lada phi iahap jingmut lang bad ngi, naduh mynta bad shakhmat ki sngi, ngin ia long paralok

noh bad ngin ia shong suk ia shong sain kum
ki para marjan ba bha".

Mar kumta hi ka Syiem Latympang ka ieng
bad ka ong, "Nga kum ka Syiem ka Kmie ba
don tang kawei ka jingmut ba shisur, ban peit ia
ka jingshong suk shong sain bad ia ka jingbha
jingmyntoi jong ki kh in ki hajar jong nga baroh,
nga sngew ba lada ki myntri bad ki bakhraw ba-
tri jong nga kin ia monjur lang, ngi dei ban
pdiang ia kane ka jingtyrwa iasuk ki Shangpung
bad ngin map ruh ia ka jingpalat jong ki, ne phi
ia sn'ew kumno?". Hangta baroh ki iasrgap
jar shi por Hadien u ieng u Bor Fa'a ula long
u myntri rangtah bad u ong, "Nga ruh nga ia-
hap jingmut bad ka jingsngew jong i Syiem
Kynrad". Nangta baroh ki myntri bad ki ba-
khraw batri ki p'npaw ia ka jingmonjur lang
jong ki namar, ki ruh ki tip bha ia ki jingch
jingshitom bad inglanot ba ki la iakynduh bad
mad ha kane ka thma

Hadien ba ki ar'ang mamla ki la ia beit ban
iasuk, ka Syiem ka hukum ban ai jingbam ia ba-
roh kiba don hangta, bad ynda ki la dep bam, u
Mut Suchiang u ong, "Syiem Kynrad, khublei
shibun ia ka jingsbin jong phi, kumjuh ruh ia
ka jingkhraw ka jingnyrkhat jong phi lem bad
ki myntri, ki bakhraw batri jong phi, khnang ban
nangpynskhem ia kane ka jingiasuk jong ngi
ngin rah da ki blang fa lich tlem bad da kine ki
blang ngin pynlong ia ka jingknia iasuk jong ngi,
bad hadien jong ka jingknia pat ngin pynlong ia

ka jingtam khawai larg, hapdeng ki paitlah jong phi bad jong ngi, shynrarf tad kynthel em bad k khynnah ki khyllung de. Ha kata ka sng baroh ar shnong rgin iakharf shnong tad ialeit sha ka jaka ba ngin pynlong ia ka jingknia iasuk. Ia ka sngi bad ka jaka ban pynlong ia ka jingknia iasuk ruh, ngin sa ai jingtip rat ia phi hadien". Ka Syiem Latympang, ki myntri lem bad ki bakhrav batri taroh ki pdiang hun ia ka jingtyrwa jong ki rangbah Shangpung. Nang'a ki ia ai khublei kylliang tad ki sa leit on ia ki rangbah Shangpung haduh ban da poi ba ka kut lan rang shapoh shnong Manar.

Hapoh kane ka por shuwa ba kin pynlong ia ka jingknia iasuk, ki Shangpung ki phah ban leit syntiat ia ka shnong Manar da u Khyrdein Saio, U Khre Lamare bad u Sah Synghrip. Kine baroh laingut ki leit sha shnong Manar bad pan ban trei ia ka kam shakri ha ka iing syiem, ka Syiem ruh namar ba la lah iasuk bad ki Shangpung, kumta kam don jingtharai sniew ci ei ia ki bad ka la shah ia ki ba kin shong shakri bad ka. Ha ka step kaba bud ki la khie dang step bad u Jahin Kso uba long u rangbah shakri ka Syiem, ula phah ia ki ban pynkhuid ia ka kper bad ynda ki la dep pynkhuid kin shna pat ia ka Yingkhoi (shyngoid) sniang namar, ka shyngoid rim ka la jan sniew. Kine ki rangbah ki trei smat bha, bad tang hadien lai kynta eiei ki la dep pynkhuid phar ia ka kper bad ki leit iathuh ia u rangbah shakri, ba ki la dep pynkhuid la ka kper kumba ula bthah ia ki. U la sngew

lyngngoh ia ka jingklou jong ki, kumta u leit peit ia ka kper bad u shem ba ka jingtrei jong ki ka long kaba janai, kumta u phah noh ia ki ban bam ja shuwa. Ynda ki la dep bam, u rangbah shakri u ai ha ki artylli ki wait lyngngun bad uwei u sdie ban leit pom dieng bad shna shyngoid sha khlaw. Ynda ki la poi ha khlaw ki pom ia ki dieng bad ki jyrm, bad da kine ki thaw ia ka jingkieng. Nan ta ki buh rich ia kata ka jingkieng ha khlieh ka synrang ta phai sha ka lynti ban leit sha ka shnong Shangpung. Ki thaw ruh ia ka shyngoid bad rah ia ka sha iing syiem, ki rah ruh ia ki di ng mar shi kit. U Jahin Kso ynda u iohi ia kita ki dieng u kylli, "Phin leh au ia kine?"

"Da kine ngin shna pynbha ia ka nangla (jingker) jong ka sem sniang". Kumta u Jahin Kso u iathuh ha ka Syiem, ba kita ki shakri ki long ki briew kiba minot ban trei bad ka jingtrei jong ki ruh ka long kaba janai bha. Ka Syiem ruh ka pynpaw ia ka jingkmien jong ka ban ioh ia ki shakri kiba bha. Kumta ki la ioh ia ka jingshaniah shuh shuh jong u rangbah shakri. Ha ka sngi kaba bud dang step ki pynbha ia ka nangla bad ynda ladep ki puh pat ia ka kper ba ki la dep pynkhuid. Ha ka por nohphai sngi kumba lai baje eiei ki la dep ban pu' ia ka kper bad kumta ki leit iathuh ia u rangbah shakri, khnang ta un ai kam pat da kawei. "Phi la pyndep ia ka kam kaba dei na ka bynta ar sngi", la ong u rangbah shakri. Mynta phi lah ban leit kai shi-por bad sa wan phai shuwa ban kem-iongrein".

“Khuplei shibun, ngin leh kumba phi ong”, ki la jubap.

“Phewse ! Ha ka jaka ban leitkai kine ki lai ngut ki nong Shangpung, ki leit syntiat ia ka shnong Manar. Ki leit jar la ki lynti bad ki da peit bniah bha ia ka jinglong jong ka shong ka thaw, bad shuwa ban kem iongrein baroh lai ngut ki la poi sha ka jaka ba ki sah, kumba la bthah u rangbah shakri ia ki. Kumne ki trei ki beng man ka sngi, ynda ki la sngewthuh ba ki la ioh lut ia ka jingthmu ba ki kwah. Ha kawei ka miet ki la hiar da kata ka jingkieng ba ki la bubrieh bad leit sha Shangpung, ban ai khubor ba kin ia tuh sngi noh bad pyndep ia kata ka jingknia masuk ha ka sng Fyngkat, kata ha ka sngi Famtiah. Mar iadep ai khubor ki leit phai biang sha Manar. Ha ka sngi kaba bud u Rajon Saio bad Mut Suchiang ki leit sha Manar. Ynda poi ha ka kut shuwa lan rung shashnong Manar, la talasi biang ia ki kumba mynshuwa. Nangta ki sa leit ialam ia ki sha iing syiem, bad la pyn-tip ruh ia ka jingwan jong ki ha ka Syiem. Ka Syiem ruh mar mar ka la phah khot ia ki myntri bad kiba khraw batri ban wan sha iing syiem. Haba ki la poi lut baroh, ki leit rung ha ka kamra bishai ka syiem. Ka Syiem Latympang ruh ka rung lang bad la synran ia ka da U Mon Shadap bad u Phre Kabon kiba long ki rangbah shipai bad ynda poi ha ka khet, ka Syiem ka shong halor jong ka bad ki rangbah shipai ki ieng pahara kumba.

mynshuwa. Hangta ka Syiem ka la kylli,
 “Kumno phi ia shait ia koit bha?”.

“Hooid”, la jubab lang u Rajon Saio bad
 u Mut Suchiang.

“Phi pat kumno Syiem Kynrad?”, la kylli
 u Mut Suchiang.

“Nga khlain bha mynta”, la jubab ka
 Syiem.

“Syiem Kynrad ngi wan ban iathuh ia phi,
 ia ki myntri bad ia kiba khraw batri ba ngi
 la rai ban pynlong ia ka jingknia iasuk thma
 bad phi, ha kane ka sngi Pyngkat ka ban wan.
 Kumba la iakren mynshuwa, ia ki blang ba
 ngin knia ngin wanah ma ngi, bad hadien ka
 jingknia ngin ia bam khawaj lang. Kumta
 phi baroh shi shnong len bad ngi ruh baroh
 shi shnong, ngin ia kynduh lang ha katei ka
 sngi, ha kathie ka madan ba don harud ka
 Umpyai lada phi ia mynjur lang”, la ong u
 Rajon Saio.

“Nga sngew ka jaka bad ka sngi ba phi
 la buh ka biang bha, ne kumno phi ia ong?”,
 la jubab ka Syiem, da kaba phai artat sha
 ki myntri bad ki bakhrav batri jong ka. Ki
 myntri bad bakhrav batri ruh baroh ki pyn-
 paw ia ka jingia monjur lang jong ki. Mar
 kumta hi ka Syiem ka pynriew ia ka shaku-
 riaw bad rung ka Priar Surong bad ka Phuh
 khlem (kiba long ki shakri ka Syiem) bad ka

Syiem ka hukum ia ki ban ai jingbam ia baroh kiba don hangta. Mar iadep bam ki iakren ai khublei kyliang bad ki ia leit on biang ia ki rangbah Shangpung, haduh ban poi ha ka kut ban rung shapoh ka shnong Manar, kum ba ki la leh mynshuwa.

Ka madan ha kaba kin pynlong ia ka jingknia iasuk ka long kaba dap da u shviap um namar ka don harud jong ka wah. Ha ka miet Muchai (Shyllong) ki rangbah Shangpung ki rah ia ki waitlam arliang syrti bad ia ki sum bad leit buh rieh ia ki hapoh uta uta u shyiap uba don ha kata ka madan, ba kin sa pynlong ia ka jingknia iasuk. Ia kane ka madan la bun snem bha mynta ba ki briew ki la dep shna lyngkha ia ka.

Ha ka sngi Pyngkat ki Manar ki ia mih ban leit sha kata ka jaka ban knia iasuk baroh shi shnong, kumba ki la ia kut. Ki ap kumba ar kynta ei ei haduh ban da poi ki Shangpung. Ha kane ka por ki ialeh kmen ki ialeh sngewbha bad ki riam ki beit ruh da ki jain bha jain miat bad da ki khor ki khriam, thik kum haba leit bam khana. Bad kim i don jingklusai ne jingpyrwa ei ei ruh em.

Ki Shangpung ki kham slem ban wan namar, ki hap ban pynriam blang ia ki khynnah kiba la don shiphew snem ei ei, kiba dei na ka jait Sungoh, Sechiang M dan bad Jengboq. Ki pynriam ia ki kumno, la ka met ki tap

da ka jain balieh sada, ia ki kjat ki kti ki
 spain ia ki da ki jain lieh hi, ia ka khlieh
 ruh ki spain ia ka da ka jain kaba lieh, tang ha
 ka jaka ba don ki khmat ki pynpei thliw
 khnang ban dup lah ban iohi. Ki pyndait da
 ka jain lieh ban tam kum ka shyntur blang,
 ha ka jaka ki shkor ruh ki pyndait da ka jain
 lieh ba li shai ban long thik kum ka shkor
 blang. Ha ka jaka u tdong ruh ki pyndait
 da ka jain lieh ba lyngkot bad bi la shna
 khnang ban long thik kum u tdong blang.
 Haba la pyoriam ia ki kumne, haba peit na
 ingai i thik kum ki blang hi. Ia kine ki blang la
 shu pynriam ki leh ia ki da ki rimet na ryndong
 bad la ring ia ki da ki rangbah. Ki pait-
 bah ba bi ki ia iaid siaph ang, katba ia ki
 blang pat la ring ia ki maden u paitbah. Yn-
 da poi ha khlieh uvei u lum ki ia ong,
 "To ngu ia shonethait hangne shipoi". Ia
 kine ka jaka ba li shonethait ki Shangpung,
 lah ban iohi ia ki kyndiang na ka madan
 ba don ki rang Menar bad kumjuh ruh na
 la shneng Menar hi. Ki Menar ynda ki la
 iohi ia li Shangpung lem bad ia kita ki blang
 bi lieh tiem k ong. "Da shisha li Shang-
 rung ki thnu lek ban iasuk bad ngi ha kane
 ka kynti". Hadien katto katne por ki Shang-
 pung ki hiar arsut uta u lum bad leit ha
 kata ka madan. Ynda poi harud ka Wah
 Umpyar, shuwa ba kin klan sha sh liang kata
 ka wah, ki rangbah Shangpung ki ong, "Ieh
 shuwa ia ki blang hangne; ki mat ia bam
 phlang shuwa". Namar ki sheptiang ba lad

ki ialam ia ki blang haduh ka madan koi,
kaba don sha shiliang wah ki Manar kin sa
iohi ba kita ki blang kim dei ki blang ba
shisha. Kumta kin tip ia ka jingthmu ba
shiew jong ki.

Ha kata ka madan ia ka Syiem Latym-
pang lem bad katto katne ki nongsynran jong
ka, la thaw da ka kynja ryusan ba kin shong
kham phijh na ki patbah. Haba ki Shang-
pung bad ki Manar ki ia kynduh markhmat
ha kata ka madan, ki rangbah Manar ki ong,
"To ngin ia sdang noh ia ka kam, khnang
ban dup lah ban pyndep ia ka kam kham kloj
bad ba ngin dup lah ban iapoi iing dang shai
dang bar"

"To ngin ia ap sa shiphang namar mynta
dang ieng bha ki ngi te ka shit than, ieh
kan kham noh khyndiat ba ngin sa ia sdang
ia ka kam ba ngi la ia thmu lang ban pyn-
dep", la phaj ktien ki rangbah Shangpung.
Hamar kata ka por ki laingut ki nongsyntiat
na Shangpung, u Khyrdein Saio, u Khre La-
mare bad u Sh Syngkhip ki sdang ban wiang
ding ia ki iang ki sem jong ki nong Manar,
kiba ha kata ka por ki dang long baroh tang
da ki iing phlang suda. Haba la sdang ka
tdem ban kiew, ki Manar ki ong, "Ka tдем
aiu katei kaba mih napoh ka shong jong ngi",

"Shish phi, phi shu ia kren bieit, katei
te dei ka tдем kaba mih na jingthang miut
thang mer ki khyannah naduh mynhynnin myn-

mleit, bad mynta namar ba don lyer kumta ka tdem ruh ka kham jur kein", la phai ktien ki Shangpung. Hangta ki iasdang ban iatai nia, shaphang ka daw jongka jingmih kata ka tdem. Hynrei, tang hadien katto katne por la saw ka suinbneng na ka jingklang bad pluh ka ding kaba la ishyrkhei ban peit, bad ka la bam duh ia ki ling ki sem bad ia kiei kiei kiba don hapoh jong ki. Dei ruh ha kane ka por ba ki nong Manar ki la ia kulmar thlim, ki Shangpung pat ki shim ia kane ka kabu ban sei ia ki waitlam arliang syrti bad ia ki sum jong ki, na ka jaka ba ki la buh rich ia ki hapoh uta u shyiap. Nangta ki dung bad pom pyniap naphang ia ki nong Manar. Ki pyniap ia ki tymmen ki kro, ia ki samla ki samhoi, ia ki rangbah ki san, ia ki shynrang ia ki kynthei, ia ki khynnah bad ki khyllung de, khlem don ka jingisynei iano iano ruh em. Ka Syiem ka tang shu iohi ia ka jingshah pyniap kput ba itriem jong ki briew jong ka, kumta kloi lan ka ialeh ban lum ia ki briew jong ka, katba lah bad iaphet iap shapoh khlaw. Ki Shangpung ki ialeh ban pyniap shuwa ia ki rangbah namar, ki sngew ba iarat ka Syiem kynthei kan her shaci kein, ban lait im na ka kti jong ki. Na kane ka jingshah pom pyniap jong ki nong Manar, ka mih ka jingphlei bad ka jinglyngkien jong ka snam kaba la ishyrkhei rem ban peit.

Ha ka por ba ka Syiem Latympang ka phet iap, ka jingpom bad jingpyniap ia ki Nong Manar ruh, ka dang iaid shaid shaid.

Ha kata ka por don kawei ka briew kaba bat ia la i khun khyllung kynthai, ka shah pom bad bret ia ita i khyllung harud nur. Kawei ka nong Shangpung kaba kyrteng ka Hat Suchiang ka la iohi ia kata ka jingjia, kumta ka la shim ia ita i khyllung bad buhrieh ia i hapoh ka jain sem jong ka bad ka rah ia i sha la ling. Ynda poi ha ling ka buhrieh ia i hapoh "Tyllu kba" (kata hapoh thiar kba). Ynda ki briew ki iohi ba ka rah ja ha ka maloi ki kylli, "Phin ai ja ia ei kumne?".

"Ba dang ioh khun ka miaw, kumta ngan ai ja ia ki miaw kein", la jubab ka Hat.

Namar kam nud ban iathuh ia ka jing-shisha, ba ka sheptieng ioh kin pyniap ia ita i khyllung bapli ruh. Hadien ka jer kyrteng ia ka ka Mihlap, ynda kane ka khynnah ka la dap khadhynniew snem, ka Hat ka la pynshongkha ia ka bad u Rieng Suchiang, uba dei u ksiew jong ka hi. Haba ka Hat ka iathuh ia ka Mihlap ba kan pynshongkurim ia ka bad u Rieng Suchiang uba long u ksiew jong ka, ka Mihlap ka ong, "Wa! Mei kum-no kumta phin pynshongkurim ia nga bad uba ha ling ha sem, uba na ka juh ka jait ka kynja, kane te Mei ka dei ka kam shongsang".

"Em, phi khun kam dei kumta, phi phim dei ka khun trai jong nga bad phi dei na ka jait Shadap, nga la tam ia phi ha ka por ba i mei jong phi bad kiba bun ki nong

Manar ki la shah pyniap ha ki Shangpung. Kumta ym don kano kano ka daw ban khang lad ia phi ban iapoikha iapoiman bad u ksiew jong nga. Baroh shi katta ngam nud ban iathuh ia ka jingshisha namar, nga sheptieng ba ioh ia phi ruh kin pyniap. Hynrei mynta ba la slem ka por bad ba ym don shuh ka ka jingialeh thma bad ki Manar te nga iathuh ia phi ia ka jingshisha", la phai ktien ka Hat Suchiang.

"Mei Kynrad phi ba ri, phi ba sumar bad phi ba la pynheh pynsan ia nga, la kum ia la ka khun trai jong phi hi, te da ka mon sngewbha kein mei kynrad, nga pdiang hun ban shongkurim bad u briew uba phi la jied ia nga", la jubab ka Mihlap.

Dei na kane ka khynnah ba sa roi biang ka jait Shadap. Ia kito kiba ioh ban phet iap lem bad ka Syiem Latympang la khot ia ki Shadap Manar. Kaba ia kito kiba lait im hynrei kiba sah shadica, khlem da ioh ban leit ryngkat bad ka Syiem la khot ia ki ki Shadap Passah.

Ki Shangpung haba ki la jop ia ki Manar, ki ai khusnam ia kito ki lai ngut ki nongsyntiat jong ki. Ia u Sah Synkhip ki shah ia ki kur ki jait jong ba kin ting kur ia lade da ka jait Mynso khnang ba dup bit ban trei ia ka kam Dolloi. Ki shah ruh ia u ban thaw pyasah nam ia ka jingkieng ha

Rangnah. Ia kane ka jingkieng la thaw da kaba teh da ki rimet. Ia U Khre Lamare ki ai ia u ban bat ia ka niam ka rukom, ka ba ia dei bad ka rep ka riang. Kata katba um pat dep ban knia, ym bit ban thung ban tep ia u riewhadem, u phrisbin, u krai, u kba bad i kiwei kwei ki jait jingthung. Ia u khydein Saio pat ki "Le Myndo" ka lyngkla, ia ka ba ki la ioh ka knieh na ki nong Manar (Le Myndo ka lyngkha, ka mut ka lyngkha ka la la heh bha, ha kaba ki trai lyngkha ki hap ban shna lai tylli ki Myndo (trep) ki ba jngai kawei na kawei pat khnang ban suk ban rep ban riang).

LEIT SENG HIMA THYMMAI KA SYIEM

Ka Syiem Latympang lem bad kiba lait im ryngkat bad ka, ki iaid napoh napoh khlaw bad ynda poi halor uwei u lum ka sei artylli ki nam pliang bad ia uwei u khnam ba lai dong (uta iasyriem ia ka dur u Wa ba laidong, tangba une u khnam u long uba heh, uba jrong bad uba nep bha har har). Hamar kane ka por wan poi u Long Shadap bad u iathuh, "Syiem Kynrad, katba nga dang riech ban lait im hapoh sanium na ka kti ki Shongpung, nga iohsngew ba ki Shangpung ki iakren, ki ong ba ngi ki Manar ngi long kiba shida bad ba beit, kumta ngi la shah shet ha ki Ki khlem wan rah ia ki blang ban knia, hynrei ki shu pynriam blang da ki khynnah ba hapoh shiphew snem kiba na ka

jait Sungoh, Suchiang Madan bad Iongbon. Dei na kata ka daw ba ki ieh ia ki blang sha shilliang wah, khlem pynpoi ia ki haduh ka madan knia. Namar ba ki sheptieng ioh ngin iohi ia ka jingthmu basniew jong ki ha shuwa ba kan pluh ka shnong jong ngi, bad kumta ngin lait na ka jingkulmar thlim, bad kin ym ioh ban pyndep ia ka jingthmu ba pohjait jong ki'.

“Khublei shibun ia ka jingiathuh jong phi, wat lada phim iohsngew ia ka jingiakren jong ki ruh, ia ka jingshet shukor bad ia ka jingarsap arphong jong ki, ym don shuh ba lah ban len haba ki la nud ban pynkhein ia ki kyntien hok kyntien sot, ba ngi la ia khlei ban pynlong ia ka jingknia iasuk. Phewse! Ki pynlong lan knia pynban da ki khun ki hajar jong nga, kiba khlem ki atiar ban iada ialade, khlem don shuh ka rain ka rem”, la phai ktien ka Syiem.

Shuwa ba kan siat ia u nampliang ba nyngkong ka tim ka tla ia ki Shangpung kumne, “Ha ka shnong jong phi kan mih ka jingpyniap br.ew, ka jingialeh makynti bad ka jingshet kylla. Kan ym don ruh ka jingshong suk shong sain, man ka por kan don ka jngiashrut, ka jingiashoh ia dat tad ka jingkulmar suda, bad ka shnong jong phi kan ym roi”, kumba dei ban roi. Mar iadep tim, ka siat ia uta u nampliang uba nyngkong bad u hap halor u lum Mupdang hajan ka jaka ba ki khot

"Pdein Kdohkule". Hangne haduh mynta, hajan ka jaka ba hap uta u khnam don kawei ka khlaw rit, ha kaba ym bit ban rep ban riang namar, ki khein sang ia ka. Nangta ka Syiem bad kiba tud ia ka, ki leit haduh ka jaka ba hap u khnam uba nyngkong.

Ynda poi ha kata ka jaka ka sei sa ia u nampliang uba ar, bad shuwa ba kan siat ia u ka tim pat kumne, "Phi ki jait Sungoh, ki jait Suchiang Madan bad ki jait longbon, kumba phi la shet shukor bad nud ban riam ha ka dur ki blang ba lieh tlem, te kumta yn mih ha ka jait ka kynja jong phi man la ka pateng briew, u briew u ban lieh blaid blaid baroh shi rynieng bad u shniuh ruh un lich hi, ki khmat ruh kin rit bad un shitom ban peit pyrshah ia ka sngi bad ki rud jong ki khmat jong u ruh kin long ha ka rong blad, Nyngkong yn mih kum une u briew ha ka jait Sungoh. ynda la iap uba na ka jai Sungoh yn mih pat ha uba na ka jait Suchiang Madan bad ynda khlad une pat, yn mih ha ka jait longton Kane ka jingmih kan iai bteng kat kum ka pali na kawei ka pateng briew sha kawei pat". Kane ka jingpang lieh blaid blaid ka sniel doh bad u shniuh lem bad ka jingrit ki khmat bad ba shitom ban peit ia ka jingshai ka sngi bad ba long rong blad narud ki irmat, ka long thik kum ka jingpang ba ki khot ha ka ktien phareng "Albino". Mar ia dep tim, ka siat ia u nampliang u ba ar bad u hap halor u Lum Tinjang, uba don mihngi na ka shnong Raliang. Nangta ki leit biang haduh ban da poi haduh u lum Tinjang.

Ynda poi halor u lum Tiniang, ka Syiem Latympang ka sei ia u khnam ba lai dong bad shuwa ban siat ia u ka ong kumre. "Me u khnam men ialam lynti ia nga mynta, nga kaba la shah leh bein, nga la hap ban iehnoh ia la ka ri ka muluk, ki khun ki hajar kiba bun ruh ki la shah pyniap ha ka kti ki nongshun. Kumta, me u khnam men ialam lynti, khnam ba ngan dup lah tan seng pat ia la ka hima ka siru. Mynta ngan siat ia me bad kat shaba me hap la ha u lum, u dieng ne u maw, ha kata ka jaka ba men hap kan kad lai liang. bad hangta ngan seng ia la ka dwan blei bad ia ka hima ruh shajan shata". Mar ia dep ong ia kine ki kvntien ka tan katba ka lah ka iai ia ka 'tichbah bad ka a pyllait ia u khnam bad u ksong ka rvntieh u da sawa jur piaw na ka jingjur palat ka jingtan ia u. Uta u khnam u dei ha uwei u mawlong uba heh bha bad kumta u kad lai liang wak. Une u mawlong u don ha ka jaka ba ki khot, "Lum Letno".

Na lum Tiniang haduh lum Letno ka jngai kumba khadhynriew mer ei ei, hynrei lada lah tan her teit siak kumba her ka sim ha suin, kan jngai tang kumta saw mer eiei. Ha ka por ba ka Syiem Latympang ka siat ia uta u khnam ruh, ka lyer ka jur bha te kumta ka lah ruh ban long, ba da ka jingiarap ka lyer bad ka jingiaid teit uta u khnam kumta u sa hap haduh lum Letno.

Ka Syiem Latympang lem bad ki pait jong ka ynda ki poi ha lum Letno, ki iohi

ia uta u mawlong ba la kad lai liang na ka jingsiat jong ka da u khnam ba lai dong, uba long ruh u khnam ba lai bad ba khaduh ba ka la siat. Kumta ka ong, "Ka Duwan blei jong nga kan long hangne bad ngan seng ruh ia la ka hima mynta".

Ka Syiem Latympang Shadap hadien ba ka la seng ia ka hima jong ka, ha ka Elaka Shilliang Myrtang, ka la long biang ka Syiem kaba riwspah. Ka don bun ki jaka ki puta, ki lali ki hator, ki khlaw ki btap, ki jingri ki jingdup bad ka ksiar ka rupa. Ka la tei ruh ia kawei ka iing dulan paki kaba ar mala halor u lum Latuba. Ia kane ka iing la ker ia ka baroh sawdong da ka kut kaba khlain bad ba skhem bha. La pynap pahara ruh ia ka da ki shipai kita khlain bad ba tbit bha ban jaleh thma. Ka don ruh bun ngut ki shakri ki shakor. Mynta uba ioh pateng ia ka spah ia ka phew jong ka dei u Kolipshon Shadap, uba na ka shnong Wyrto. U dei u khun marwei jong i Meirad Dhon Shadap Khliehriat (la sin ia la ka Shadap Khliehriat namar ka shong halor uwei u lum). U Kpa jong u pat u dei u Jarad Ihri Pala ia ula ki ju sin ruh u Phri Sen. Haduh mynta ka kmie u Kolipshon Shadap ka dang tat ia ki Pynthor nongtymmen ba ka ioh pateng na ka Syiem Latympang Shadap, kiba heh haduh katta katta bad a khet ia kita ki pynthor, "K' pynthor Khadhyrriaw wah Khadhyrriaw Myndo". Namar kine ki pynthor ki don harud khadhyrriaw tylli ka wah bad la shna ruh

khadhynniew tylli-ki Myndo (trep) khnang
 ban suk baq rep ia ki la ki tiar niam kum
 ia ki ksing niam, ki pliang rnong niam, ka
 soloï blai, u sum, ka stieh tad kiba kum
 kita ki jait tiar la bat ia ki haduh mynta da
 i Meirad Dhon Shadap. Ia ka That (jain)
 shynruin kata ki pyndonkam ha ka por knia,
 ia kane ruh la bat hi ma ka.

Mynshuwa man ka snem ha u bnai
 Wisu (Lber, March), ki ju leh niam leh rukom
 na ka bynta ka Syiem Latympang. Ki pyn-
 long ruh ia ka jingknia ha ka duwan ba don
 ha lum Letro Hadian ta ki la dep leh Niam
 ki pynlong sa ia ka Festieh Neng'a ki pyn-
 long ruh ia ka slad shynrang ka shad kyn-
 thei ha ka madan Mynskoï Ka jingsha' hi
 ka lon h kata ka rukom ta ki norishad
 ki dei ban don khap shynrang khap kynthei
 Ki shynrang ki riam kumne: - Ki spong ia
 ka khli h da ki jain spong ba bha Halor
 ka met ki phong da ka sopti lieh bad ka
 putoï, na syngkai sharum pat ki boh da ka
 jain boh talich Ki deng ruh ia ki kpieng
 ksiar bad ka shanam bad tyndong t'mpew
 ta da ka rupa Ki kynthei pat ki riam ki
 beit da ki jain tynrai kum ki jain muka
 ryndia, ki dhara, ki khyrwang bad ki thoh-
 saru Ki deng ruh ia ki kpieng ksiar, ki kyn-
 jri ksiar, ki shah ryndang ksiar re rupa ki
 sohshkor ksiar, ki sahti ksiar bad ki khadu
 ksiar Ka jingshad ka long kaba iaid suki
 iai tad suki suki ka kylla stet, kat kum ba
 iaid ka jingtem ta tem ki dhulia ia ka ksing,
 la laku-da-dak-(shakudiah), ka jingput sharati

bad ka Laho (phawar). Ha ka por shad ki kynthei ki ju kynset ia u kwaidong hapoh ka jainspong jong ki rangbah. Ki nongshad kynthei baroh ki dei ban long kiba dang sotti bad ki dei ruh ban shad pyndep laisien laiwat hapoh ka lai snem. Hynrei, lada jia ba don ki nongshad kynthei kiba ioh tnga haba kim pat pyndep ban shad laisien laiwat hapoh ki lai snem, kum kita ki hap ban ia pyllait tnga ha ka por ba pynlong ia ka jingshad, tad haduh ba kin da dep pyndep ia ka jingshad ba lai sien bad ba khadduh jong ki.

Ia ka jingshad bad ia ka jingleh niam la pynlong khadduh ia ka ha ka snem 1952 Myn-ta la 36 snem kim lah shuh ban pynlong ia ki namar, ba jur than ka jinglut jingsep ha ka ban pyndep ia ka jingleh niam leh rukom bad ia ka jingshad.

Dei ha kawei ka sngi, ha ka por ut kba, ha u bnai Risaw (October), hadien ba ka Syiem Latympang Shadap ka la dep seng ia la ka hima ba thvmmaj jong ka, bad dei ruh ba ka por ba ki shakri bad ki nongrep jong ka, ki dad kit kba ha ki khoh hoh na ka pynthor ba ki khot "Wahkynshur", ka ba don ha shiliang jong u lum Letno, bad ynda ki poi ha ka jaka ba ki khot "Khlieh-Liar-Smer", ba ka Syiem Latympang Shadap ka ong ia u wei na ki nongrep jong ka, "Theh ia uto u kba shi khoh hahlor une u shylliah bad sa leit kit noh. da uwei pat u kba. Hynrei lada jia ba une u kba ban une u shylliah kin kylla maw ynda pii la wad

phai, ka mut ba katba dang im ma nga, ia kané-
ka Hima thymmai ba nga la dep seng, yn ym
don shuh ka bor ha kane ka pyrthei ba yn dang
lah ban pynkhih ia ka”

Uta u nongrep u la leh thik kumba la bthah
ka syiem ia u. Bad ka la long ka jingphylla ka-
ba khraw ba ynda uta u nongrep lem bad kiwei
pat ki para nongrep jong u ki la wan kit da u
wei pat u kba bad ynda poi ha “Khlieh Liar-
Smer”, ki lap ba uta u kba lem bad u shylliah
ki la kylla maw pynban. Kumta ka jingong
jong ka syiem Latympang Shadap ka la urlong
bad kumta ha ka por jong ka ym don shisha
ba lah ban pynkhih ia ka hima thymmai ba
ka la seng. Haduh mynta mynne ia uta u kba
bad u shylliah ba la kylla maw dang lah ban
iohi ia ki.

* * *

KA SYIEM LATYMPANG BAD U SYIEM SLIENG

Ha dien ba ka Syiem Latympang Shadap
ka la dep ban seng ia ka hima thymmai jong
ka, ha ka Elaka Shilliang myntang. k khun
ki hajar jong ka, ki la shna ia ki hali
hator ha baroh ki jaka kiba don ha trai jong
ki lum bad ha ki jaka kbia don harud jong
ki wah, ia kiba lah ban ring um sha ki,
khnang ban dup lah ban rep ban riang ia ki.
Kumta ki dap ki biang ka bam ka sa, na
ki hali ki hator bad ki die ruh ia u khaw u

kha, ki ioh ban thied ia ki jingri jingdup!
 kum ia ki masi ki blang, ki syiar ki sniang bad
 kumta tang hapoh khyndiat snem, ki la kylla
 long ki briew kiba riwspah, kat kum ka
 jingkhien briew ha kato ka por. Dei na ka
 bynta kane ka jingroi ka jingpar jong ki, ha
 ka liang ka rep ka riang, ha ki jingri jing-
 dup bad jingdon jingem ha ka spah ka phew;
 ba u Syiem Slieng jong ka hima Mukroh, kaba
 don hajan ka shnong Wyrto (Barato), ba ula
 ikwah ban ioh ia kita ki pynthor kba, jong ki
 khun ki hajar jong ka Syiem Latympang. Namar
 kata u kam ia kita ki hali ki hator baroh
 ba ki dei ki jong u namar, ki dang hap hapoh
 u pud u sam jong ka hima Mukroh. Kum-
 ta u kam ba ka hima jong u ka sdang, "Na-
 duh Sablang (ka Mukroh rim) haduh Um-
 Raliang". Ka Um-Raliang ka don mar shitong
 lynti na shnong Wyrto bad ka shnong Thang-
 rain. Kumta u maham ban hiar thma ia ka
 hima ka Syiem Latympang lada kan ym pyn-
 phai ia kine ki jaka, ba ki briew jong ka ki
 la buhai jabor, khlem ioh bor na u. Kum-
 ta lada ka Syiem Latympang ka hap ban pyn-
 phai ia baroh ki jaka ki puta ba u kam,
 kan hap ban phet shnong bad seng hima sha-
 wei pat. Te kumta ka phah ia u Phrang
 Bi m uba long u nongkit - ktien - syiem jong
 ka, ban leit iakren bad u Syiem Slieng. Ka
 bthia ia u ban ong kumne, "Ong ia u Syiem
 Slieng, ba ka Syiem ka kwah ban iakren ban
 ia pynbeit ia u pud u sam ha kine ka sngi
 Musiang ka ban wan, khnang ban lait na kino

kano ka jingsngewsih. Ong ruh, ba ka Syiem kam kwah thma, hynrei ka kwah ban ia pynbeit ia kane ka jingiakajia ym da ka wait u sum hynrei da ka jingiakren bad lyngba ki lad ki lynti ki ban pynmih ia ka jingsuk".

"Syiem kynrad, ngan leit iathuh ia u Syiem Slieng, thik kumba phi la bthah ia nga, kumta ngan leit noh ho", la phai ktien u Phrang Biam.

"To, khie leit suk", la phai ktien ka Syiem.
 "To", la ong u Phrang bad u leit artad.

Ynda poi la iingjong u Syiem Slieng, u nongkit-ktien-syiem jong ka Syiem Latympang, u iathuh ia u Syiem Mukroh, thik kumba la bthah ka Syiem Latympang ia u. Nangta u Syiem Slieng u ong, "Nga sngewtynnad ban iohsngew, ia ki ktien jong ka Syiem jong phi, ba kam kwah thma, hynrei ka kwah ban pynbeit ia kane ka kam da ka jingiakren bad lyngba ki lad ki lynti ki ban wan rah ia ka jingsuk. Kumta, iathuh ia ka Syiem jong phi, ba nga kloiban ia kynduh ia i, kumba i la kwah khnang ba ngin dup ia pynbeit noh ia kane ka kynram ka kynram kaba don hapdeng ki hima jong ngi".

"Khublei shibun Syiem Kynrad, ngan leit noh bad ngan sa iathuh ia ka Syiem, kumba phi la bthah ia nga. Te mynta ngan leit noh bad phi ruh sa shong suk ho", la phai ktien u Phrang Biam.

“To, khie leit suk kata mo”, la phai ktien u Syiem Mukroh.

“To”, la ong pat u Phrang Biam bad u leit artad.

Ha ka sngi Musiang ha ka por kumba khadwei baje eiei, u Syiem Slieng u wan da kaba shong halor u hati, sha iing ka Syiem Latympang. Ka Syiem Latympang ka pdiang hurom ia u, bad ialam ia u sha ka kamra shongkai. Nangta ka phah ia ka shakri, ban wanrah ar khuri ka syrwa syiar bad ki sohpieng ba kin ia bam. Ynda ki la dep dih sviwa bad bam sohpieng, ki sdang ban iakren. U Syiem Slieng u ong, “Kumba phi la phah ktien ba ngan wan, kumta nga la wan ban ia pynbeit ia u pud u sam ki hima jong ngi. Phi i. ki khun ki hajar jong phi, ki la thombor bad shia ia ki lyngkha ki risa, ha ki jaka ba dang hap hapoh u pud u sam jong ka hima jong nga, wat kane ka iing Syiem jong phi hi ri, ki dang hap hapoh u pud u sam jong ka Hima Mukroh. Kumta nga ai jingmut ia phi, ba khnang bin lait na ka thma bad na ka jing-ia um snam hapdeng jong ngi, te kaba bha eh ba phin leh ka long, ba phin leit seng hima noh shawei kein. Lym kumta te ngi la hap ban ia ai reng”.

“Kumno kumta?, ba phi shian ban kam ia kane ka iing sviem bad ia ki hali hator jong ki khun ki hajar jong nga baroh, ba ki doa hapoh u pud u sam jong ka hima jong phi.

Nga la dep sehng ia kane ka hima la saw shem kynthih mynta Nga la tei ruh ia ka ne ka iing dulan paki, bad ki khun ki hajar jong nga ruh, da ka jingtrei shitom bad da kaba ia minot thop ki la lah ban shna ia ki lyngkha ki risa, kiba heh ba iar bad ba 'seisoh. Kátba ha ka por ha nga sdang ban tei ia ka iing syiem bad haba ki briew jong nga ruh ki sdang ban shna ia ki hali ki hator, phi ne ki briew jong phi, ki khlem wan ban uxor, ba nga la tei iing bad ba ki la shna ia ki pynthor ki bhin hapoh u pud u sam ka hima jong phi. Namarkata, nga ngeit ba kane baroh ka long tang ka jingbishni bad jingatnud, kaba la kyrsoi hapoh ka dohnud jong phi, hata phi la iohi ia ka jingman, bha, ka jingroi bad ka jingshembha jong ki briew jong nga. Kynmaw ruh ba ka jingbishni, ka long thik kum ka sarang ka ba bam duh ia ka jingiatiplem jong u briew ne ka briew", la phai ktien ka Syiem.

"Kumno kumta, phi nud ban ong ba nga long u nongbishni ia ka jingman bha bad jingroi jong ki briew, jong phi. Bad lada phim pdiang ia ki jingai jingmur jong nga, te phi la sngewthuh hi, ba kan khie ka thma hapdeng ka hirra jong nga bad ka jong phi. Namar, ngam lah ban shah, wat tang shi tda ruh, ba u pud u sam jong ka hima, un shah knieh ba ha kiwei pat", la pyntieng u Syiem Slieng.

"U briew uba kwah ia ka thma, u dei
 ban long u triew u bym don jait don khong
 shuh. 'U bym don shuh kiba ha tingha sem,
 ki kur ki jait, ki kha ki man, ki khun ki
 kti bad ki lek ki jer, ki ban tam ynda u
 la iap. Ka shong hok kein ia kum uta u
 briew ban kwah ia ka thma. Hynrei, ia ube
 lun uba lang, hi te kum ju bha ba kin ia
 kwah thala ia ka thma Namar ka thma
 kan ym wan reh ia ka jing'uk, hynrei kan wan-
 lam ia ka jinglap bym dei por, ka jingiaum
 snam, ka jingmysaw mynsnam bad ka jing-
 jynjar ka jinglanot khop jong ki khun ki ha-
 jar ha baroh ar liang ki hima. Hadien ka
 thma ruh u 'ingtyikhong bad ka jingiashun
 iapen hapdeng ki briew jong nga bad jong
 phi ruh kan lai neh lynter katba ki dang im
 ha kane ka sla pyrthei. Kumta khnang ban
 lait na kine kiei kiei ki jingjia ba sngewsih,
 bad lada phim hun hi shuh te, iq ngin ia
 aireng para mar-wei para rangbah, kata phi
 bad nga da kaba tied ia ka, "Dat-la-ma-
 nang" bad kat haba kata ka dieng kan hap,
 lada dei ba tied ma phi kan long u pud u
 sam jong phi naduh kata ka jaka. Bad haba
 tied ma nga ruh, kat sha ba hap kata ka
 dieng kan long u pud u sam ia ka hima
 jong nga. Kumta kat kiba lah ban tied kham
 sha jngai uta ne kata, un long ne kan long
 nongjop", la ai jingmut ka Syiem Latympang.

"Nga ruh nga pdiang ia kata ka jing-
 tyrwa jong phi. Hynrei, shuwa ba ngin ia
 tied ia ka dat-la-manang, ngi dei ban da

ia smai ba kat ba rem dei ban shah pyn-
iap ha u ne ha kaba jop ha ka jingiatied ia
ka Dit - la - manang, da kaba tar ia u kpoh
bad ia ki snier pat yn wah ia ki halor ki
tnad jong u dieng Saplo (u dieng soh mylleng).
Lada phim nud pat ban smai, ban leh kumba
nga la ong, to ieh ngin ia rai, ia kane ka
jingiakajia pud da ka thma", la byrngem
pyntieng u Syiem Slieng.

"Haduh katta mo phi kwah? Ha ka
jingshisha katba jop te la jop kein, bad ym
donkam ban pyniap ia u ne kaba rem. Hynrei
lada phim hun shuh, te ngam banse kein ban
leh kumba phi kwah, khnang ba kan ym khie
ka thma hapideng jong ngi. Namar ngam
kwah ban iohi ba ki khun ki hajar kin jyn-
jar biang, haba ki la dep mad ia ka jing-
kthang, jingkordit kaba la palat bha, dang
tang khyndiat snem mynshuwa. Te kumta da
ka jingbymbanse kein nga shim ia kane ka
jingtyrwa jong phi, ban ia smai bad ban ia
pyniap ia uba ne kaba rem. Kumta lashai
ka sngi hi, ha ka por nohphai sngi, phi bad
san ngut ki myntri jong phi, nga ruh lem bad
ki myntri jong nga san ngut, ngin iakynduh
halor uto u lum ba don ha khappud, ban
ia aireng da kaba tied ia ka dat - la - ma-
nang ho", la phai ktien ka Syiem.

"Kata ka biang bha bad phin iohi ba ia
kine ki hali ki hator baroh, ngan sa ioh ban
lur ia ki da ka lyagkor jong nga. Namar, kata

wat babe shuh, namar, phi la nud bad shlan ban iakop ban ia aireng kat bad nga, u rang-bah uba long u khadar bor. Te kumta ngan leit noh, bad ngin sa iakynduh pat lashai kumba la ia kut. Phi mynta ka sngi, bam pyntun ialade katta phi leh phi iai namar, lashai ka sngi phin sa rem bad phin sa iap khlem pep", la nang pyntriem u Syiem Slieng.

"To khie leit suk ia ka ban iap ma nga ne ma phi, te ngin sa ia peit pat lashai ka sngi. Hynrei, kynmaw ba ka jingjop hi kan wan sha ka liang kiba hok, ym sha ka liang kiba pop, ki ba i kwah rhah ia ki jong ki-wei, bad khnang ban ioh ia ka kin ym salia kin ym lehrain ne sngewrem ban pyndonkam da kano kano ka lad ruh", la sdang swar ka Syiem, ban pynieng ia la ka daw bad ban pynkсан ia lu ka rngiew. Nangta u Syiem Slieng u leit phai, khlem da kyliang ktien shuh, da kaba shong halor u hati jong u.

Ha ka sngi kaba bud, haba la biang ka por ban leit, ka Syiem Latympang lem bad san ngut ki myntri jong ka, ki ia mib ban leit sha ka jaka ba la iakut ban ia aireng bad u Syiem Slieng. Ka Syiem ka shong halor u kulai jong ka, uta lieh tlem baroh shi rynieng, arngut ki myntri jong ka ki shong halor ki kulai basaw baroh shi rynieng, arngut pat ki shong da ki kulai ba iong tlem baroh shi rynieng bad uwei pat u myntri u shong da u kulai ba iong ka met, hynrei ki

kjat jong u baroh saw tylli na-mat khohsiew. sharum bad ka shyllangmat jong u pat ki long da ka rong lieh. U Syiem Slieng ruh ha kajuh ka por, u mih ban leit da kaba shong halor u hati, bad ki myntri jong u baroh san ngut ki shong da ki kulai ba saw baroh shi rynieng. Kumta ha ka por nohphai sngi thik, ki arhang mamla ki la poi halor uta u lum uba don ha khappud. Kumta ka Syiem bad u Syiem ki ia smai hakhmat ki myntri jong ki, ba katba rem yn pyniap ia u ne ia ki da u ne ka ba jop. U Pud u sam jong u ne ka ba jop ruh kar long naduh ka jaka ha kaba hap kata ka dieng dat - la - manang. Hangta hi uwei u myntri u tih ia ka thliew ba jyndong, ka pynkiang jong ka ka long kumba 7 inshi bad ka lyn-ter pat kumba 8 inshi. Nangta u buh sa ia u dieng tylli ba la stah jlih bha, u ba ka jylli jong u ka long kumba shi inshi shi teng bad ka lynter jong u pat kumba 8 inshi. Haba la dep pynkhreh ia ka jingiatied dieng dat - la - manang, ka Syiem Latympang ka ong, "Kane ka jingiatied kan long beit tang mar shisien tied, - bad lada jia ba don ba kum bakla ban tied ruh, yn ym shah shuh ne ai lad ban tied ar sien iano iano ruh".

"To, nga ia monjui bha bad kata ka jing-tyrwa jong phi, ba shisien ba la tied te la tied, jia katba jia, long katba long, ym don-kam ban ai lad ban tied ar sien", la phai kien u Syiem Slieng.



U Parat Phiri Pula, ka Meirad Thon Shidap bad u khun
marwei jong ki u Kolipshon Sia⁴ ip keb' long ki nongioh
pateas ia ka spah ka vhew jong ka Syiem Latympang.

dieng u her thiaw, tang ba sniew tok ba uta
 u dieng u leit dei ia uwei u dieng Ratiang,
 uba heh bad ba jlan bha. Kumta uta u dieng
 dat - la - manang um loh lad ban her bad
 ban hap, haduh ka jaka ba u dei shisha ban
 hap, kat kumba la tied ia u. Mar kumta hi
 khuk khak, ka khmat jong u Syiem Sleing
 ka kylla dur, ka thangiong lad u kyuh ba-
 roh shi rynieng, u da ong ruh, "Katto te,
 ka sngi jong nga ka la sep". Hynrei, wat
 la katta ruh u pyneh snieh pathaw hi, bad
 u ong, "Tied sa ma phi". Ka Syiem La-
 tym pang ka shim ia u dieng dat - la - manang,
 bad ka ai ha uwei u myntri jong ka ban buh ia
 u halor kata ka thliew. Nangta ka shim sa
 ia ka dieng tied jong ka; bad shuwa ba kan
 tied ka da nguh blei kumne :-

Shihajar nguh Trai Kynrad,
 To sngap to sngew ia nga,
 Ah ! Trai Kynrad Nongbuh Nongthaw,
 larap, ai bor ma Me ia nga,
 Khnang ba ka hok kan ieng rasong,
 Bad ka pop kan rem kan duh,
 Shihajar nguh.

Mar iadep nguh blei ka tied ar sien ar-
 wat halor ka khyndew, narud jong uta u
 dieng ba don halor thliew, bad ha ka sien
 kaba lai, ka tied phak ia ka iduh jong uta
 u dieng bad u kynthih kham shalor khyndiat,
 ha kata hi ka por ka kawang dain ia uta u
 u dieng, katba ka lah ka iai da ka dieng
 tied jong ka, bad uta u dieng dat - la - ma-
 nang, u her thiaw bad hap haduh ka jaka

ba ki k'hot "Pyllein-daku". Kata ka jaka ka don hapoh ka hima Mukroh bad ka don hajan shnong Mukroh hi Kunta jop ka Syiem Latympang ia u Syiem Slieng ha ka jingia-kop ban tied ia ka Dat - la - manang. Haba ka la jop, ka Syiem Latympang ka ong ia u Syiem Slieng, "Ia, leit hangtai bad thiah ly-dang halor jong utei u maw, k'nang ba ngin tar ia u kpoh jong phi, ban dup sei ia ki snier bad ba ngan ioh ban wah ia ki halor ki tnad jong u dieng Saplo, kumba la iasmai". U Syiem Slieng ruh um banse ban leh kumba la b'han ia u. Hynrei, ha ka por ba u leit u kyuh that that, bad u kyllon lai sien lai wat shwa ba u poi bad thiah halor uta u maw Shwa bi ut iap u ong ia ki myntri jong u, Iathuh ia ki khun ki hajar baroh, "duhai! Ym bit ban ikwah thala a ka jong kiwei. Iathuh ruh ba nga u Syiem, nga la duh ia la ka jingim, tang namar ba nga kwah ban ioh ia ka jong kiwei, bad ba nga ibein ruh ia ka Syiem kynthei ba tlot bor".

"To, Sien kyncad ia ka jingkwah ba khadduh jong phi, shwa ba phin iap ngin sa pyndep ia ki", la phai ktien ki myntri jong u Syiem Slieng. Mar kumta ka Syiem Latympang ka sei ia ka waitlam arliang syrti ba nep har har jong ka, bad shuwa ba kan tar ka nguh blei mne : -

Shihajar nguh Trai Kynrad Nongthaw
Nongbuh,

Map ia nga namar kam dei ka mon jong
 nga,
 Hynrei, ngam banse ban leh ia kane,
 Namar ngi la dep ia smai ia tang shuwa,
 Kumta kat kum ka kular bad ka jingsmai,
 Ngan pyndep ia ka mynta, Shihajar nguh.


Mar iadep nguh blei ka tar ia ka kpoh
 jong u, bad ka sei ia ki snier, hangta ka
 wah ia ki halor ki tnad jong u dieng Saplo
 (U dieng Soh Mylleng) kumba la ia kut. Ia
 kane ka jaka haduh mynta mynne ki khot ia
 ka. "Ka Saplo wah Sner" (sner ka mut inier)
 Hadien kata ka sait ia ki kti ki kjat jong
 ka, halor u maw ba don hajan kata ka jake
 ba ka tar ia u Syiem Slieng, ia uta u maw
 ruh haduh mynta ki khot ia u "U Moo sait
 kjat" (Moo ka mut u maw). Hadien ka phah
 ban stah ia ka dur lyngkor halor uta u maw
 saitkiat, ban pynkynmaw ba ka jingkop jong
 u Syiem Slieng, ba un sa ioh ban lur ia ki
 lyngkha ki risa jong ki khun ki hajar jong
 ka, ka la kylla mulot. Haduh mynta ia ka
 jingoh dur lyngkor halor une u maw dang
 lah ban iohi ia ka. Halor u maw ba la tar pat
 ia u Syiem Slieng, lah ban iohi haduh mynta
 ia ka dak ka shin jong ka dien ka met jong
 u, kaba mih na ka jingshon ka met jong u
 halor uta u maw, na ka jingkhiih jingksaid
 jong u, ha ka por ba u shah tar, khnang
 ban sei ia ki snier jong u.

Hadien kata ka Syiem Latympang ka khot
 ia ki myntri baroh arliang, ban leit haduh ka



Jaka ba ki khot, "Seh lama" (Seh ka mut sieh). Ynda poi ha kane ka jaka ka phah ba kin tih thliw artylli bad ban sieh ia ki ar tylli ki lama, ki ban long u pud u sam jong kine ki artylli ki hima. Na kita ki lama sha ka liang sepngi kan long u pud u sam jong ka hima ka Syiem Latympang. Sha ka liang Mihngi pat, kan long u pud u sam jong ka hima Mukroh.

Wat la ka dieng "Dat - la - manang", ka la hap haduh ka jaka ba ki khot "Pyllein-daku", kaba don hapoh u pud u sam jong jong ka hima Mukroh. Pynban ka Syiem Latympang, kam treh ban shim bad ban pyniasoh ia ka ha ka hima jong ka, kumba ka la dei hok ban ioh kat kum ba la iakut, ha shwa ban ia aireng ha ka jingiakop dat - la - manang. Kumta kane ka khubor jong ka jingbha bad ka jingjynsur mynsiem jong ka Syiem ka la par kylleng sawdong. Namar kata, kito ki shnong baroh ki bym pat don Syiem, kba don marjan bad ka hima ka Syiem Latympang, ki leit ban pyniasoh noh ia ki shnong jong ki bad ka hima jong ka. Ka hima Mukroh ruh, da ka jingialam ki myntri ki leit nguh Syiem noh ia ka Syiem Latympang. Kumta ha ka por ba ka Syiem ka seng ban pynlong ia ka Niam ka rukom ka buh da ki hali hator ban ai ia ki nong-trei niam khnang ba kin ioh ka bam ka sa. Ki Mukroh ki ai ia kato ka jaka ba la hap ka dieng dat - la - manang, ia kaba la khot "Pyllein - daku", ba kin shna ia ka hali na



ka bynta u Lyngdoh Niam jong ka Syiem. Haduh mynta ia kane ka pynthor kba ki khot ia ka, "Ka Rek Lyngdoh", kaba mut ka hali bam Lyngdoh.

U hati iong u Syiem Slieng pat, na ki daw jong ka jingklusai bad jingsngewsih khang jong u, na ka bynta ba u kynrad jong u ula iap. Kumta um treh shuh ban leit phai sha la shnong, wat li ki khroh ki kjor ia u katno katno ruh. Um treh shuh wat tang ban bam ban dih hi ruh. Kumta u shu iaid sharum shaneng, shajan kata ka jaka ba u kynrad jong u u la shah pyniap. Ha kaba khadduh ynda um lah shuh bun ieng namar ba bun ka jingsngewsih khang bad ka jingthngan, u dem ha madan, bad ki ummat ki iai tuid na ki khmat jong u. Ha kaba kut u sa iap bad kylla maw. Haduh mynta ia ka dur ba la kylla maw jong une u hati dang lah ban iohi ia ka.

Ka jaka ba ki khot, "Sap'o wah sner", u Maw ba shah tar u Syiem Slieng, u maw Sait kjat, u Maw ba la oh ia ka dur Lyngkor. ka jaka ba ki khot "Seh Lama", bad u hati ba la kylla maw, kine baroh ki don hapoh ki k'law jong ka Meirad Bud Nangbah Biam, kaba u shnong Wyrto,

KA SYIEM KA PATHAI KHUBOR JINGIEIT

Haba ka hima jong ka Syiem Latympang ka la ioh ia ka jingshongsuk shongsain, ha kata ka por ka Syiem ka la sdang ban iaw, namar, ka le dap 38 snem ka rta. Hynrei wat la katta ruh ka dang long hi ka briew kaba bha briew. Ka don ka rynieng ryniot kaba biang, u sniuh jong ka u long uba rben bad u jrong haduh thliw khohwah, u long uba iong jngum bad ba lam kdor malu mala. Ka khmat jong ka ka long kaba i lup bad ba wan dur wan dar bha, ka don ki khmat kiba heh, ki pyllew khmat kiba iong phyrnai bad u sniuh khmat uba jrong itynnad bha. Ka khmut jong ka ka long kaba nep ikyntiak bad ki ngab jong ka ki long kiba saw bad ka snieh doh pat ka long kaba stem kum u soh Priam. Ki rym-mang shyntur jong ka ki long kiba stang, ki bniat jong ka pat ki long kiba ryntih shrak bad kiba lieh phyrnai khrek. Ki shympriah kti bad shympriah kjat jong ka ruh ki long kiba wandur wandar bha. Kam long kaba sngaid ne raikhoh, hynrei ka long kat ban itynnad bad kat ban biang ka jingheh ka met ka phad jong ka. Haba ka wiat samrkhie ki paw ki bniat ba itynnad bad don i kynja thliw rit (dimple) ha baroh arliang ki ngab jong ka, kiba nang pynbhabriew ia ka. Haba bishar nadong shadong naduh khlieh ha duh khongdong, ka long ka thei bhabriew kaba janai, ka bym don jingduna haei haei ruh. Haba ka kre i ruh ka sur jong ka ka long kaba sngew-tynnad bha. Te ha kane ka por ba la ioh shongsuk shong sain ki khun ki hajar bad namar ka rta jong ka ruh ka la kham iaw, kumta ka sdang

ban peit ban sylli Bad ban iit ia u rangkynsai u
 ban long u kurim jong ka. U ban ia kit ia
 bah ryngkat lem bad ka, ha ka synshar ka
 khaddar ia ka hima ka sima, ha ka shitom ka
 saja, ha ka eh ka shon bad u ban pynkmen
 pynsyaid ia ka mynsiem ba tmang jong ka
 man ka sngi, haduh ban da kut ka jingim
 jong ki.

Te ha kawei ka step Synrai ha kaba ka
 sngi ruh ka shai phyrnai bha, katba ka dang
 sngap kai ia ki jingpah ba sngewtynnad jong
 ki sim ba bun jait, kiba dem halor ki dieng
 Shyrngan, ki dieng Sning, ki dieng Iaiur, ki dieng
 soh Pryiam, ki dieng soh Musim, ki dieng Jri bad
 halor kiwei kiwei ki dieng kiba don ha kper jong
 ka, kyndit kyndit ka la iohsngew ia ka sur ba
 syiang, bathiang bad ba sngewtynnad jong ka
 jingrwai Phawar jong u Miat Rynsut Pala, uba
 dang niah artad ia ki masi lur jong u ban
 leit lur sha ka pynthor Latuba, kaba don
 kumba shi mer ei ei na iing syiem. Mar ia
 iohsngew ia ka jingrwai ka mih hi baranda
 ba don ha ar mala jong ka iing syiem bad
 khmih sha surok kaba don harud ka iing
 jong ka. Hangta ka la iohi ia ka jingbha
 briew jong u Miat Rynsut Pala, uba long kum
 u nai khadsawsynia. Ha kata ka por ka la
 iohsngew ia ka jingkyndeh kynsan jong u klong
 snam jong ka, kaba jur katta. katta ka la iohsngew
 ruh ba ki ngab jong ka ki kiew snam bad
 ki khlujd tai. Hangta hi ka sngewthuh ba
 ka ieit ia u bad ka da thrang dik dik ban

ioh noh ban iapoikha ia poiman bad u. Ka la ju bna ia ka jingbha briew jong u Miat Rynsut Pala bad ia ka jinglong ba bha jong u, na ka jingiakren ia khana ki briew. Hynrei kam ju patiw ne kwah ban ithuh ia u' namar, ha ka por ba ka la iohsngew nyngkong shaphang jong u, ka dang bun kam ha ka ban seng ia la ka hima. Hynrei, mynta pat ika la iapbieit ia u bad khlem kylli nangno nangno ruh, ka la tip ba utei u-briew ba ka dang shu lah iohi u dei u Miat Rynsut Pala. U Miat Rynsut Pala pat, um tip ne bna ei ei ia kata ka jingshem mynsiem bad jingieit ka Syiem Latympang ia u, bad um ju phohsniew ne mutdur hi ruh ba kan long kumta. U ruh ula ju bna shaphang ka jingbhabriew bad shaphang ka jingbha mynsiem jong ka Syiem Latympang, hynrei um ju pyrkhat ne shlan ban tur ban leit kai sha iing jong ka. U long u briew uba shisur, u im sngi bad minot ha la ka rep ka riang, namar, u long u khun rangbah uba hap ban pyndap ia ka bam ka sa ha iing ha sem, namar, nalar ba ki long kiba duk, ki la duh ruh ia la u kpa naduh ba u Miat Rynsut Pala u dang don tang shiphew snem ka rta. Kumta ka jingkhia ka jingkit ka ban ha u, ban pyndap bam pyndap dih bad ban bsa ia la ki para jong u san ngut lem bad la ka kmie ka bym don ka jingkoit jingkhiah kaba biang.

Shi taiew kynthih ka Syiem Latympang, ka ap man ka sngi ban ioh peit bad ban

sngap ia ki jingrwai bathiang u Miat Rynsut,
 ha ka por step ba u nlah ia la ki masi-ban
 leit lur lyngkha. Man ba ka iohi ia u, u
 klongsnam jong ka u tied sted bad ki ngab
 jong ka ki saw kyrang. Ynda ka sngew ba
 kam lah shuh ban set ha lade, bad lada kam
 ioh ban iathuh ne khlei ia kata ka jingshem
 jong ka hano hano, ka shadem jong ka kan
 sa bthci. Kumta ka khot ia ka thulbina Kso,
 kaba long ka shakri ba ka iet bad ba ka
 shaniah eh ha kawei ka miet ha ka kamra
 thiah jong ka, bad ka iathuh lut ia kiei kiei kiba
 ka la mad bad sngew naduh ba ka la iohi
 ia u Miat Rynsut Pala. Ynda ka la dep iathuh
 ka sngew ba ka la kham sting ka khlieh,
 hynrei mih pat sa ka jingblaw bad ka jing-
 thrang kaba palat haduh katta katta, ba ka
 kwah eh ban phla ha u Miat Rynsut syndon,
 ia ka jingsngew jong ka shaphang jong u.
 Ha kata ka miet kam nang iohthiah shuf,
 ka shu pyrkat tang shaphang jong u, teng
 teng ka khiih ka pisa, ka Kylla shiphang sha
 kamon shiphang sha kadiang, shiphang ka thah
 lyndang, shiphang pat ka thah da pyllup.
 Kumta ka khiih ka pisa bad ka lynga tad
 haduh ban da riew u iar nyngkong, ba ki
 khmat jong ka ki sa khaprip bad ka sa
 iohthiah jlang.

Ynda ka la kyndit ka shem ba ka sngi
 ka la rah bha bad ka la dap kumba khyndai
 baje ei ei. Mar kumta ka khie joit na
 jingthiah bad ka sum ka sleh, ka pli da kiwei

pat ki jain bad ka sad ia khlieh da ka snad
ba la shna da ka bniat hati. Ynda ka la dep
riam dep, beit, ka la khot ia ka shakri ban
wanrah jingbam ia ka. Ynda ka la lah bam,
ka bthah ia ka Phulbina ban leit ong ia u
Miat Rynsut, ba un wankai sha iing jong ka.
Ka Phulbina ynda ka la dep bam ja, ka leit
sha lyngkha Latuba bad ynda ka la iakynduh
ia u Miat Rynsut Pali, ka ong, "Bah, ka
Syiem ka khot sngewbha ia phi ban wankai
sha iing jong i".

"Ong ia ka Syiem, ba ngam don por ban
leit kai sha iing jongno jongno ruh, man ka
sagi nga ialeh ban rep ban riang namar, ban
pyndap bam ia ki pira kynthai jong nga san
ngut bad ia i mei ibi don ha ka jingpang.
Mynmiet pat nga iarap ban dung khaw bad
tan thain raship, mula bad ha shuwa ka por
ot pat uga hap ban thlich ia ki thi ban
khum kbi Kumta namar ba nga trei shitom
mynsagi bad mynmiet tang shu dep trei nga
la thait bha bad kumta nga thiah noh. Sa
ong khnang ia i ba wat la nga lait por ruh,
ngam shlaq satia ban leit kai sha iing Syiem".
la phai ktiou u Miat.

"Bah phim dei ban sngew kumta, hyntrei,
fia ka bynta ka jingbha lang jong phi bad
jong ka Syiem, phi dei ban wan kai khnang
bad khlem attatien phin sa shem ia ka jing-
suk myns'em", la ong biang ka Phulbina.

"La ka dei ne kam dei nga tip ba nga
jong uba duk u hym ia biang dor ban leit

kai sha iing ka Syiem. Nalor kata, nga don ruh ka jingkit khlieh kaba khia ia la ka iing ka sem. Kumta wat sngew ei ei ia ka jingbymlah jong nga ban leh ia kaba phi kwah", la kem ktieu pat sa u Miat.

"Khublei Bah kata ngan leit noh, ngan ym tuh shuh ia ka por ba kordor jong phi", la phai ktien ka Phulbina.

"Khublei shibun bad leit suk", la ong pat u Miat, Mar kumta u sdang biang ban lur ia ka lyngkha bad u siaw u rwai kumba u ju im man ka sngi bad um kwah ban pyrkhath ia kaei ba ka shakri ka Syiem ka la iathuh ia u.

Ynda poi ha ling syiem, ka Phulbina ka la iathuh ha ka Syiem ia kiei kiei baron kiba u Miat Rynsut Pala ula ong. Kumta ka Syiem ka dap da ka jingklusai kaba jur, naduh ba ka la tip ia ki kyntien ba u Miat u la kren ha ka shakri jong ka, kam kwah shuh ban bam ban dih. Ka mynsiem jong ka ka khia, ka pisa bad ka lynga. Ka la ong ha lade marwei, "Balei sha um treh ban wan kai ne imat ba nga la leh bakla mo, ba nga ka kynthei nga la phah khubor sha u rangbah ban wan kai, haba ngim pat da ithuh ithaw shuwa iwei ia iwei pat, katto te ngan leh kumno kein khnang ba ngan ioh phla ha u, ia ka jingieit batlem ba nga don ban ai ia u". Ha kata ka miet kam lah

ban bam ja, ka bam tang shikhem ar khem bad ka kdang noh. Hadien lai sngi lai miet ka jingklusai jong ka ka la nangjur, ia ka bam ka dih ruh kam treh satia bad ia ka jingklusai jong ka, lah ban tip ne ithuh tang shu peit ia ka khmat jong ka. Ka khmat ba phyrnai bad ba puh samrkhie barabor, mynta ka la lip rong bad ka jingphuhmat phuhmut jong ka ruh ka la dam noh. Ha ka miet kaba saw u Sajar Shadap uba long u Kni rangbah jong ka Syiem u wankai bad ynda u lohi ia ka jingkylla dur jong ka u ong, "Latympang baieit jong nga, ia iarung ha katei ka kamra ba ngin ioh ban iashong tang para ma ngi". U iaide shakhmat bad u rung artad, ka ruh ka bud nadien khlem kren bad ynda ki la don tang arngut hi u kylli, "Iathuh ia nga ia ka daw, kaba la pynkylla ia ka dur ka dar jong phi haduh katne. Ka khmat puh samrkhie ba phi ju deng baroh shi katta, ka la jah noh kynsan kynsan Kumta dei ban don ka daw bah ka ka daw san kein kaba la pynlong ia phi haduh ka ne Iathuh ia nga wat buhrieh ne lehrain namar, nga u Kni nga lah ban tem ia kano kano ka jingeh bad jingklusai jong phi".

"Mama Kynrad, kumba phi la ong wat buhrieh ne lehrain, kumta ngan iathuh ia phi wat la nga sngeweh ban iathuh ruh. Ka daw tynrai ka long ba nga la iapmat ia u Miat Rynsut Pala bad ynda nga la phah ktien ba un wankai sha ling, u ai ia ka jubap ba

um lah ban leh kumta, dei kane keir kaba la
pynsngewsih kthang, ia nga", la iathuh ka
Syiem.

"Pyrsa nga la sngewthuh mynta, to ieh
ia kane ka kam ngan sa pyndep ma nga bad
phi ruh wat khuslai shuh. Kane ka dei ka
kam jong nga kum u Kni ban leh, ha ka
jingshisha kane kaei kaei kan ym jia lada
phi la iathuh shuwa ha nga Wat la katta
ruh namar, ba ka por jong phi ka la ih ban
iapoikha iapoiman, kumta ngan pyndep kloi
ia kane ka kam. Phi ruh wat pynkhuslai ne
pynsngewsih shuh ialade", la pynngen u Kni

"Khublei mama kynrad shibun eh ia phi",
la phai ktien ka Syiem Nangta ki mih sha
ka kamra shongkai bad ka bthah ia ka sha-
kri ban khreh ja ia ki Naduh ba ka la
iohsngew ia ka jingbahkhieh jong u Kni jong ka,
ka sngew ba la weng kynsan ia ka jingku-
slai jong ka baroh phar Kumta ka la bam
ka la dih biang kumba mynshwa Ka rong
ka rup jong ka snieh doh jong ka ka la wan
bang, bad ka khmat phuhsamrkhie jong ka
ruh ka la paw bian bad ka la sdang ruh
ban ioh thiah bha man ka miet.

Ha ka sngi kaba bud ha ka por janmiet
u Sajar Shadap u la leit kai sha iing u Nishon
Dhar, uba long u paralok jong u, uba sah
marjaa bad u Miat Rynsut Pala Shipor ki
iathuh khana shaphang, kane katai. Hadien

ba ki la dep iadih duma mar ar shilim thlong, u Sajar u ong, "Une u Miat te uba bha briew shisha, ka rynieng ryniot ruh kaba biang bha, ka akor ka jinglong jong u pat, ka ia hap mo bad ka jingbha briew jong u".

"U Miat te uba miat naduh ka dur ka dar bad ka jinglong ka akor ruh kumjuh. Nga tip bha ba u long ruh u briew uba smat ba sting bha ban trei ban ktah, u bang ruh ban rwai ban siaw bad um ju don por ban leh ia kano kano ka kam kai. Man ka sngi u leit sha bri ban lur lyngkha, mynmiet pat u thain mula ne dung khaw. Haba la dep rep pat u leit thoh dieng thoh praw. Um ju pynsywa ei ia ka por, u bsa u pjiah ma u ia ka iing ka sem jong u Ban shu ong lyngkot u long u samla uba da kat u samla shisha", la phai ktien u Nishon.

Haba kumta, u la don briew ne em?', la kylli pat u Sajar.

"Nga lah ban ong ba um don namar, ngam ju iohi ba un leit kai sha iing jongno jongno ruh, wat hangne ruh u wan tang haba u donkam ei ei, kata ruh shisien teng khat", la phai ktien biang u Nisho.

"U ei sha u Kni jong u?" la nang tih u Sajar.

"U Miat u long na ka iing ba sah khyn nan, um don Kni bad u kpa jong u ruh 1

la iap naduh ba u dang khynnah", la iathuh biang u Nishon.

"Ade ! Sngewsynei sat mo ia uba pli", la phai ktien biang U Sajar.

"Te haba kumta phi kylli phi pyrthew, phi don jingmut aiu ia u Miat", la tih pat u Nishon.

"Nga shu kwah tip namar ba nga sngew-icet ia u", la phai ktien pat u Sajar.

"Kmie, pynthep biang uto u duma ba ngin iadih biang bad i bah", la phah u Nishon.

"To kumne nga la wanrah", la jubab ka Menkmie. Tang shiphang ki la iatan biang ia u noi kaba da mih ka jingsawa ba riew khruk-khruk-khruk katba ki dang ia dih duma. Nangta ki sa ia bam kwai bad u Sajar u ong, "Ngin ia khlad shuwa mynta bad ngin sa ia kynduh ba kawei pat ka por, thiah suk ngan leit noh ho".

"To, phi ruh leit suk", la jubap u Nishon.

Ha lynti katba u dang leit phai sha la iing u Sajar u kren wei briew, "Lashai te nga hap ban ia kynduh ia u Miat, bad ngan tyrwa ha u ba un long noh u Pyrsa kurim jong nga. Nga ngeit khlem pep un pdiang ia kane ka jingtyrwa. Ha kaju ka por ka Pyrsa ba pli ruh kan suk kan sain namar, u long u briew uba bha",

Nangta u iaid beit sha la iing bad u iathuh ia la ka lok ba un thiah noh. Ka ruh ka ong, 'Kpa nga la samthiah bha, hynrei nga ap ba phin wan kai kein, to khie nang thiah ma phi, ngan khang ia ka jingkhah bah bad ngan pynlip ia ka ding, nangta ngan sa leit thiah".

"To", la phai ktien u menkpa bad u leit thiah noh.

Ha ka step kaba bud tang shu lah bam, u ong ia ka lok jong u, Menkmie, mynta ngan leit kai sha ka pyrsa bad hadien kata, ngan sa leit sha bri ban peit la ka um ka poi ne em sha ka lyngkha, ngan ym slem, ngan wan poi ha ka por nohphai sngi".

"Phim donkam ja sngi", la kylli ka Hunbih Lamare kaba long ka tnga jong u.

"Em phi, nga la thang san tylli ki phan, kito ki la biang ban long ja sngi ia nga," la jubap u Sajar.

"To kata nga la leit noh mo", u la ong pat u Sajar.

"To khie leit suk", la jubap biang ka Hunbih.

Ka iing khun u Sajar kam shym jngai na ka iing syiem, kumta tang shiphang u la poi ha iing kur. U rung shapoh iing bad u lap ia ka

pyrsá jong -u ba ka dang iakren kam
 bad arngut ki rangbah shnong. Kumta u rung
 sha ka kamra ap bricw bad shong hangta.
 Tang shiphang ka Syiem Latympang ka la
 pyndep ia la ki kam ki jam ba iadei bad kita ki
 rangbah shnong. Bad mar mar ka leit sha
 ka kamra ba don a Kai. Mar ia rung sha
 kamra da ka khmat ba phuh samrkhie ka
 kylli, "Kumno Mama phi shait phi koit bha, bad
 kumno phi la ioh ban leh ei oi shaphang
 kato ka kam ba ngi la iakren ha kato ka
 miet?".

"Pyrsa, nga wan kbnang ban iathuh ia
 phi ba hynnin mynmiet nga la leit ban kylli
 ban pyrthew, ban tohkit bad ban swar iauwei
 u rangbah uba dei u paralok jong nga, sha-
 phang ka akor ka jinglong bad ia ka long-
 ling ka longsem jong u Miat. Phi i kat kum
 ka dustar ba li buh u longshuwa u manshu-
 wa, ngi ki Kai ngi hap ban kylli ban tohkit
 ia ka jinglong ka akor bad ia ka longling
 longsem jong u bricw ne ka bricw ia uba ne
 kaba ngi thmu ban pyniapoikha bad kiba ha
 ling ha sem jong ngi. Ia kane ka bynta nga
 la dep leh bad nga sngewkmen ban iathuh
 ia phi, wat la u Miat u long uba raitong na
 ka liang ki kni ne u kpa, pynban u long u
 samla uba bha, uba dang marwei bad uba
 tlei shirom ban pyndap bam ia ka ling ka
 sem jong u. Kumta mynta ka miet ngan leit
 ia kynduh ia u bad ngan tyrwa ia u ba un
 iapoikha bad phi. Wat la kam da dei eh

kat kum ka dustur ban leh kumta. Ha ka dustur jong ngi ki Pnar ka dei ia u Shynrang ne u Kni ne kiba ha ling ha sem jong u ban wan tyrwa ban iapoikha bad ka briew kaba u imon ban iashong iasah bad ka baroh shi rta. Hynrei ha kane ka kynti namar, ka por jong phi ka la kham dier bad ba nga la tip ruh ba haduh katno phi iait ia u, te ngan ialeh kutba lah ban pynioh ia kaci kabi ka mynsiem jong phi kuthrang. Ha ka jingshisha lada phi dang long kaba dang bun ka por ngan jin da la ai jingmut ia phi ban ap haduh ban da wan tyrwa u Shynrang ha phi kat kum ba dei ka dustur ka riti jong ngi", la phai ktien u Kni.

"Mama Kynrad, khublei shibun eh ia ka jingsngewthuh jong phi, ia ka jingdonkam jong nga bad ia ka jingkloi jong phi ban iarap ia nga. Wat la ka long kaba palat khyndiat na ka ba ju long ka dustur ka riti jong ngi ruh", la phai ktien ka Syiem Latympang.

"Nga khmih lynti ba kiei kiei kin bha bad kin iaid heit iaid ryntih, mynta hi ngan leit noh sha lyngkha bad ngan sa wan ia, thuh ia phi ia ka jingmih na ka jingleit iakren jong nga bad U Miat mynta ka miet", la ong u Kni,

"Mama phin leit noh sieh, phim kwah ban bam ei ei ruh?", la kylli ka Pysra.

"Nga dang shu lah bam ja step, kumta nga dang sngewkdang te ym donkam jingbam" la phai ktien u Kni.

"Shim rah da une u kwai bad u tym-pew ba la khylliap arphew sañ kyntien, ba phin ioh bam ha lynti", la ong pat ka Pyrsa.

U Kni u shim ia u kwai bad u ong, "Ngan leit noh, sa shongsuk ho".

"To Mama, phi ruh leit suk", la phai ktien ka Pyrsa.

U Sajar Shadap ynda u poi ha lyngkha u khur bad pynkhuid ia ka Yulam (ka Ban um) bad ha ka jaka ba -siam thliw ki Tham u set ia ki, khnang ba ka um kan poi bha ha lyngkha. Nangta u leit peit ia ka lyngsha bad u iohi ba ka lyngkha ka la ioh um bha. Kumta u leit phai noh sha la Iing, khnang ba un dup poi ha ka por nohphai sngi, kumba u la kular ia la ka lok. Ynda poi ha Iing, ka lok jong u ka ai ia u shi khuri kī syrwa syiar bad katto katne ka shriew ba la shet. Ynda u la dep bam u ker pyndep ia ka kper kaba dang sah khlem ker. Ha ka por ba u la dep ker ka sngi ruh ka la sdang ban sep, kumta u sait kti sait kjat bad bta ruh ia la ka khmat ha ka pung um, ka ba don hapoh ka kper jong u hi. Mar iadep u rung shapoh Iing bad niad

ia ka khmat, ki kti bad ki kjat, Bad u ong
ia la ka lok, "Pynkhreh ja noh ia nga, na-
mar mynta ngan leit donkam sha ling ki briew"

"To, kumne nga la dep ai ja ia la ki
khun, bad ngan sa ai sa ia phi kpa", la ju-
bap ka menkmie. Mar kumta hi ka buh
ia ka mula bad ia ka knor bamja bad siang ia
ka pliang, bad ka sa khat ja, khat jyntah
bad ka sa khot ia u ban wan bamja. Tang
shu dep ja, u bam kwai bad dih duma ar
shulim thlong. Bad shuwa ban mih, na ling
u ong, "Kmie ngan leit noh shuwa, ban pyn-
dep ia ka kam kaba kham kyrkieh".

"Ka kam aiu kata, kaba sngew kyrkieh
sat kpa?", la kylli ka menkmie.

"Kane te ka kam ling kur phi kmie, nga
lah ban iathuh pat ia phi hadien mo, nga
la leit ho", la ong u menkpà.

"To khie leit suk", la phai ktien ka
menkmie.

Na ling u Sajar Shadap u leit beit sak
sha ling u Miat Rynsut Pala. Ynda poi ha
ling, u lap ba u Miat u dang shu dep bamja,
bad ba u dang dih duma. U Miat mar ia
iohi ia u u ong, "Run? Mama shong ha ka-
ne ka mula, phi donkam aiu Mama, namar
ngam ju kynmaw ba phi ju wan kai sha
ling jong ngi".

"Kata kaba shisha, ngi ki rangbah ngi ia ban kain, kumta ngi wankei ruh haba don de bad ka kam", la phai ktien u Sajar Shadap. U Miat pat u si ia u daba ha u Sajar bad u ong, "Nga ia monjur bad ka jingong jong phi. la phi nga shait iohi hynrei, ngam tip phi dei uei".

"Nga dei u Kni rangbah ka Syiem Latympang bad nga wan khnang da lade, ban tyrwa ha phi u rangkynsai ban aiti ia ka Pyrsa jong nga ka Syiem Latympang, lada phim pat don briew shawei", la jubap u Sajar Shadap.

"Kumno phi wan tyrwa ia kat ka Syiem ha nga u khun lymboit lymbiang, u bym ia-hap dor ei ei ruh ban ia nujor bad ka pyrsa jong phi. Nga long ruh tang u nongrep uba duk u bym iahap kyrdan satla ban iapoikha pojman kat bad ka Syiem", la phai ktien u Miat,

"Ia kata ka jingduk ne jinglong lymboit lymbiang jong phi wat pynsgew, ha ka pyrt hei kam dei ka spah ka hajar kaba kor. Ym dei ruh ban thew ia ka jingbha ne jingstiew jong u briew na ka spah ka hajar ba u don. Hyarei ia u briew dei ban bishar ia u na ka jinglong bad ka akor jong u, bad ka nam ba bha ka dei kawei kaei kaei kaba donkam tam ha kane ka pyrt hei sngi, nga lah ruh ban ong ba phi dei u briew uba

riewspah bha ha ka liang ka nam ka bürom
 bad ha ka jinglong ba bha jong phi. Na-
 markata, phi long u briew uba ia biang kyr-
 dan bha ban iapoikha iapoiman bad ka Syiem
 namar, lem bad ka jinglong ba bha jong phi
 ynda phi la long u kurim jong ka Syiem,
 phi lah ban iarap pyniaid ia ka synshar ka
 khadar, da ka jingtipbriew ipblei bad da
 ka jingieit ia la ki para briew. Kuma ka
 hima ka sima bad ki khun ki hajar kin
 shong suk shong sain bad kin shngain, haba
 ki tip ba u tnga ka Syiem u dei nba bha",
 la phai ktien u Sajar.

"Mama Kynrad, sagewbha map ia nga,
 ia mynta hi ngam pat don jingmut ban leit
 ling briew. Nga dang don bun ki kam ban
 pyndep ia kiba ngam lah ban iathuh ha phi
 mynta", la phai ktien u Miat.

"Ki kam aiu kita ki bym bit ban ia-
 huh. Lada phi iathuh ia ki jingen jingshi-
 tom ne ia kino kino ki kam ba phi shem
 shitom ban pyndep, nga lah ban ai jingmut
 ban ai buit kumno ba phin lah ban pyndep
 ia ki. Te wat lehrain iathuh ia ki ba nga,
 khnang ba ngan dup lah ban iarap ia phi",
 la ban ktien biang u Sajar.

"Em Mama, kane ka dei ka kam shi-
 met, ka ijot ka ling ka sem, kaba ngam
 lah ban iathuh haei haei ruh, bad dei tang
 ma nga u rangbah nongkit jong ka ling ka

sem uba dei ban tip ia ka. Kumta sa shi-sien mama nga pan map na phi, namar ba ngam lah satia ban iathuh ia ki jingeh, jing-jynjar jong nga ha kiwei pat", la phai ktien u Miat. Hamar hangta u Miat u ong, "Hep, song kwai bad thep duma biang". Mar mar la wanrahi kwai ka para bad ka shum ruh ia u daba bad ka thep duma biang bad leit a ha ki. Hadien ba ki' la ia bam kwai bad ia dii duma u Sajar u ong, "Para rangbah nga sngewthuh hi ia ka jingeh ban khlei ne iathuh ia ka i jot ka ling ka sem. Wat la katra ruh sa pyrkhat bha, sa kylla thiah sa kylla demi bad lada phi sngew ba ka long koba lah, sa wan iathuh ia nga bad nga kular ban iarap ia phi katba nga lah nga lai".

"Khublei shibun mama, ia ka jingtyrwa ba sbun jong phi ban iarap ia nga, hynrei, nga tip shai ba ngan ym lah bai iathuh ha phi, ia ki jingeh kiba iadei bad ka ling ka sem", la pyushai u Miat.

"To, kata ngan leit noh shuwa bad" sa thiah suk ho", la phai ktien pat u Sajar.

"To mama, phi ruh leit suk bad thiah suk ho", la phai ktien pat u Miat.

"To", la phai ktien u Sajar.

U Sajar katba u dang laid ha lynti ban leit phai sha la Ing, u sngew ba khia lut ka

jingmut ka jingpyrkhat jong u. Ka mynsiem jong u ruh ka sngewdiaw, namar, u la mut lypa ba da kaba suk un lah ban pynkohnguh ia u Miat, ban iapoikha bad ka Pyrsa jong u kaba long ruh ka Syiem. Hynrei, kata kaei kaei kaba u thmu bad thrang ban pynurlong ia ka, ka la kylla pulom ei bad kylla mulot noh. Haden ka jingiakynduh jong u bad u Miat Rynsut Pala. Wat la katta ruh um sngew ei ei, pyrshah ia u Miat, hynrei, u dap da ka jingsngewieit bad iaroh ia ka jingshlur bad jingdap shynrang u Miat, ban um pdiang kat ia ka Syiem namar, ba u dang bun ki kam ban pyndep kiba ia dei bad ka ling ka sem jong u, ia kiba u Miat hi um treh ban ia-thuh kum u riew rangbah ba shisha. U khuslai ruh haba u kynmaw ia ka jingkylla dur jong ka Pyrsa jong u, tang namar ba u Miat um treh ban wankai. Hangta u pyrkhat kumno ba un iathuh ia ka, ia ka rai ba u Miat u la ai mynta. U rai pyrkhat kumne lynter lynti bad khlom da sngewthuh u la da poi ha ling. U tied tok-tok ia ka jingkhong bad ka tnga jong u ka plie ia ka rhang. "Balei kpa phi i khuslai katne katne? Ngam ju kynmaw ban iohi ba phi ikhia ka jingmut jingpyrkhat jong, phi kumne mynshuwa la jia aiu kpa, sngewbha iathuh, sich", la kylli ka tnga jong u.

"Nga khuslai namar ka pyrsa kein, kaba la sdang dier ka por hynrei haduh myntu ruh ym i don biew ban wan ia luh falur samla bad ka", la phai ktien u tnga.

"Ia kata nga sngewthuh bha kpa namar mynta te i la iaw bha. Nga tharai ba dei ban phah kyrwoh noh sha kylleng ka it ka hima ba khmat shynrang kiba dang samla ki dei ban wan sha ling syiem ha ka sngi ha ngin buh bad napdeng kita ki samla, ka Syiem kan jied ia uba ka mon bad kan pyni ia ka dak ka shin da kaba kan pyndeng ia u kynjri ksiar jong ka ha uta uba ka ibha. La dei ban leh kumta kpa, khnang ba kan ym dier than ka por ia i Syiem bapli, ne phi sngew kumno ia ka jingai jingmut jong nga kpa?", la kylli ka menkmie.

"Nga ia monjur bha bad ka jingai jingmut jong phi, bad lehse kane kan iarap ban jop ia ka jingduh jingkyrmen kaba don ha nga mynta. Mar ia iohsngew ia ka jingai jingmut jong phi, nga sngew ka khlieh ruh ka la kham sting te kmie", la iathuh u menkpa. Nangta u ong, "Khublei shibun kmie, mynta la miet ia ngin leit thiah noh".

"Ia kpa, ka la dei hi ka por ban thiah", la phai ktien ka tnga.

Mar ia khie thiah u Sajar u sum u sleh bad u bam da u "Saru washlang" (u riew, hadem uba la shet pynih bad thad tyrkhong, khnang ba un neh slem bad shuwa ban bam dei ban shet biang ia u). Ynda u la dep bam, u mih sha kper ban syiad sngi shipor, u da peit artad ia ki jingthung jingtep bad u sa ai um ia ki. Ynda la dei ka por bam-

ja step ka tnga jong ka phah khot ia u, ha u khun jong ki ban wan bamja. Mar ta rung ha ka kamra bam u thet kti bad u sa bamja. Nangta u bam kwai bad u dihduma ar shulim thlong. Hadien kata u ong, "Kmie, r.gan leit donkam shuwa sha iing phi la dep pynkhreh ia u tympeu u kwai jong nga".

"H,oid, shim uto uba nga la song hapoh ka sla, u don halor miej", la jubap ka tnga.

"To kata ngan leit noh mo", la ong biang u menkpa.

"To, khie leit suk", la phai ktien ka menkmio.

Na iing u mih bad u leit beit sak sha iing Syiem. Ha iing syiem u lap ia ka Pysa jong u ba ka dang shongkai marwei ha kamra pdeng. Mar ia iohi ia u ka ong, "Kumno Mama phi la pyndep ia kato ka kam, kumba ngi la ia kron mynhynnin ki sngi, bad phi la ioh kaba kumno ka jubap?".

"Ale leit sha ar mala bad hangta ngan ia-thuh lut ia phi baroh, kat kaba nga dei ban iathuh", la phai ktien u Kni.

Kumta baroh arngut ki ia leit sha ka kamra shongkai ba kyrpang jong ka Syiem, kaba don ha ar mala jong ka iing syiem. Ynda poi ha kata ka kamra shuwa ban ia-thuh u Kni u ong, "Peit Pysa shane, hynnin mynmiet nga la iakynduh ia u Mjat bad nga

la kren lut ia kiei kiei baroh kiba nga kum
 u Kni nga dei ban kren. U ruh u la
 ai ka jubap kaba shai bad ia kaba ym lah
 ban pynkylla bad kata ka long, ba ia mynta
 hi um pat don jingmut ban leit ling briew.
 Namar u dang don shibun kiei kiei ki kyn-
 rum ki kynram bad ki jingeh kiba u hap
 ban bah, ban pyndep bad ban pynlong kam
 ia kaba u la thmu lypa ban leh ei ei ia la
 ka ling ka cm, ia kiba ma u kum ubriew
 ba don burem wat la u long uba duk ruh,
 um kwah ban iathuh ia nga wat nga la tyr-
 wa ban jarap ia u Namarkata, phi kum ka Syiem
 Phim dei shuh ban khulai ne pyrkhut sha-
 phang kane, phi dei ban pyneh ban pyniaw
 ia la ka jingmut jingpyrkhut. Kumta nga
 kum u Kni nga pathat khubor sha ki shnong
 ki thaw baroh kiba don hapoh ka it ka
 hima, ba ha ka sngi ba ngin ia buh kin phah
 baroh ki samla shynrang ban wan sha ling
 Syiem. Ha kita ka sngi ngin pynlong ka
 jingkhaw ia baroh kiba wan la ling Syiem
 katba li dang ia bam phin iaid bad ai khu-
 blei ia baroh ki nongbam, bad ha kata ka
 por phi di ban lit ban sylli, ban bishar bad
 ban jied ia uno na kita ki nongbam ba phi
 mon ban iapo kha iapoiman. Ka dak ka shin
 ba phin pyni ba phi la mon ia uno uno na
 ki, ka dei ba phin pyndeng ia uta u samla
 da u kynjri ksiar jong phi".

"Mama Kynrad, nga sngew shisha ba nga
 la dei ban pyneh pyn w, hynrei nga la leit
 palat ia u Miat. Kumta iada leh kumba phi.

la phah bad ynda u wan khlem pep ngan pyndeng ia u kynjri ksar ha u ryndang jong u. Bad lada um treh ban shong kurim ia nga, kan long ka jingpynjah buröm kaba khraw, bad nga khlem kwah hi ruh ban pynhiar kput ia u, wat la um pdiang ia ka jingieit batlem ba nga don ban ai ia u. Haba kumta yn ialeh kumno Mama?", la kyli ka Syiem Latympang.

"Oh! Sa iarat kata ngin khöt ia baroh, hynrei ia u. Miat ngin hukum ia u ba um dei ban wan ha kata ka sngi, khnang ban lait na kano kano ka jingsngews'h", la phai ktien u Kni.

"Em phi mama, u Miat u dei u briew uba nga ieit eh naduh ka mynsiem jong nga, kumta ngam lah ban shah ban iohi ba un ym ioh kajuh ka jingkhöt bad ka lad ka kabu kumba ioh lem kiwei ki para samla samhoi hapoh ka it ka hima. Ha kajuh ka por ngan iathuh ia phi tang ban ioh ia u Miat nga la hun hi wat ban iap ruh. Kumta mama ai por ia nga shi bnai, ban pyrkhat bad duriap ia kane shuwa ba phin phah kyrwoh sha ki shong ki thaw ba don hapoh ka hima jong ngi", la phai ktien ka Syiem Latympang.

"A! Ka Pyrsa baiet jong nga, phi la kren bicit ban shu hun ban iap noh tang ban ioh ia u Miat. Ioh ia kata ngam don kam ban bun ktien, namar, kadei ka jingsngew jong phi shi met, bad ba nga tip bha haduh katno phi ieit ia u. Miat

Toi ym lei lei, ia ka jingpan por jong phi ban pynjan shi bnai shuwa ban pathai ia ka khubor ban khot ia ki samla ka hima baroh ban wan sha iing syiem ruh, la ai kumba phi kwah", la phaj ktien u Kni,

"Khublei shibun Mama Kynrad, ba phi sngewihuh ia ka jinglot jong nga ha ka liang ka jingieit", la phai ktien ka Syiem Latympang.

"Ngin leit shuwa, bad lada phi donkam ia nga ha kano kano ka bynta, sa ai jingtip ia nga bad ngan sa wan khlem pep", la kular u Kni.

"To mama, sa leit suk bad lada ngan donkam ia phi khlem pep ngan sa ai jingtip ia phi", ka Syiem ka la ong.

* * * *

U MIAT U NGAT HA KA SHANGKAWIAH JINGIEIT

Haba u Kni jong ka ula leit, ka Syiem Latympang ka shong pyrkhat weibriew, shaphang ka jubap ba u Miat ula ai ha u Kni jong ka. Kaba shoh bad shon eh ha ka jingmut jingpyrkhat jong ka Syiem dei kine ki kyntien, "Nga long u khun lymboit lymbiang, u nongrep uba duk bad ia mynta hi ngam pat don jingmut ban leit iingbriew, namar, nga dang don bun ki kam

ban pyndep na ka bynta ka iing ka sem". Kumta ka syiem ka ong halade, "Efei kein kita ki kam ba bun kiba u hap ban pyndep na ka bynta ka iing jong u, ia kiba um treh hi tdot ban iathuh wat la i Mama i la tyrwa ba in iatap ia u ruh. Ka jingong jong u ruh, nga long u khun lymbait lymbiang, u nongrep uba duk, imat dei na ka bynta ba ka tangon than ka jingduk bad ka jingkyrduh, kumta u thmu ba tyrong shuwa ia ka longiing longsem jong u, ba u sa kyrngah ban iapoikha, wat la u la ih bha ka rta ban leh kumta". Shuh shuh ka ong, "Nga tharai ba ka jingpyrkhat jong nga kan ym bakla bad la ka long kaba shisha, nga dei ban iatap ia u da kaba thaw da ki buit lyngba ka jinglong kynthai, jong nga hi, lym kumta ngan ym ioh satia ia u". Hamar hangta ka kynruh ia ka baje shakuriaw bad ka Phulbina Kso, kaba long ka shakri ba ka shaniah eh ka wan, ka da pyndem ia la ka khlieh bad ka ong, "Syiem Kynrad, phi donkam aiu? Nga don hangne ban leh ia kaba phi kwah".

"Rung, bad shong hajan jong nga, nga don kaei kaei ban iathuh ia pha", la ong ka Syiem. Ka Phulbina ruh ka rung shapoh kamta bad ka ong, "Syiem Kynrad, iathuh ia kaei kaei kaba phi kwah ban iathuh bad lada ka dei kaba nga lah ban iatap ne ban leh ei ei khlem pep ngan leh ia ka".

"Kumba phi la tip, ba nga la ieit thep mynsiem eh ia u Miat haduh katta katta bad hadien ba la phah tohkit nga shem ba u

Miat um treh ban iapoikha iapoiman, katba um pat lah ban pynsuk pynaram ia ki para jong u. Kumta peit lashai ka sngi pha bad nga ngin ia leit tongsher, sha ka wah Um-Latuba kaba don marjan bad ka lyngkha u Miat. Ha ka juh ka por nga kulac ia pha lada pha lah ban pynioh ia kaba nga thrang, ha pha ngan ai ia ka kria kria, ha nga ka kria rupa, ka ling dulan paki ka jong nga, pha phan joh ka ling bha ling miat", la kular ka Syiem.

"Syiem Kynrad, wat khuslai kat ia kaba phi kwah ia nga ban leh, ia kata ngan leh beit, nga kloih ruh ban pha wat ia la ka jingim tang ban pynioh ia kaba phi la kwah eh", la phai ktien ka Phulbina.

"To, kata kynmaw ba la shai kumba la ia pynbeit, ngin ia mih ban leit tongsher tang shu dep banja step ho", la ong biang ka Syiem.

"H,oid Syiem Kynrad, ngan leh thik kumba phi la bthah ia nga ban leh", la phai ktien ka Phulbina.

"Kynmaw, wat nym klet ban rah ia ka jain niad ha ka por ba ngin leit lashai ho", la ban ktien biang ka Syiem.

"To Syiem Kynrad, ngan ym klet ban rah ia ka", la jubap ka Phulbina.

"To khie leit sha la ka kam, ia mynta hi ka la biang. Nga ruh ngan leit thiah kai shipor ban pynaram ialade", la ong pat ka Syiem.

"H,oid Syiem Kynrad", la jubap ka Phulbina bad ka leit noh sha la ka kam.

Mar iamih ka Phulbina ka Syiem ruh ka rung sha la ka kamra thiah bad ka thiah ban pynaram met shipor. Mar iathiah ka iohthiah ngain na ka jingbym iohthiah bha ha ka miet kaba mynshuwa. Ha ka iingiohthiah ka phohsniew ba u Miat u leh ieit bad u doh u dait ia ka, bad ka sngew ba ha kata ka por ka don ha ka jingsuk jong ka bneng hi. Ynda ka kyndit ka ong ha lade hi, "Mynta nga la sngewthuh bha, ba ia ka jingsuk ngan ioh dei tang bad u Miat, kumta nga dei ban ioh ia u, lym kumta kan myntoi aiu ia nga ban im khlem u Syiem ka dohnud jong nga". Nangta ka khie, ka bta khmat bad ka sad ka khyllong, bad ka leit ban pynbeit ia ki kam ki jam ba ka hap ban pyndep, kumba ka ju leh man ka sngi kum ka Syiem.

Ha ka step kaba bud mar iadep bam ja step, ka Syiem ka la riam jwain bad ka mih ban leit tongsher sha ka wah Umlatuba lem bad ka Phulbina kumba ki la iakut lypa. Na iing syiem haduh ka wah Umlatuba kaba don harud lyngkha u Miat Rynsut Pala, ka jngai kumba shi mail ei ei. Ha kata ka sngi

ka bneng ruh ka shai sngur bha, ka pyrthei
 ka mariang ruh ka phuh ka phieng bad ityn-
 nad bha. Kumta lynter lynti katba ki dang
 ia iaïd ki iohsngew ia ki sur bathiang ba ki
 sim ki iarwai sngewtynnad nalor ki tnad dieng.
 Te ynda ki poi harud ka lyngkha u Miat, ka
 Syiem Latympang ka la leh mynleh kum g ka
 pang suh jur eh. Kumta ka phah ia ka shakri
 jong ka ban leit khot ia u Miat Rynsut Pala,
 ka da ong, "Ong ia u, ba shitom jur ka Syiem
 hangtei harud ka hali jong phi, ong ruh ia
 u ban wanlam shi skaw ka um". Mar mar
 ka Phulbina ka la leit ban iathuh ia u
 Miat, thik kumba la bthah ka Syiem ia ka.
 U Miat ruh haba ula iohsngew ia ka
 jingshitom ka Syiem u ieh bran ia ki
 masi ba u dang lur, u shim ruh ia u skaw
 bad pyndap um ia. Nangta baroh ar ngut ki
 ia iaïd pynsted da kaba mareh artet sha ka
 jaka ba don ka Syiem. Ynda u la poi u lap
 ba ka syiem ka ud ka lyniar bad ka da ring
 kyrthad de. Kumta u shim bad u buh ia ka
 khlieh jong ka halor ka pneh jong u, nangta
 u pyndih um ia ka khyndiat. Ka Syiem ruh
 ka dih malu mala bad ka leh mynleh kum
 kaba iapler. Haden shiphang ka peit liep
 bad ka ong, "Sngewbha sieh Rangbah synrait
 ia ka shyllangmat bad ia ka khmat jong nga
 baroh kawei da kato ka um". U Miat ruh
 u shim ia u skaw bad synrait ia ka shyllang-
 mat bad ia ka khmat jong ka baroh kawei
 kumba la bthah ia u ban leh. Bad ka ong
 pat ia u, "Shim da kane ka jain niad bad

niad ia ka khmat jong nga". U Miat ruh u shim ia kata ka jain niad bad u niad ia ka khmat jong ka. Dei ha ka por ba u Miat u niad ia ka shyllangmat, ki moi-moi bad ia ki ngab jong ka, ba ka 'lei jingieit ka la siat ia u khnam jingieit ha u klong snam jong u. Ha kata ka por u Miat u sngew ba u klong snam jong u u tied stet, ka shadem jong u ruh ka kyndeh, dei hangne ruh ba u iohi ia ka jingbha briew jong ka Syiem Latympang, kaba long thik kum ka Puri blei hi, bad ha ka jingim jong u um pat ju iohi ia ka thei samla ka ban kham bhabriew ban ia kata kaba u thum ia ka khlieh ha ka pneh jong u. U sngew ba kata ka jingbhabriew jong ka, ka khring ia ka mynsiem jong u bad u long ruh la kumba shoh jadu bad u sngewthuh ruh ba u jeit thep mynsiem ia ka mynta. Kumta u don hapdeng ka jingialeh kaba khraw hapoh ka mynsiem jong u namar, ba u kwah ban pyndep shuwa ia ki kam ba iadei ban tynrong ia ka longiing longsem jong ki para jong u, ha kajuh ka por u sngewthuh ba um lah shuh ban khlad na ka jingieit kaba la wan tyllap kynsan ia u. Ha kata ka por ka Syiem Latympang put ka ong, "Ani ! Ko rang bah, ka ne s eh mo ka jaka jong phi, kaba don ki blei ki dken kiba pynshitom ia nga ?".

"Syiem Kynrad, naduh ki longkmie ki longkpa haduh mynta mynne ngi ia im suk im sain ha kane ka pynthor ym ju bna ba don ki blei ki dken hangne", la phai ktien u Miat.

"Nga. la syep palat bad nga la tlot palat te phi". Kumta ka dem ia ka khlieh halor ki khohsiew jong u bad ka tabah ban snoh ia ki kti jong ka baroh ar tylli ha ki siang tyrpeng jong u Ha kane ka por ka jingsngewieit, jingsngewjan bad lungmynsiem na ka bynta jong ka, ka la ktah jur ia u Miat Ka pat ka ong, "Khie sieh rangbah. leit tong um sa shisien bad pynsait biang ia ka khmat jong nga". U Miat ruh u pynthiah jai ia ka halor u phlang, nangta uieng joit ban leit tong um ha u skaw- Ynda ula wan tong um u shim ia ka khlieh jong ka bad u buh biang ia ka halor ka pneh jong u, u iohi ruh ia ka jingphuh syep bajur jong ka na ka jingjur jong ka jin shit jong ka sngi. Kumta u shim ia u skaw bad pynsait biang ia ka khmat jong ka, bad u sa niad biang ia ka da kajuha ka iain niad ba ka la ai. Ha ka por ba u niad, ka mynsiem jong u ka thnam bad u iohi ruh ia ka shadem jong ka Syiem bad ia ka jingat ba wandur ki jymbuin jong ka Hynrei umshlan ban ktah ne ban syrpaia ia ki namar, kum u rangbah ba shisha um kwah ban shu shim kabu hata ym pat biang ka ktien ka thylliej, wat la ha ka jngshsha ula kwah eh ban twad bad ban syrpad ia ki da ki kti jong u Katba u dang peit ia ka kumne, ka jingieit jong u ia ka ruh ka la nangjur bad u sngewthuh ba ka jingkwah jong ka doh ruh ka la sdang tan ktah ia ka jinglong samla jong u. Hynrei u pynlaw hi trait ban ym leh ia kano kano kam, ia kaba ka

jingiatiplem jong u kam shah ban leh, katba ym pat dei ka por ka ia. Hangta ka Syiem ka la ong ia u, "Ngam lah shuh ban iaid namar ba nga la tlot than, sngewbha sieh rangbah baieit ban bah ia nga haduh ban da poi ha phyllaw ling jong ngi".

"Peit sieh ki masi lur ki dang don hapoh lyngkha La dei ka por ban pyllait ia ki, ba kin ia bam phlang bad ynda la janmiet pat, ban leit ialam ia ki sha shnong bad ban set ia ki ha sem", la phai ktien u Miat

"Wat khulai sieh shaphang kata. Nga la tip lut ia kiei kiei ki jingduna bad ki jingeh jong phi Hynrei ngan ai ia phi sa saw shah na ka jingdon jingem jong phi, tang lada phin leit buh ia nga haduh ban da poi ha ling", la kyrpad ka Syiem.

"Lada phi sngow kumta ia ngan btin ia phi haduh ha trai utei u dieng kseh utadon hadien katei ka Myndo sah bri jong nga. Namar u long u dieng kseh uta bha ki tnad ki shing, kumta hap'h ka swngeiw jong u phin ioh rieh tng'n, na kata ka jingshit kyrang ka sngi. Bad nga ngeit hadien katto katne por phin sa ioh bor biang ban leit phai sha la ling bad nga ruh ngan 'oh lad ban pyndep ia la ka kam", la phai ktien u M.at

"Kata te katba phi ong kein rangbah", la phai ktien ka Syiem. Kumta u btin ia

ka da kaba tabah ia ka kti kamon jong ka ha ka tyrpeng jong u, ka Syiem ruh ka pyn-noh lut ia ka jingkhia jong ka met jong ka ha u. Ynda poi ha trai jong uta u dieng kseh u pynthiah ia ka da kaba bat kdiar bha, khnang ba kan ym hap jubor ha ka por ba u pynthiah ia ka. Dei ha kane ka por ba u dang pynthiah ia ka kumne, ba la wan poi ar tylli ki "Latkhur Tyrso" (kiba long ki jait lyngdkhur ba heh tam) bad ki dem halor kawei na ki tnad jong uta u dieng kseh bad ki la rwai kumne, "Kur - kur - kur suk kiba shijur". Ka Syiem Latympang ka la sngewthuh ia ka jingmut jong ka jingrwai jong kita ki lyngdkhur, katba u Miat Rynsut Pala pat um peiphang ne sngewthuh ei ei ruh ia ka jingrwai jong ki. Kumta ka ong ia ka shakr jong ka, "Khie leit pyntip sha ling ba kin tiaw um sum, ba kin pynkhreh noh ia ki jain syiem bad ia ka sati ba khia san tula".

"To Syiem Kynrad, ngan leit iathuh thik kumba phi la lithah ia nga ban leh, phi ruh to nang ioh bor ioh sor mo Syiem, nga la leit ho", la jubap ka Phulbina.

"To", la phai ktien ka Syiem.

Ynda ka Phullina ka la kham jnga', u Miat u ong, "Syiem Kynrad nga ruh ngan leit pyndep shuwa ia la ki kam bad nga tharai ym slem phi la ioh jingiarap hina ki briew jong ka ling syiem jong phi".

“Wa! Phim isynei sieh ia ka jingshem shitom jong nga, phi hun ruh sieh ban ich ia nga weibriew ha kane ka jaka, haba nga dang shitom kumne? Phim iohsngew sieh kumno ba nga la bthah ia ka shakri, ban ong ha ling syiem ban pynkhreh ia ka um sum, ka shati ksiar bad ia ki jain syiem, hynrei ngam shym la bthah ia ka ban phah briew ban wan shaw ia nga. Kita baroh ki jingypnkhreh ki dei na ka bynta jong phi kein baieit”, la phai ktien ka Syiem.

“Kumno kumta! Nga u nongrep baduk, u khun lymboit lymbiang bad u nongbsa nong-pjjah ka iing ka sem. kumno kein ngan lah ban ich ia ki, ba kin iap thngan? Em Syiem, wat sngewsih ne wat sngew ei ei ia nga, wat la nga sngewthuh bha ba nga icit ia phi, hynrei ngam lah ban long u Syiem jong phi. Namar kumba phi tip ba nga dang don shibun bah ki kam, ba nga dang hap ban pyndep na ka bynta ki para jong nga. Wat la katta ruh ngan ym ieh jyndat ia phi hangne. Ngan leit bah ia phi haduh shiteng lynti, bad nangta nga ngeit phin lah da kaba suk ban poi haduh iing bad nga ruh ngan ioh ban pyndep ia la ka kam. To ale ngan bah ia phi mynta”. Ka Syiem ruh ka leh mynleh ban khie kumba shitom eh, kumta u iarap ban pynkhie ia ka. Nangta u shong kyn rong bad ka tawah ia ki kti jong ka baroh ar ha ka shadem u. U pat u bat ia ki kti jong u na ki thliew khohwah jong ka taroh arliang. ha kata ka rukom ba ki kti jong u baroh ar naduh ryndang kti haduh tymbuit ki ban halor ki skep

jong ka. Ka met kaba naphrang jong ka baroh kawei pat, ka ban ia ka ingdong jong u. Haba ula ia id katto katne por, baroh arngut ki ioh-sngew ia ka jingkhuid kaba jur kaba mih na ka jingiakyrsht jong ka met jong ki. Ka dei ruh ka sien kaba nyngkong ha ka jingim jong ki baroh arngut, ba kila mad ia ka jingkyndeh lang jong ki klongsnam bad ia ka jingmian jong ka jingsyaid jong ka met u shynrang bad ka met jong ka kynthei haba ki ia kynduh lang. Ynda poi halor uwei u lum, ula don hamar shiteng lynti na ka iing jong ka Syiem, u Miat u ong, "Ngan pynhiar noh ia phi hangne".

"Em Kynrad, sngewbha sieh ialeh shitom khnang ban pynpoi ia nga haduh iing Namar ia mynta hi nga tlot sha ba palat. kumta ngam lah shuh ban ia id", la phai ktien ka Syiem, Kumta um banse bad u la bah ia ka haduh ban da poi ha iing syiem Ynda poi ha iing syiem ka bthah ia ki shakri ban pynkhreh ia ki jain bad ban pyn um ia u. Nangta ka doh icit ia u laisien laiwat, khnang ban pynklet ia u ia ki masi bad ia ka bri ka lyngkha jong u. Ki shakri, shuwa ban pynsum ki law ia ki jain ba bit ktieh jong u bad ki sa pynsum ia u Bad ki sa pynriam pynbeit ia u da ki jain syiem ba la suh da ki sai ksiar sai rupa, ki pyndeng ruh ia ka sati ksiar ba san tula ha ka kti ka diang jong u. Ia ka khlieh jong u pat ki pynspong da ka jain spong basaw bad haba la dep pynriam, ki pynpeit ia u ha ka iit khmih Hangta u iohi ialade ba u puh u phieng la kum u Patsha

hi. Ka Syiem ruh ka la riam pynitynnad bha ialade, kumta ka ruh ka phuh bha. Ynda ki la ialam ia u ha ka kamra ba don ka Syiem, Latympang ka ong. kumne, "Nga kular ban bsa ban pjah ia ki kur ki jait jong phi baroh. Ia ki para jong phi ngan thaw mar kawei ka iing bha bad ba itynnad, ngan ai ruh ia ki ka spah ka phew. Nga kular ruh ba tang ia ka long syiem ngan bat ma nga hynrei ia ka spah ka phew bad ia ka hima ka sima phin khmih ban pyniaid ma phi ia ki. Naduh mynta haduh ban da dep shna ia ki iing ki sem ia ki para jong phi, phi baroh phin ia sah shuwa ha iing jong nga". U Miat ruh namar ba shoh bieit ia u da ka jingieit ia ka, u pdiang hun ia ki jingkuar jong ka Syiem baroh. Kumta u la klet ia la ki masi lur jong u, ia kiba u la ieh khlem pyllait na ka lyngkor ba ka lyngkha jong u. Kat kum ka jingiathuh khana pateng kine ki masi bad ka lyngkor ki la kylla masi maw bad lyngkor maw, hynrei mynta lah ban iohi satang ia ki maw ia ka dur masi ym lah shuh ban iohi namar ba ki la pait a pra ha ka pyl-liang "Khynde iaw khynde sngi" (la u lapbah ba la neh khyndai miet khyndai sngi, kumba san snem mynshuwa. Kine ki maw ki don ha ka pynthor Latuba. Kane ka lyngkha mynta ka dei ka jong ka Somly Nongjngi ba na ka shnong Thangrain.

Nangta ka Syiem ka leit ialam ia u Miat ban peit ia ka ling dulan paki jong ka, bad ka pyni ruh ia ka kamra na kaba un sah. Hadien kata ka khot ia u Phrang Bareh uba long u rangbah nongpyniaid kam

jong ka ling syiem bad ka bthah ia u ban phah briew sha kylleng ki shnong ba don hapoh ka t ka hima, ba kin phah briew ka:ba ki lah ban wan iarap ban tei kyrkieh ia ki hynriew tylli ki ling. Ka phah briew ruh ban khot ia u Kni jong ka.

U Sajar Shadap ynda u poi ha ling syiem ula lyngngoh ngain namar um ithuh shuh ia u Miat ha ka jingriam syiem jong u bad u dang mut ba u dei u khun syiem ba wan kai na kawei pat ka hima. Hynrei ynda ka pyrsa jong u ka la iathuh ia ka jingshisha, kumta u la kmen bha bad u kdup iet bad u doh ia u Miat. Um kylli shuh ia la ka Pyrsa, ba da kumno ka la leh ba ka la lah ban pyngeit, ban pynpoi bad ban pvnkohnguh ruh ia u Miat ba un iashongkha noh bad ka. Kumta u ong, "Pyrsa baieit eh, nga sngewkmen haduh katta katta ia kane ka jingjop jong phi ha ka liang ka jingieit, ia kaba nga la tharai ba kan ym urlong lano lano ruh, hynrei mynta nga lah ban iohi ba kan sa urlong. Kumta ngi dei ban ia pynbeit noh ia ka sngi ba khraw ka ban long ka sngi shongkurim jong phi, Bad ia kane ngim dei shuh ban pynslem ia ka".

"Mama Kynrad, kaba phi ong kaba dei bha, namar, nga ruh ngam kwah ban pyn-jlan ne pynslem ia ka Hynrei don ki kam kiba shah hakhmat, ia kiba ngi dei ban pyndep shuwa ban buh ia ka sngi ka ia, ban pyndep ia ka jingkyntiew kur.m jong ng", la phai ktien ka Syiem.

"Kiei kita ki kam? Kiba khanglad ba ngin pyndep ia kane ka kam ba kyntang bad ba don burom Iathuh kloi ia ki namar nga kwah ban pyndep ia ki kloi lan katba lah", la ong pat u Kni.

"Mama, kita ki kam ki long kiba nga hi nga la kular ban pyndep Kaba nyngkong ka long ban shna san tylli ki ling na ka bynta ki san ngut ki para kynthei jong u briew jong nga. Kaba ar pat ka long ban shna ia kawei ka ling na ka bynta ka Phulbina Kso kaba long ka shakri ba nga shaniah bad iet eh. Mar iadep shna ia kine ki ling, ngin sa buh ia ka ngi ka jlngkhai kyntiew kurim jong nga. Nga la bthah ruh ia u rangbah nongpyniaid kam jong nga ban phah kyrwoh sha baroh ki shnong ki thaw kiba don hapoh ka it ka hima, ba kin phah nongiarap katba ki lah ki iai na ki shnong jong ki, ban wan iarap ban tei ia kita ki ling ki sem", la phai kien ka Syiem.

"Pyrsa, ia kaba phi la kular kum ka Syiem, dei ban pyndep ia ki, bad ngan pyniaid ma nga ia ka ban tei ia kine ki ling ki sem, khnang ban dap lah ban pyndep kloi ia ki, Phi la leh ruh ia kaba dei eh, ban pathai khubor sha ki khun ki raiot bauwan iarap lem", la phai ktien u Kni.

"Mama nga ngeit skhem ba kiei kiei baroh kin iaaid beit iaaid ryntih, kumba ngi la ia angnud lang. Ia mynta ngin ia bam ja

noh namar, nga la phah ba kin pynkhreh ja ia ngi. Khublei shibun ruh Mama ia phi namar, phi la kloï ban shimti ban pyniaid ia ka jingtei ia kita ki Iing ki sem baroh", la phai ktien pat ka Syiem.

"Ia, kata ngin ia leit ia bam noh namar, nga ruh nga la sngewthngan bha", la phai ktien pat u Kni. Mar kumta ki ia mih baroh bad leit bam ja ha ka kamra bam. La buh ia ki pliang ja ha kata ka rukom ba ka Syiem bad u Miat kin ia shong marpyrshah, bad u Kni pat um shong hapdengjong ki. Ki tah ja da ka doh skei bad hadien ba ki la dep bam ja, ki ia bam pat sa u soh niamtra bad u kwai. Ha dien kata ia khublei mar kyliang bad u Kni u leit phai pat sha la Iing. Ha mar hangta ka Syiem ka poi kymaw ba kam pat ai jungtip ia kiba ha Iing ha sem u Miat, ba un sah ha Iing Syiem. Kumta ka khot ia u Skhem Surong uba long uwei na ki shakri bad ka ong, "Khie leit iathuh ia ki para bad ia ka kmie une u rangbah ba un sah mynta ka miet ha Iing syiem, bad ia ki pat yn sa wan shaw lashai mynstep".

"Syiem Kynrad, ngan leh thik kumba phi la bthah ia nga ban leh", la phai ktien u Skhem. Hangta u Miat u ong, "Syiem baiet phi la leh ia kaba dei bha, hynrei i mei bad ki para jong nga kin khuslai bad kin tharai ba la jia ei ei ia nga, ba haduh katta por ruh ngam pat poi Iing. Nga hi ruh nga la klet

ban phah iathuh, ngam tip balei haba nga don bad phi nga klet lut ia kiei kiei kiba ngam bit ban klet ruh. Imat ba phi la pynshoh bieit ia nga, da ka jingieit ba sngur bad ba nylla jong phi ia nga. Nga ruh mynta nga nud ban phla ba nga ieit ia phi thik kumba phi la ieit ia nga. Bad lada jia ba nga long u Syiem bad phi pat phi long ha ka iaka jong nga, ka jingieit jong nga ia phi kan ym duna wat tang shi sapit ruh em, u la teh saikhum jingieit u Miat.

“Ia, bieit ngin ialeit shong'lai noh ma nga bad ma phi ha katei ka kamra shongkai ba kyrpang, kaba don ha ar mala”, la wer ka Syiem. Kumta baroh ar ngut ki ia ieng bad ia leit sha kata ka kamra da kaba ia bat kti lang. Ynda poi ha kata ka kamra ki iarung bad ia-shong mar syndah halor jong kawei ka shuki kaba heh bad kaba ngiam ban shong haduh saw ngut ki briew ha ka. Dei hangne ba ki ia phylliew ia ka jingieit ba mar kylliang jong ki. Bunsien ki shu ia peit ieit iwei ia iwei pat bad ki da ia phu samrkhie artad. Kim da nang eh ban iathuh khana, hynrei ka mynsiem jong ki ka shlei da ka jingkmn ka bym lah shuh ban batai. Ki ia bat ia ki kti iwei ia iwei pat, ki ia peit pyrshah shlip marjan bha ka khmat jong u bad ka khmat jong ka, ki khmat jong ki ki phyrnai kam ki mawlyonai. Nangta ki sa iadoh jadait ha ban da hun hi jrut. Ki

iashongkai kumne bun kynta, khlem da sngew thuh ia ka jingiaid jong ka por. Dei ynda la dap kumba shiteng synnia ba ki sa leit thiah sha la ki kamra thiah.

* * * *

KA KMIE U MIAT HA IING SYIEM

Dang step ki ia khie thiah bad ki ia sum ia sleh, nangta ki ia bujli da kiwei pat ki jain ki nep bad ki sa leit ban bam jingbam. Haden ba ki la dep bam, ka syiem ka phah ban pynkhreh um sum na ka bynta hynriew ngut ki briew bad ban pynkhreh ruh ia ki jain ki nep kynthei ba kin phong. Ynda la khluid ka um, ka Syiem ka khot ia ka Phiar Surong, kaba long kawei na ki shakri jong ka bad ka ong, "Khie leit shaw ia i Mei bad ki para kynthei jong une u Rangbah, da iathuh ruh ia ki ba ka Syiem kan pdiang burom ia ki ban wan sha iing syiem".

"Syiem Kynrad, ngan leit shaw ia ki kumne kumne hi, kumba phi ia kwah ia nga ban leh", la phai ktien ka Phiar.

Ka Syiem ka phah khot ruh ia u Kni jong ka ban wan sha iing syiem. Ka kmie u Miat bad ki para jong u ki sngew khohnioh, ki sngewsyier bad tieng bha, kaba khlehlang ru^{ba}

bad ka jingsngew lehrain namar, ba ki long kiba rangli ha ka por ba ki leit sha iing syiem. Hynrei ynda ki poi ha iing syiem, dei ka jing long ba jai jai, ba jemnud, ba lehrin bad da ka khmat ba i ieit bad ba iai phuh samrkie jong ka Syiem kaba la pyniap bieit ia ki bad kaba la weng noh ia ka jingkhaweit bad jinglehrain jong ki. Kum ta ki sngew la kumba ki don ha la ka jong ka jing ka sem hi. Ka Syiem ka la pdiang burom bad kren ieit bad leh ieit ia ki baroh. U Kni ka Syiem ruh u pdiang burom ia ki bad u ong, "Kong Miriam Pala, bad ia phi ki hep rit baroh. nga sngewkmen ba phi la wan hangne, wat lehrain, wat sngew nongwei, hynrei sngew ba phi don kum ha la ka jong hi ka iing, bad lada phi kwah ne donkam ei ei, ong beit ia ka Syiem khlem pep phin ioh ia kata kaba phi kwah".

"Nga ba l ki khun baroh ngi pynpaw ia ka jingsngewnguh kaba kh'raw jong ngi, na ka bynta kane ka jingpdang burom jong phi ia ngi. Ka jingbha mynsiem jong phi ka la pynum ia ka mynsiem jong ngi. Kumtakhublei shibun ia phi", la phai ktien ka Miriam Pala kaba long ka kmie u Miat.

Ki para u M'at baroh ruh ki ia ong, "Khublei shibun Mama".

"Khublei ia phi ruh", la phai ktien u Baia Shadap.

Hadien kane ka Syiem ka phah pynsum
 ia ki bad ynda la dep ka phah pynriam ia
 ki da ki jain sviem. Kumta baroh ki kylla
 dur la kum ka ksjar ba dang shu lah phrang
 ha ka ding, namar, baroh ki long kiba bha-
 briew, hynrei namar ba ban ka jingduk kumta
 kim iohlad ban riam bha riam miat. Ki
 phong man la sngi da ki jain jot iain pei.
 Hynrei mynta ki la long kum ki khun Syiem
 hi, bad ka kmie jong ki ruh ka la long kum
 ka Syiem tymmen. Hadien kata baroh ki ia
 bam ja lang khru. Ka kmie u Miat kakhot
 ia ka Syiem, "Ka khun Syiem baieit jong
 nga". Bad ki para jong u Miat pat ki khot
 ia ka, "Ka Syiem baieit". Namar ba ki long
 ki khynrah tinsngi bad ba donakor, wat la
 ki ia bun ruh ym iohsngew ia ka jinghuri
 hura, ia ka kaw kaw ka baw baw ne ia ka
 jingia hylla bad ia ka jingiarkhie pashait.
 Ynda la dep bam ka Syiem lem bad u
 Miat, ki leit pyni ha ki ia ki kamra ba kin
 sah, ha ki kamra ba ju sah kiba wankaisha
 ling syiem. Nangta ka Sviem ka ong, "Mei
 baieit, bad phi ki para baieit namar ba nga
 ieit ia u khun jong phi, ia u hymmen jong
 phi, kumta ia phi ruh nga ieit. Nga la kular
 ruh ban thaw nar kawei ka ling bha. ling
 miat ia kine ki para bad ngan sa ai ruh ia
 ka spah ka phew khang ba phin suk. Na-
 mar ba u hymmen jong phi un sa ia shong
 bad nga, kumta shawa ba ngin lah ban pyn-
 dep ia ka jingshongkorim jong ngi, ka dei
 ka kamram jong nga ban pynbiang shuwa ia

ka jingdonkam jong phi. Kumta naduh myn-ta haduh ban da dep ban shna ia ki ling ki sem jong phi, phin ia shong ia sah ryngkat bad nga”.

“Khun Syiem baieit, nga tip ia ka jing-sbun bad jingbha jong phi bad haba nga tip ia ka jingkwih jong phi, ban iapoikha iapoi-man bad u khun phrang sngi jong nga, nga dap tan da ka jingkmien sude. Te kaei pat ba ngan ich ban ong shuh, lait tang ban ia-tuh la phi ba nga ndiang hun ia ki jingai ba shon jong phi, wat la nga tip bad sngew-shai ba ngin ym lah ban siew kylliang pat ia phi”, la phi ktien ka kmie u Miat. Ki para jong u baroh ruh ki pwapaw ia ka jing-sngewnguh ba khraw jong ki ia ka Syiem. Ka Syiem pat ka ong, “Mei baieit, bad phi ki para baieit jong nga, wat la phi ong ba phim lah shuh ban siew kylliang ia nga, hyn-rei ka jingai k ba kondor tam, ka dei ka jong phi ba phila sh h sngewbha ia u khun, u hymne uba long u nangpyndap ia ka bam ka dih bad ia kiei kiei ki jingdonkam jong phi. Kumta ngi ngan ong, ba ngam lah shuh ban siew kylliang ia ka jinglebha ba kor tam jong phi ia nga”.

“Nga sngewtynnad ban iohsngew, ia ka jingsngew jong phi baroh arliang. Bad nga khin hlynti ba na kane ka jungiapoikha, kan wanrah ia ka jingsuk jingkmien ia ngi baroh arliang”, la kem ktien u Miat. Baroh ruh

ki ia monjur ia ka jingong jong u. Nangta ka Syiem ka ong, "Mei baieit, lada phi kwah ban pynaram ia lade, phi lah ban leit thiah kai ha kato ka jingthiah ba nga la dep pyni ia phi. Phi pat ki para baieit phi lah ban leit peit kai ia ki sim ki doh, ki mrad ki mreng bad ia ki jingthung jingtep ba don hapoh ka kper. Phi lah ruh ban peitkai ia ka jing ia jngi sngewbha jong ki dohkha dohpnat, kiba don hapoh ka nan kaba don hajan ba kut ka kper. Namar mynta nga hap ban pyndep ia ki kam ki jam ba dang sahteng".

"Syiem baieit, namar ba ngam long ka briew kaba koit kaba khiah ka met ka phad, te kumta ngan leit thiah shuwa kumba phi la ai jingmut", la phai ktien ka Miriam Pala.

"To mei baieit", la phai ktien ka Syiem. Ki para pat ki ong, "Ngin leit peit kai shuwa ia ka kper bad ia kiei kiei ba don ha ka". (Ia ka nan ym lah shuh ban iohi ia ka mynta, namar hadien bun spah snem la tap u shyiap, ka ktieh bad ka khyndew ia ka). Hangta u Miat bad ka Syiem ki leit sha ka kamra bishar bad ki iashong marjan. Ha kata ka sngi ka Syiem ka la lah ban pyndep lut, ia baroh ki jingbishar ba la sahteng.

Naduh ba ki la sngewtikna ba kin sa iashong kurim, man ka por ka Syiem Latympang Shadap bad u Miat Rynsut Pala, ki ju ialeit kai sngewbha na Iing Syiem sha ka jaka

ba ki khot "Pudiar-dhari". Kane ka jaka ka
 don halor uwei u lum bad ka don kumba
 shiteng lynti na shnong Wyrto sha shnong
 Thangrain. Hangne don ka pung sum jong
 ka Syiem, ia kaba la ker tawiar da u myr-
 sha bad ka lynter jong ka ka long khad-
 hynriew pruh, ka pynkiang ruh ka long khad-
 hynriew pruh hi. Narud ka pung pat la ker
 ia ka da ki dieng khlaw. Kat kumba iathuh
 ki trai shnong ha ka por ba mynshuwa ha
 Pudiar-dhari ju don ki shuki maw bad ia
 ki kjat jong ki la thaw ha ka dur ki kjat
 masi, ha kaba ka Syiem bad u Miat ki ju
 shongkai sngewbha. Hynrei dei na ka jing-
 buid kti bad jingbieit ki khynnah sharai masi
 ki la pynpait ia kine ki shuki maw bad
 kumta ym lah shuh ban iohi ia ki. Ha Pu-
 diar-dhari bun sien u Miat bad ka Syiem ki
 ju ia phylliew jingieit. Teng teng ki ia rwai
 kyliang, teng teng ki ia had sngewtha bad teng
 teng pat ki iaingi sngewbha. Bunsien hi ki
 iakdup, ki iathum iwei ia iwei pat bad ki
 iadoh iadiat ha ban da biang, ban pynhun ia
 ka jingthrang ka mynsiem shipor, kat bym
 pat dep ban iathoh ban long noh kawei ka
 met kawei ka snam. Mynta lah ban iohi sa
 tang ia ki maw ba don ha kane ka pung
 Ka pung hi kam don um shuh, namar, hadien
 bua spah snem, ka la tyrkhong noh bad la
 tap ia ka da ki synrum synreh, ka khyndew
 bad ka ktieh, Ha ka por ba ka Syiem kam
 pat ithuh ia u Miat, barabor haba rang
 ka oneng bad ba ki kjat sngi ki shat phyrnai
 bha, dei ha kum kine ki sngi ba ka Syiem
 ka sngewtynnad ban leit sum ha kane ka pung.

PYNDEP LA KA KULAR

Na baroh ki shnong ki thaw jong ka hima, la wan shi hajar phra spah hynriew phewar ngut ki rangbah, ban iarap ban tei ia ki hynriew tylli ki ling kumba la kwah ka Syiem. U Sajar Shadap u bhah ia kine ki briew ha ka hynriew bynta bad ki long laispah khadar ngut bad sa na ki briew jong ka Syiem la ioh saw spah ngut ki briew ban trei ia kawei kawei ka ling. Kumta tang hapoh lai taiew hi la lah ban pyndep ban tei ia kine ki iing baroh hynriew tylli. Hapoh kine ki lai taiew ha iing syiem ki ia bun kam bun jam bha, ban pynkhreh bam ban pynkhreh dih ia ki nongwan iarap shna ling.

Ha ka sngi ba ki pynieng ia u "Shrot-skit-Pyrdi" (Rishot pdeng). kat kum ka dustur ki Pnar kiba don hangta ki dei ban bat ha uta u rishot, bad uba dei u Kni jong ka iing u bat ia u skaw ba la pyndap da ka 'iad um, ha ka kti kamon, da ka kti kadiang pat u bat ia u rishot. Nangta u nguh u dem, u duwai u phirat ia u Trai Kyrad. Ha kajuh ka rukom u Miat Rynsut Pala, uba long u khlieh ka iing na ka bynta ki para kynthei jong u, u hap ban bat ia u skaw bid ban duwai ha ka por ba pynieng ia ki shrot-skit-pyrdi, na ka bynta ban shna ia ki san tylli ki iing namar ki para jong u. Haba la dep nguh blei u suit u shor ia kuta ka 'iad um baroh ha trai jong uta u rishot. Namar ba hap ban pynieng san tylli ki shrot-skit-pyrdi,

kumta u hap ban nguh blei bad ban suit ban
 shor san sien san wat, katu kawei hadien
 kawei pat. Haba pynieng pat ia u shrot-skit-
 pyrdi, na ka bynta ban shni ia ka iing jong
 ka Phulbina Kso, kaba long ka shakri baieit
 bad ba shaniah eh jong ka Syiem, u Jabin
 Kso uba long u sangbah shakri ka Syiem, u
 long Kni na ka bynta ka Phulbina, kumta u
 bat ia u skaw ba don ka 'iid um bad u
 nguh blei. Ka jingnguh blei ka long kumne
 harum :-

HA KA PNAR :

Shihajar ngooh Tre Kirok Kyarad
 Ynne ka sngi pyniein pykhai o ia me
 U Shrot skit u Shrot ang
 Hajrong ka snieh ka swor, ka tympha ka
 [tyrpein

Ka iong pha ka Bei Remaw
 Ioh u man uwa skhem uwa neh
 U pynksoh ia ka farcin ka panboh
 Uwa neh ha skit ha ang, iong i lung i sem
 Ha me man mi uwa hakhleh dth
 Ha tre kjat iong me u yien o
 Ka ngooh ka dem, ka pan ka doon
 Hawa poi ka nian ka rukom, hei won iwon i
 [por

U hjar i chwar i blai, u man i dak i shin
 Kam wa phah phi ki blai ia nga
 Nachwa naphrang wa ong phi
 Ym ye de u iachem wa me
 U Hynniaw wasa dei doh dei pran

Dei ktien dei thylliej

Tae ym ieh noh ia me, tae u iachem o wa me

Ha ka suit ka choor, ha ka ngooh ha ka dem

Hawa poi ka niam hawa poi ka rukom ka iong [me

U pynap u pynsniaw mi, u khut u tin, u pau u doon

Hei tae u wan i chwar i blai, i dak i shin

Shihajar ngooh.

HA KA KHASI :

Shihajar nguh Trai Kynrad

Mynta ka sngi nga pynieng ia me

U Shrot u skit u Shrot ang (ang ka mut u line)

Halor ka snieh ka swor, ka tympha ka tyrpeng

Ka jong pha ka Mei Ramew

Ban dup long uba skhem uba neh

Ban pynbat ia ka larein ka pamboh (ki kanshi)

ban neh ha skit hapdeng, jong ka iing ka sem

Ha me me long uba hakhlieh duh

Ha trai kjat jong me ngan ieng

Ka nguh ka dem, ka pan ka kyrpad

Haba poi ka niam ka rukom, ha kano kano ka [por

Yn hiar i shwar i blei ban long ka dak ka shin

Kumba phah phi ki blei ia nga

Nashuwa naphrang ba phi ong

Ym lah shuh ban ia kynduh bad me

U Hynniew trep da ka met ka phad,

Da ka ktien ka thylliej

Te yn ym iehnoh ia me, te yn iakynduh bad me

Ha ka suit ka shor, ha ka nguh ka dem

Haba poi ka niam haba poi ka rukom ka jong
 [rue
 Men pynsngap men pynsngew, men khot men
 [ting
 Men pan men kyrpad,
 Hangta yn wan i shwar i blei, ka dak ka shin
 Shihajar nguh.

Mar iadep nguh blei, u nongnguh blei u
 suit u shor ia ka kiad jyndem baroh ha trai
 uta u shrot-skit-pyrdi. Hadien ba la pyndep
 ia ka niam ka rukom ba iadei bad kaba pyn-
 ieng shrot-skit-pyrdi, ki sa lah ban shna ia
 ka Iing.

Ha ka sngi kaba bud hadien ba ki la
 dep tei ia ki Iing ki sem. la pynlong ia ka
 jingkhawai sngewbha ha Iing syiem. na ka bynta
 kito baroh kiba la wan iarap ban shna ia kita
 ki Iing. Hashuwa ban bam ka Syiem ka ong,
 "Phi long ki briew kiba shlut bad kiba heh
 mynsiem. Phi la ieh ia la ki iing ki sem, ia la
 ki kam ki duk ban wan iarap, haba phi la ioh-
 sngew ia ka jingkhut jong nga, bad da ka
 jingiarap jong phi la lah ban tei ia kine ki
 iing tang hapoh lai taiew. Kumta nga pyn-
 paw ia ka jingsngew nguh kaba khraw jong
 nga na ka bynta ka jingiarap kaba sbun jong
 phi. To ai ba u Blei un kyrkhu un kyrdoh
 ia phi ha baroh ki kam ki jam jong phi,
 bad ba phin nang iaroi parum pareh ha ki
 kam ki ki jam jong phi, bad lashai phi la
 dei ban leit phai sha la ki shnong ki thaw,

sha la ki iing ki sem bad sha la ki baleit
 ki bathoin jong phi, te sa ia leit suk bad U
 Blei un don ryngkat bad phi. Kynamaw ruh
 lada phi don kano kano ka jingeh ne lada
 phi iakynduh ia kino kino ki jingeh jingshitom,
 wat lehrain ban wan iathuh ia ki ha nga,
 khnang ba ngan dup tip ban iarap ia phi,
 khublei ia phi baroh”.

“Khublei, ia phi ruh Syiem Kynrad”, la
 ong kita baroh kiba iadon hangta bad kida
 iathap kti ruh shaid.

“Sngewbha iasngap shiphung, i mama jong
 nga i don ei ei ban iathuh ha phi mynta”,
 la ong pat ka Syiem. Hangta u Kni jong ka
 Syiem u ieng bad u ong, “Nga dad tang da ka
 jingsngew nguh bad burom ia phi baroh. Nga
 iohi ruh baphi long kiba tbit bad ba smat ban
 trei ban ktah. Mynta to ia pyeshahshkor bha ia
 kaei kaba ngan ong namar, nga don ka khu-
 bor kaba bha ban iathuh ia phi. Ba ha u
 bnai Du'atra (Kyllalyngkot-January) ngin sa ia
 kynduh biang, ban ia bam khawai hangao.
 Namar ka Syiem jong phi kaba long ka pyasa
 jong nga, kan sa shoug kurim ha utai u bnai,
 la ka sngi ngan sa pyntip pat sha phi baroh.
 To ia bam noh mynta, khublei shibun ia phi
 bad sa ialeit suk lashai sha la ki iing ki sem.”

“Im slem, ka Syiem jong ngi”, baroh
 kita ki paitbah ki ia ong. Nangta baroh ki
 ia bam hun bad ynda dep bam, ki nong iarap
 baroh ki ialeit sha la ki jaka sah ia kaba la

shu shna ban neh tang shípor, ha kper jong ka iing syiem hi. Bid baroh ha kata ka miet ki ialap sa tang shaphang ka iingshongkurim jong ka Syiem. Ynda ki poi ha ki shnong jong ki ruh, ki pyana ia kane ka khubor. Kumta ka hima hi buroh kawei ka ap khmih lynti sa tang ba kan poi noh ka sugi ba khraw jong ka Syiem.

U KNI BA KITKHLIEH

U Sajar Shadap, ka Syiem bad u Miat ki ialeit sha ka kamra shongkai kaba don ha ar mala jong ka iing syiem. Hangne ki ia pynbeit ia ka sngi ban pynlong ia ka jingkyntiew kurim ia ki, bad ki buh ba kan long ha ka taiew bu khadduh jong u bnai Duiatra ha ka sngi muchai. Hadier kata u Sajar u ong, "Ieh ha nga ban khein ban diah khnang ban dup tip kano ba kan dap ka bam ka d.h na ka bynta ka jing-khawai, namir ngi hap ban khot lut ia baroh ki khun ki ruiot kiba don hapoh ka hima bad ruh ia ki lok ki jor ki bi don shabar ka hima. Lashai ngi la dei ban pathai khubor sha baroh ki khun ki hajar, ba kin wan bam khawai ha ka sngi Muchai jong ka taiew ba khadduh jong u bnai Duiatra, kumba ngi la ia pynbelt lang".

"Mama, nga iahap jingmut bad ka jingong jong phi, kumta lashai ngan sa phah briew ba kin leit a kyrwoh sha baroh ki shnong ki thaw ki ba don hapoh ka it ka hima, ba kin iawan bam ja ha ka sngi kyntiew kurim jong ngi. Ia ka

ban khein ban diah sha phang ka bam ka dih
 ba ngi dei ban pynkhreh ruh, kumba phi ong
 ka bha hi ban leh ma phi, namar, phi kham up
 ma phi shaphang kane ka kam. la ka iing ruh
 ngi dei ban pynkhuid bad pynitynnad ia ka, da
 kaba pynriam ia ka da ki rong ki rup katba ngi
 lah ban shna. la kiei kiei ki jingdodkam ruh sa
 pynkynmaw ma phi mo'. la phai ktien ka
 Syiem.

"Ia kita ngan sa pyrkhath ia ki mynta ka
 miet bad ngan sa iathuh pat ia ki ha phi, lashai
 ka sngi. Mynta te ngan leit noh bad ma
 phibaroh ar ngut sa iathiah suk ho", la ong
 u Kni.

"To mama, phi ruh leit suk bad sa thiah
 suk", la phai ktien lang ka Syiem bad U Miat.
 Katba u Miat bad ka Syiem pat ki iashongkai
 ban nang ia phylliew ia la ka jingieit kumba ki
 ju leh man ka miet, hadien pat ki sa leit thiah
 sha la ki kamra thiah.

Ka Syiem mar ia khie ka sum ka sleh bad
 hadien ba ka la bam jingbam, ka phah khot ia
 u Phrang Bareh uba long u rangbah nongpyn-
 ia id kam jong ka iing syiem. ynda u poi ka ong
 ia u, "Phah kyrwoh, sha baroh ki shnong ki thaw,
 da iathuh ba u Kni ka Syiem bad ka Syiem ki
 khot sngewbha ia phi baroh shynrang bad kynthai,
 ia ki rangbah ki san, ki tymmen ki kro, ki samla
 ki samhoi bad ia ki kyninah ruh ba kin ia wan
 bam khawai sha iing syiem ha ka taiew ba khat-

duh jong u bnai Duiatra ha ka sngi Muchai ka ban long ka sngi shong kurim ka Syiem”.

“Syiem Kynrad, ia kane ka hukum jong phi ngan pynden ia ka shisyndon, te kumta ngan leit noh khnang ba ngan dup ioh ban leh ia kaba donkam mo”, la phai ktien u Phrang.

“Khie kata, bad leh thik kumba la bthah ho”, la bin biang ka Syiem.

“Hoooid Syiem Kynrad”, la phai ktien u Phrang.

Hadien katto katne por ba ki la dep bam ja step wan poi u Sajar Shadap. “Kumno Mama baieit, phi shait phi khlain bha?” la kylli ka Syiem.

“Hoooid, phi pat kumno, bad u briew jong phi pat u don shano?”, la kylli pat u Kni.

“Nga shait bha bad u Miat pat u don sha kper, u sngewtynnad ban peit kai ia ki sim ki doh bad ia ki jingthung jingtep”, la phai ktien ka Syiem.

“Phah khot noh ia u, khnang ba ngin dup ia pykhat ia ki kam ki duk kiba ngi hap ban leh ha kaba iadei bad ka jingkhawai shongkurim jong phi”, la ong pat u Kni. Ka Syiem ruh ka pynriew ia ka shakuriaw, bad wan mih ka Phiar Surong kaba long kawei

na ki shakri bad ka bthah ia ka ban leit
 khot ia u Miat. Ynda u Miat u la poi, u
 Kni u ong, "Hadien ba nga la pyrkhat bad
 puson bha, nga shem ba ngi hap ban pynap
 haduh khyndai phew tylli ki sniang, san spah
 tylli ki syiar. Ia ki skei ki bthong ki khat
 bad kiwei kiwei ki jait mrad shong katba ioh
 ki briew ba ngin sa phah ban leit beh mrad
 ynda la jan ka ngi Bia. Ia ki dohkha doh-
 pnat ruh shong katba ki ioh ki nonglit tong
 dohkha, ia kiba ngin sa phah ban leit tong.
 Ia ki iarkhlaw, ki iarkhiar, ki nrai bad ia
 kiwei kiwei ki jait sim ruh shong ba k. jing-
 stad jong ki nongleit riam sim ia kiba ngin
 sa phah. Ngin donkam kumba hynriew phew
 tkhot u khaw (shi tkhot ka ia tyngkat kumba
 lai mon ei ei). Nalor kine ngin sa shet ruh
 ia ki jhur ki jhep bad ngin buh ruh da ki
 hajar tylli ki soh niamtra, ba ki briew kin
 iabam ynda ki la lah bam ja. Nga kwah ba ka
 ne ka jingkhawai shongkurim jong phi kan long
 kaba khraw, kaba i shongkun, ka ban iadei
 dur bad ka jingkhawai shongkurim ki Syiem
 bad ka ban sah kynmaw pateng la pateng.
 Khuang ba ki kam ki jam kin iaid beit ngin
 hap ban pynshet ia ki kam kiba pher ba pher,
 kum ka ban pynbiang ia ka shet ka tiaw, ka
 um bam ka um dih, kaba pyniap ia ki sniang,
 ka dieng thangding, u kwai u tympew, ki
 ki dongmusa, ban pdiang ia ki nongwan bam,
 kaba pynriam pynbeit ia ka iing syiem,
 ban peit ia kiba wan bam ba kin ioh ka bam
 ka dih kaba biang, ki nongsait ki nongkklieng,
 ban shna dara, ki ki nongsarja nongsam-

doh, sam sohmy ken tad mluh, ki nongsam jhur bad laba kum kita ha k kynhu kiba pher. ki ban con bad ri rangbah nongpyniaid kam ia k ta ki kam ki jam taroh. Ia k ne kiei kiei baroh te ngan sa peit hi ma nga, ki nvntri lem bad ki bakhrav batri. Khrang ta kin iaid beit iaid rvatih ki kam ki jam baroh. Ia phi baroh arngut te ngim dei ban pynbunkam ne ban pynshitom ban pykhat shaphang kine kiei kiei".

"Mama, nga sngew ba kiei kiei kiba phi la pyrkhat bad ba phi la thmu ban leh ki long kiba bang suda ne phi ong kumno Syiem taieit", la kylli u Miat.

"Nga ruh nga iahap kajuh ka jingsngew bad phi, ngi ia don bok ruh ban don i mama iba kitkhlieh ban peit bad ban pyniaid ia kine kiei kiei baroh", la phai ktien ka Syiem.

"Sa phah ia ki myntri bad ia ki bakhrav batri ban wan sha ling syiem mynta ka janmiet, khnang ba ngin dup ioh ban ia pyrkhat ia ki kam ki jam baroh kiba ngi dei ban leh, kiba iadei bad ka jingkyntiew kurim jong phi", la bthah u Kni.

"To mama kynrad nean leh thik kumba phi kwah", la ong ka Syiem.

Ki sa ia khublei mar kylliang bad u Kni u leit noh. Ka Syiem ruh mar ialeit u

Kni. ka phah khot ia u Phrang Bareh uba long u rangbah nongpyniaid kam ka ling syiem bad ynda u poi ka ong ia u. "Sa phah ktien sha baroh ki myntri ki bakhraw batri iathuh ia ki ba kin sngewbha ban ia wan khnang sha ka jingialang ka ban long ia s ibit mynmiet ha ling syiem, ban ia pyrkha shaphang ki kam ba kyrkieh bad ba donkam".

"Syiem Kynrad, ngan phah briew mynta hi ban leit pyntip sha baroh ki myntri bad ki bakhraw batri, ba kin wan mynta ka miet kumba phi kwah, bad kumta ngan leit noh khnang ba ngan ioh ban pynd p kloi ia kane ka kam ho", la pha ktien u Phrang.

"To", la phai ktien ka Syiem. Hadien kata ka Syiem ka shim ia ka kti jong u Miat bad ka ong, "la gin ia leit pynaram met noh shiphang ha ki jingthiah". U Miat ruh u ieng bad kiew lang sha ar mala da kaba iasnoh kti larg. Ynda poi ha ka kamra shongkai kaba don ha armala, u Miat u ring ia ka Syiem shak bad u sa doh ia ki rymmiang shyntur jong ka U Kjud shiphang ia kaba nator bad shiphang pat ia kaba narum. Naneta u doh ia ki ngab. ia ki moi-moi bad ia u ryndang jong ka Syiem. U selang ruh ban svrpud ia ka mzdong jong ka Syiem. Ha kane ka por u iohsngew ruh ia ka jingkhaid ba mih na ka met jong ki, bad ia ka jingkyndeh ki klongsnam jong ki. Kumta khnang ban ri ia la ka burom, ki

hap ban iakhlad bad ia leit sha tali kamra
ban thah shipor.

* * * *

PYNKHREH KHAWAI KYNTIEW KURIM KA SYIEM

Ha ka por janmiet ynda taroh ki myntri
lem tad ki bakhraw tatri ki la poi lut sha iing
syiem, kumta u Sajar Shadap. ka Syiem La-
tympong tad u Miat ruu ki iarung lang ha ka
kamra kata heh, ha kata ki ju pynlong ia ki
durtar ne jingialang. Hata taroh ki la iashong
ka Syiem Latympong ka ong, "Nga dap da
ka jingkren, tan iohi ba phi ki myntri bad
ki bakhraw tatri phi la ia wan lut Kumta
phi la ia tip ka jingthmu kongsan jong kane
ka jingialang, ka long tan ia pyrkhat ia
pyrdain tad tan ia a jingmut ba kumno yn
ialeh khnang ta ka jingkhawai shongkurim
jong nga bad u Miat, ka tan long ha ka
sngi Muchai ha ka taiew ba khadduh jong u
bnai Duiatra, kan long kaba iaaid leit iaaid
ryntih, kan long kaba phuh ipheng tad ka-
ba jop. Nga shim ruh ia kane ka katuban
khot ia phi iwei pa iwei ba phiu wan tam
ja lem bad kiba ha ling ha sem jong phi
ha ka sngi shongkurim jong ngi, bad ban iarap
ban pyniaid ia ki kam ki iam baroh kiba
iadei bad ka jingkhawai. Ha kajuha ka por
i mama in da leit khot kyrpang ia phi sha
ki ling ki sem jong phi baroh. Namar i
mama i ia don ryngkat bad ba i kham tip

kham bha ma i shaphang ki kam ki jam ba
iadei bad ka jingkhawai, kumta ngan aiti ia
ka jingpyniaid ia ka jingialang ha i".

"Khublei shibun Syiem Kynrad, ia ka
jingkhot bam ja jong phi ia ngi tad ngiku-
lar ruh ban kitkhia ia kano kano kam ba
yn pynsbet ha ngi, khnang ba ka jingkbawai
shongkurim jong phi kan long kaba jop", la
ong lang ki myatri bad ki bakhraw batri
baroh.

"Nga ruh nga ai khublei ia phi ki myn-
tri ki bakhraw batri na ka bynta ka jing-
pyllait por khnang j ng phi ban ia don ha
kane ka jingialang Bad kumta phi la ioh-
sngew na ka jingkren jong ka Syiem, ki kam
la ngi dei ban ia pyrkhat ki long kumne:-
(1) Ban jied ia ki nongpyniap bad nongpyn-
khuid sniang, syiar tad ia kiwei kiwei pat
ki mrad, ki sim ki doh bad ia ki dohkha
dohprat (2) Ban jied ia ki nongshet nong-
tiew (3) Ban jied ia ki nongkhud kwai tad
knylliap tumpew (4) Ban jied ia ki nongpyn-
dap um (5) Ban jied ia ki nongai um thet kti,
nongai um dih tad nongai pharon (jain niad
kti) (6) Ban jied ia ki nongsam ja, nongsam
doh nongsam mluh tad sormyrken, nongsam
phur bad nongsam tungrymlai (7) Ban
jied ia ki nongsait nongkhlieng tad ia
ki nongniad ia ki sohkhawja (8) Ban jied
ia ki nongpynriam pynbeit ia ka ling syiem
(9) Ban jied ia ki nongpait nongpyniaid ba

ja step. Hadien ba ki la dep bam, ki ia shong, kai tang para arngut hi bad ka Syiem ka ia-thuh, ia ka jingshem pap be ka shah lehbein ha ki shangpung, ha ka por ba ka iathuh ka iam, ka kdup ia u Maht bad u ruh ia ka. Nangta ki sa ialeit thiah sngi ban pynarain ia la ka met sha la ki kamra thiah.

Ha ka por janmiet ynda ki kynthei ki la iapoi, ki iarung baroh sha ka kamra ba ju pynlong ia ka jingialang. Hangta ka Syiem ka ong, "Nyngkong eh, na ai khublei ia phi baroh namar, ba phi la pyllait por khnang ban iawan sha kane ka jingialang. Kumba phi la ia tip bi ka jingzhongkurim jong nga ruh ka la jan, kumta ka jingthmu jong kane ka jingialang ka long ba ja ia pyrkhat bad ban pynkhamti ia ki kam ki jam ba iadei bad ka jingkhawai, la kiba phi kum ki kynthei phi hap ban iashim bynta. Ia ki kam ki jam ban leh da ki chyrang te ngi la dep pynlong ia ka jingialang bad la thung ia ki myntri, ki bakhrav batri ban iashimti ia ka kam ban jied bad ban thung ia ki nongtreikam. Ha kajuh ka por khnang ba ka jingkhawai kan long kaba ad beit iaid ryntih, nga khot ia ka jingiatrei lang jong phi bad ban ia ai jingmut lem. Nga him ruh ia kane ka kabu, ban khot sngwbha ia phi bad ia kiba ha iing ha sem jong phi ban iawan bam ja bad ban iarap kam ruh ia ngi. Kumta sngewbha ia ai jingmut sa phi mynta".

"Khublei Syiem Kynrad, na ka bynta ka

jinglong babha, ia ka jinglong ba tipbriew tipblei, tipkur tipjait, tipkha tipman bad kiba kum kita kiei kiei ki jinglong ba bha. Kiba khlem ma ki u briew un ym pher na u mrad", la jubap u Miat.

"Pleng! Phi long u briew uba proh ja-hieng bha, hynrei phim ju treh ban pyni ia ka", la ong ka Syiem.

"Khublei shibun ia ka jingiaroh jong phi ia nga baieit, nga hi ngam ju khim pyllait thala ia ki ktien ba nga kren, ioh kumno kumno nga kum pynsngewsih ia kiwei. Kumta haba nga kren nga da thew da woh shuwa ba ngan pyllait ia ka ktien ba nga kren", la phai ktien u Miat. Nangta ki iadoh iadait haduh ba kin da sngewhun hi jrut, bad ki sa ia leit thiah sha la ki kamra thiah, namar, ka por ka la palat shiteng synia.

Mar ia khie mynstep ka Syiem ka sum ka sleh kumba ju leh man ka sngi. Nangta ka bam jingbam bad ka bthah ia u rangbah nong-pyniaid kam jong ka ling syiem ba un phah pyntip ia ki kynthai bas wan sha ka jingialang, ka ban long ha kata sngi ha ka por janmiet ha ling syiem. Hadien kata u Mait bad ka Syiem ki leit kai sha kper bad ki peit kai ia ki sim ba ki iarwai sngewtynnad halor ki dieng. Ki peit ruh ia ki jingthung jingtep, ia ki dieng ki siej had ia ki syntiew ki skud. Kumne ki ia iaid baroh arngut kylleng saw-dong ka kper haduh ban da dei ka por bam

Phuh Khlem bad ka Phiar Surong kiba long ki shakri ka Syiem bad ka bthah ia ki ban ai putharo bad ka doh ia baroh kiba don hangta. Hadien ba ki la dep bam ki ai khublei mar kyliang bad ki leit phai noh sha la ki iing ki sem. Ka Syiem bad u Miat pat ki leit shongkai biang ha ka kamra shongkai ba don ha armala, bad hadien ba ki iaphylliew ia ka jingieit ba mar kyliang jong ki, ka Syiem ka ong, "Phi tip kaei kaba kor tem ha kane ka pyrthei?".

"Don shibun kiei kiei kiba kor la kane ka pyrthei ia kiba ngim bit ban duh, hynrei ia mynta hi nga sngew ba ka jingieit kein ka long kaba kor tam ia kiei kiei baroh" la phai ktien u Mait.

"Nga ruh nga iahap jingmut bad phi, ba ka jingieit ka long kaba kordor tam ha ka pyrthei. Hynrei kiei kita kiba phi ong, ba ki long kiba kordor bad kiba ngim bit ban duh, sngewbha sieh baieit ban iathuh", la ong ka Syiem.

"Lait na ka jingieit wan ka jingkoit jingkhah, nangta ngi donkam ia ka iing ka sem, ia ka ham ka dh, ia ki jain ki nep, ia ki nisa ka tyngka, ia ka ding ka theh, ia ka um ka lyer, ia ki lok ki jor, ia ki khmat ban iohi ia ka jingitynnad ka mariang, ia ki shkor ban iohsngew, ia ka shyntur ban kren bad ban bam, ia ki kjat ban laid, ia ki kti ban trei ban beng, ia ka jinglonghok jinglong janai, ia ka

lang kin sa ia jied hi ia ki nongtreikam nandeng jong ki. Ban jied ia ki ban peit ba lait jaka ban bam bad ban khot ia ki bym pat den bam, ia kine ruh yn aiti ha u Myntri rangbah. Na ka bynta ki nongpdang briew pat kumba ia ong hyne ba ngan jied ma nga, kumta nga jied ia phi ki myntri bad ia ki bak'raw batri baroh ryngkat lem bad nga, ban ia pdiang burom ia ki briew ha kata ka ngi. La phi ia monjur lang nga tharat ka bang mynta, ba ngin pyawai, noh ia ka jingialang ne phi ia ong kumno?", la ong u Sajar.

Baroh ki pynpaw ba ki ia monjur ia ka jincbate kam jong u Kni jong ka Syiem. Kumta u Sajar u ong biang, "Phi baroh kiba nga la jied ba phin jied ia ki nongtreikam phi dei ban khot ia ka jingialang bad hangta phin sa jied ia ki nongtreikam. Kynmaw ba ym dei ban thun kam ar ne lai kam ha u juh u briew. Te namar ba ka por ka la laid, nga ui khub'lei bang ia ka jingkloi jong phi ban iaran ngi mynta ka jingialang ka la wai. Khub'lei shibui ia phi baroh".

"Sngewbba ia slong sa shiphang namar, nga la phuh khreh jingbam ia phi di u Putharo bad jaka doh snang ba la shet kylla ha u nei teng. Nga ruh nga pynpaw ia ka jing-sngewnguh jong nga na ka bynta ka jinciasnoh kti lang jong phi ban iatrei lang bad ngi", la ong ka Syiem. Mar kumta hi ka Syiem ka kynruh ia ka shakuriaw bad wan mih ka

Ynda ym don shuh ba ieng ban ai jing-
mut bad haba baroh ki la ia monjur lang,
ban ia kren noh shaphang ka ban jied noh
ia ki nongtreikam, u Kni jong ka Syiem u
ieng bad u ong, "Mynta ngi la poi ha ka
ban jied ia ki nongtreikam bad lada yn jied
hangne ia baroh ki nongtreikam kan shim
nor than. Kumta lada phi ia hap jingmut
lang, nga tyiwa ba ia ki nongtreikam yn jied
lumne. Kum ia ki nongpyriap bad nongpyr-
khuid ia ki srieng ki syiar, ki mrad ki sim
bad ia ki dohpha dohprat lem bad ia ki
nongsbet nongtiew yn aiti ha u Myntri rang-
bah ban jied ia ki. Ia ka ban jied ia ki
nongpvnriam ia ka ling syiem bad ban pyn-
lhrch ia ka iaka bam bad ka jaka shongkai
ia kane ka kam yn aiti ha u jangbah nong-
pyniaid kam jong ka ling syiem. Ia ka ban
jied ia ki nongsam ja sam doh, nongsam
mluh bad sohmyaken, nongsam jhur bad nong-
sam tungvmbai, ia ki nongsait nongkhliang,
ki nongai um thet kti, um dih bad nongai jha-
ron bad ia ki nongniad ia ki sohkhawja, ban
jied ia kine ki nongkitkam yn aiti ha u
myntri khynah. Na ka bynta ban peit bad
pyniaid ba kiei kiei baroh kin iaaid beit iaaid
ryntih, ngi baroh kiba don hangne ngin ia
peit lang. Ban jied ia ki nongshna dongmusa
bad ia ki nongpvnbiang ia ki dieng thang
dino, ia kine yn aiti ha u rangbah nongpyn-
iaikam jong ka ling syiem ban jied ia ki.
Na ka bynta ban jied ia ki nongtreikam kva-
thei, yn aiti ha ka Syiem ban khot ia dei
jingialang ki kyithei bad ha kata ka jiangi-

“Nga hi nga sngew, ba baroh ki, kam ki jam mynta ki la biang lut nadong shadong. Kaba sah pat mynta ka long ba ngin ia pyrkhat noh sa ka ban jied ia ki nongtrekam ne phi ia ong kumno?”, la ong biang u Bor Pala.

“Kat kum ka jingsngewthuh jong nga ka jingkhawai hi kan long kawei na kiba khraw tam, kumta bun hajar ki nong wan bam kin iawan ha kata ka sngi bakhraw. Te kumta kan long ka bym lah ban ai bam ia ki baroh shisien ai. Te katba ym pat lait jaka ia kiba wan dien ban bam, ngi dei ban pynkhreh ruh ia ka jaka ba kin shongkai. Bad ngin buh ruh ia ki briew ki ban peit ba mar ialait jaka mar mar ki dei ban leit khot ia ki bym pat dep ban bam, khnang ban iaid beit ka kam ka jam bad ban kham kloih ruh ban pyndep ban ai bam ai dih ia baroh ki nongwan bam”, la pynkynmaw biang u Jriam Rabon.

“Khublei shibun bakhraw ia kane ka jingai jingmut jong phi ruh, ngi dei ban pyntreikam ia ka. Lada dang don ba phin ia ai jingmut sngewbha ban nang ia ai”, la ong biang u Sajar.

“Mynta te, nga tharai ki kam ki jam kiba dei ban leh baroh ki la lut. Kumta ngi dei ban ia pyrkhat noh sa ia ka ban jied ia ki nongtreikam kumba la ong u myntri rangbah ne phi dang don shuh ban ong da kumwei”, la ong biang u Shemphang Bareth.

sy'ng, khud kwai bad khylliap tymphew bad kiba kum kita. Kumta na ka bynta ki kam ba dei ban leh da ki kynthai, nga ai jingmut ban khot kyrpang ia ka jingialang na ka bynta jong ki, khnang ba kin ia pyrkhata ma ki ia kita ki kam", la ong u Jriam Rabon uba long uwei na ki bakhraw.

"Kata ka jingai jingmut jong phi ruh, bakhraw ka long kaba dei bha, kumta khublei shibun ia phi ruh. To nang ia ai jingmut shuh lada dang don", la ong biang u Sajar.

"Katei ka madan ba don harud ling syiem, kat kum ba nga sngewthuh kan long ka jaka bam ki pait ki hajar, kumta donkam ban pynkhuid bha ia ka bad dei ruh ban buh da ki dieng tylli, kiba kham heh ba kin long ki jaka shong jong ki nongbam. Ia ka jaka bam jong kiba nabar hima pat dei ban buh kyrpang hapoh ling syiem, ha katei ka kamra bam khawai ha kaba ju ai bam haba don ka jingkhawai ha ka ling syiem, tangba dei ban da pynriam bad pynitynnad bha ia ka", la ong u Shemphang Bareh, uba long u Myntri khynnah.

"Kata ka jingai jingmut jong phi myntri ruh ka long kaba biang bha, te khublei shibun ia phi ruh. Bad lada dang don kiei kiei ki jingai jingmut ba phi sngew donkam ban ia buh sngewbha leh kumta", la phai ktien u Sajar.

ba k'ier k'iei baroh kin iaid teit iaid ryntih.
 Namar kane ka long kawei na ki jingkhawai
 ba khraw bha Kumta ngi donkam ia ka
 jingiatrei lang jong phi ia ki nongpdiang
 briew pat ngan sa jied hi ma nga. Kumta
 mynta ngi donkam ia ka jingia ai jingnaut
 bad jingia a' buit lem jong phi, khwang ba
 ki kam ki duk baroh kin iaid beit iaid ryntih.
 la ong u Sajar Shadap.

Nga sngew ba ki kam ba phi la jer
 mynta ba ngin ia pyrkhut ki long baroh kiba
 donkam Hynrei nga tharai ba phi kum klet
 sa ia kine ki kam kiba long kua don an hi.
 Kawei ka long ban jied ia ki nongshna dong-
 msa namar, ba dei ka sngi tlang, kumta ka
 kloi bha ban dum. Kawei pat ngi dei ruh
 ban jied ia ki briew ban leit thoh dieng iap
 ba kin shet kintiew, bad ban thang ding ha ki phra
 jaka ha ka madan bam khawzi ba k briew
 kin ioh ban syaid ding namar, kumba phi la
 tip ka miet tlang ka long kata khriat bha",
 la ong u Bor Pala uba long u Myntri rang-
 bah

"Kh'blei shibun ia ka jingpyn kynmaw
 jong phi myntri rangbah namar, ba barch'er ki
 long kiba donkam bha To lada dang don
 kiei kiei kiba phin ia ai jingnaut sngewbra leh
 mynta", la kyntu u Sajar.

"Ki don ki kam ba dei ki jong ki kyn-
 thei, kum ka ban pynbiang ia ki kharos ba-
 ros, kaba tylliat nei, shet tungrymbai, tylliat"

jingkhoh sngewbha jong phi ia ngi ban wan
bam, ja, bad ngi kular ruh ban ia kkkha ia
kano kano ka kam ba la pynshet ha ngi,
khngang ba ka jingkhawai shongkurim jong phi,
kan long kaba jop bad ba ioh burom de",
kida ia ong lang kita ki kynthei ba don
hangta.

"Ja' ki' kam ba ma ngi ki kynthei ngin
leh ngi la ia sngewthuh hi. Kumta mynta
nga ngent ngin ia jied noh ia ki briew ki ban
shot tungrymbai, ban ot jhur, ban tylliat nei
tylliat rynsun, tylliat sying, ban khid kwai
bad khylliap tymbew, ban niad ja ki sohkhaw-
ja, ban ai um dih bad um sait kti, ban ai
jharon, ban leit tongum bad ban sait ban
khleng", la ong ka Lasubon lakai, kaba long
kawei na ki kynthei ba la kham san na kiba
don ha kata ka jingialang.

Kumta ki la ia jied napdeng jong ki, ban
long ki nongkitkam na ki bynta kitei ki kam
ki jam a la kdew haneng. ia kiba ki kynthei
ki dei ban leh Haba la dep jied ia ki nong-
trei kam baroh, ka Syiem ka cig, "Khublei
ia phi baroh, ba phi la ia wan sha kane ka
jingialang. Mynta ngi la poi sha kaba kut,
kumta ka jingialang ka la wai. Hynrei sngew-
bha iashong sa hipor namar, nga la phah
pynkhreh jingbam ia phi, da ka doh antang
ba la shet kylla ha u nei tong bad u putharo".
Hamar hangta ka Syiem ka kynruh ia ka
shakusiaw bad ynda ka shakri ka wan mih,
ka Syiem ka bihah ia ka ba kin wahlam jing-

bam noh. Mar iadep bam ka Syiem bad ki nongwan jingialang ki la ai khublei mar kyl-
liang bad ki sa iakhlad ban leit sha la ki
iling ki sem.

Ka Syiem pat ka leit sha ka kamra shong-
kai kaba don ha ka mala ba nyngkong, ha
kaba u Miat Rynsut u ap ia ka. Ynda poi
ha kata ka kamra ka ong, "Kumno baieit, phi
la thngan bha ?.

"Ka por ka la biang baieit ba ngin ia bam
noh, te ia ngin ialeit iabam", la phai ktien u
Miat Rynsut.

"la, kata baieit", la ong pat ka Syiem.
Kumta baroh arngut ki ialeit bam ja noh. Ha
ka por ba ki dang iabam ja wan rung u Kni
ka Syiem bad ka ong, "Mama Kynrad, ale
bam ja bad ngi".

"Ale mama ia bam lang bad ngi" la ban
ktien lang u Miat.

"Nga dang shu dep bam ja te phi, te nang
ia bam ma phi nga pat ngan dih da u du-
ma", la phai ktien u Sajar Shadap.

Mar kumta ka Syiem ka bthah ia ka Sha-
kri ban thep duma bad ban ai ha u Kni jong
ka. Ka shakri ruh mar mar ka leit thep duma
bad leit ai ia u daba bad ia u noi ha u Kni
ka Syiem, bad u shim ia u daba bad tan ia u
noi, kumta mih ka jingsawa ba riew "khruk-
khruk-khruk", bad ka tдем ruh ka mih pum-

pum, Hadien u Sajar u ong, "Nga la ioh jing-tip na ki myntri ba ki la dep thung ia ki nong-kitkam baroh ia kiba ngi la pvakhamti ha ki ban leh. Kumta nga ngeit ba ki kam ki jam ba iadei bad ka jingkhawai shongkurim jong phi, kin iaid beit iaid ryntih".

"Nga sngewbha ban tip ba ki la dep pyn-dep ia ki kam ki jam. Na ka bynta ki nong-kitkam kynthai ruh, ngi dang shu dep jied ha ka jingialang ba la long myntan ka janmiet hangne. Kumta nga ruh nga ia kubur lang bad ka jingong jong phi, ba ka jingkhawai shongkurim jong ngi kan iaid beit iaid ryntih", la phai ktien ka Syiem.

"Nga ruh nga iahap jingmut bad ka jingong jong phi baroh angut, bad nga ngeit ruh ba haba la dep ban pynkhreh da kaba jarai, da kaba paka bad da kaba pura, ia kiei kiei kiba ngi la thmu ban leh kin long beit, bad ki kam ki jam ruh kin iaid beit iaid ryntih kumba ngi kwah", la ong u Miat Rynsut.

"Kata kaba phi ong kaba dei", la ong lang ka Syiem bad u Sajar Hamar kata ka por ka wan kawei ka shakri ka rah ruh ia ki soh niamtra ha ka kria bad ia u kwai lem bad ia u tynpew ha ka pliang bad sam ia ki ban ia bam Hadien la ki la dep ban bam soh bad bam kwa, u Sajar u ong, "Ka la miet mynta te ngan leit phai noh, phi pat nang iashong kai mo".

"Tā, phi ruh leit suk bad thiah suk ho",
beroh aragut ki la ia ong.

"Tā, la phai ktien u Sajar bad u leit
artad.

Ka Syiem Latympang bad u Miat Ryn-
sat pat, ki ia leit shongkai noh, ba ka kam-
ra ba kympang kaba don ha armala jong ka ling
syiem, da kaba ia tawah kti lang. Yada poi
ha kata ka kamra ki iashong kai maz
syedah, bad ka Syiem ka ong, "Rwai sieh
baieit kawei ka jingrwai jong phi namar,
dei ka jingsyang u ryndang jong phi kaba
la khring ia nga ban peit sha ka lynti, na
kaba ka wan kata ka jingrwai, bad dei hangta
ba nga la iohi nyngkong ia phi bad nga la
iapbieit ia phi ha kata hi ka khyllipmat".

"Ia nga pat, dei ha kato ka sngi ba nga
pyesait khamat ia phi harud ka lyngkha jong ngi,
ba la shoh jadu ka jingieit ia nga namar
jong phi, ko thei bhabriew!", la phai ktien
u Miat. Kumta u Miat ula rwai ia kane ka
jingweei harum: -

SHIJUR NGIN IM HA PYRTHEI

'Ngi kyllung phi long ha nga,
Ko i Latympang ba phah ki blei,
Theh sei jingieit ba nylla,
Shijur ngin im ha pyrthei.

Rynsieng, met bad mynsiem,
 Ha phi nga la alti lut,
 Ieit, ia nga wat artatien,
 Namar jong phi nga la rai kut.

U Jumai u lah ban khyoniuh,
 Lum bah ki lah ban twa,
 Ym don ba lah ban pyndub,
 Ia jingieit Bashisha.

Nga kwah nga kwah tang kawei,
 Ban iap ha shadem jong phi,
 To long ka Mon U Blei,
 Ngin deng jingieit ba sorti.

Ynda u la dep ban rwai ka Syiem ka
 ong, "Khublei shibun eh ia ka jingrwai
 bathiang bad ba pylung mynsiem, ba phi la
 rwai. Nga ruh ngan ym lah ban im haba
 phi hi phim don shuh. Kumta to ai ba ia
 ka jingthrang jong ngi baroh arngut, kata ban
 ia im bad ban ia iap ryngkat, ba u Trai
 Kynrad bad ka Syiem Synshar kin ai ia kane
 ka jingkwah ba naduh ka mynsiem jong ngi,
 ba kan sa urlong shisha ha kawei ka sngi",
 Nangta u miat u diao bad u doh u dait ia ka,
 kumba ki ju leh man ka sngi. shuwa ba kin
 leit thiah sha la ki kamra thiah.

Baroh ki shnong ba don hapoh ka it ka
 h ma jong ka Syiem Latympang ki la ia kmen
 ia sigewoh, haba ki la iohangew ia ka khu-
 bor ba ka Syiem jong ki kshongkurim noh.

Ki la ia kmen bha ruh namar, ba la khot ruh ia ki ban wan bam ja ha ka sngi shongkurim jong ka. Kumta shitaiew shuwa ka sngi shongkurim ki briew na kylleng ka hima ki la iawan ban iarap kam iarap duk. Don kiba rah da u khaw, don kiba rah da ki syiar, don kiba rah da ki jhur ki jhep bad kiba kum kita ki jingaisngewbha jong ki. Kumta ka iingsyiem ka shongshit bha. Kine kiba wan na kiwei pat ki shnong ki thaw ki sah ha kato ka trep ba heh, ia kaba la shna naduh ba sah kiba iawan ban iarap ban thaw ia ki hyariew tyli ki iing.

* * * *

KA JINGPYNRIAM IA KA INGSYIEM

Ia ka iing syiem la pynriam itynnad bha ia ka, kat kum ka jinglong kato ka por. Ha ka kamra bam khawai, ha kaba kin ai bam ai dih ia kito kiba wan nabar hima, ha ki luta pitor ki buh da ki tiedieng, kum u lamat miaw, u tdongmiaw, (kine ki dei ki kyrteng jong ki tiedieng) bad kiba kum kita ki jait tiedieng kiba phuh ha ka por tlang, ia kiba kila kheit na khlaw. Namar ba kane ka kamra ka long ka kamra kaba heh tam ha iing syiem, kumta ki lah bha ban pynriam itynnad ia ka, da kaba wab ia ki snieh khla wahlarein (royal Bengal tiger) kaba jrong 12 pruh. Ki wah ruh ia ka snieh u khla waiong (Black panther), ia ka snieh u khla shitang (Panther pathera Perelus) ia ka snieh khla krong (golden cat), ia ka snieh

u khla bam masi (clouded leopard ne neofelis nebulosa) bad ia ka snieh ki khla rit kum ki khla thapsim, ki rai kyrtong bad ki rai phlang.

Ia ka snieh ki mrad rit kum ia ki phyl-lad, ki syllich, ki Ksih ki Ksar, ki Psong, ki Phaidong, ki Pshaid shaw, ki Pshaid ladaw, ki Pshaid bre, ki Shyrin, ki Risang bad kiba kum kita ki mrad ki thep da u skum hapoh ka snieh jong ki, khnang ba kin at bad ban long ha ka dur kumba ki dang im hi, bad ki sa suh ia ki khnang ba u skum un ym hap. Ia kine ki mrad rit ki pyndait ia ki ha ki tnad dieng ba la stah janai bha bad ia kita ki tnad pat ki sah ia ki ha baroh sawdong kata ka biar ba da ki lyntang.

Nangta ki shim ia ki sim balaiphew jait ba laiphew sker kum ia ki Klew, ki Ralo, ki Nirai, ki Iarkhiar, ki Ryngkoh ki knoi, ki Ryngknah, ki Khlien waiong, ki Khlien wythoh ki Khlien miaw, ki Khlien maha, ki kbeit, ki Lahtkur tyrso, ki latkhur lehkhleh, ki latkhur pyrsit, ki latkhur yargam, ki sim taralong, ki titpu, ki dalloi sharemasi, ki di-diaw-woit, ki mukoh ki tyrkliah, ki wato, ki wato blai, ki langlit, ki krait lum, ki krait-khloo, ki yellop, ki moina ki sympein krem, ki sympein thlu, ki sympein kdait, ki sympein samen, ki lah sympein, ki rowaka, ki sim khlot, ki sim yargam, ki sim puh dein, ki saro kseh, ki kruit, ki muriap, ki meh-bang, ki ted-la-ted, ki sim tung, ki sim tung latyab, ki yarwat, ki sha-kuwo, ki lar-kek-keh, ki buid-tik-tik-tak-tak ne ki ter, ki laroit waiong, ki laroit wastem, ki

laroit adkhar, ki tanai walieh, ki tanai thoh ru-
 pai, ki tanai wastem, ki tanai sawyrthit, ki sim
 ser, ki ploid-ploid, ki sim liar thoh leh thoh-
 iong, ki sim liar waso, ki sim puhladaw, ki
 jalasiaw ne ki sim dai bei, ki sim syiem, ki
 ryngkoh muka, ki jaliyiah, ki sim 'Kerela ne
 ki sim ramada, ki sim shun, ki sim iung, ki
 sim nai, ki jiap-jiap, ki jit-pjot, ki sim bain,
 ki sim dai moo, ki shaphiang phirah, ki saej-
 saej, ki jiar-um, ki riah-syu, ki shafakup krem,
 ki latang khasu, ki diar-diar ne ki par khyn-
 daw, ki lashaid, ki synrem shrah, ki piang-
 pyntyndep, ki paitpuliaw, ki makadiyah ki sim
 semthup, ki kdak-kdak ne ki shoin, ki
 shok-shok, ki lorn, ki rynjan, ki thring
 bad kiba kum kita ki jait sim. Ia kine ki
 sim hadien ba, ki la pyndap ia ka snieh jong
 ki da u skam, ki sa suh ia ki khnang ba u
 skam un ym hap shuh. Nangta ki sa pyndait
 ia ki ha ki tnad dieng ba la stah pynitynnad
 bha, bad ki sa sah ia ki ha baroh sawdong jong
 ka biar kaba da ka lyntang. Halor ki rshot
 pat kiba don hapoh kata ka kamra ki sah ia ki
 reng jong ki Mynthna, ki Sier, ki skei, ki Ryn-
 jang ne ki Khiat, ki Bthong bad kiba kum
 kita ki jait reng jong ki mrad khlaw. Halor
 phra tylli ki miej rit ki buh shi jur shi jur
 ki bniat hati, kiba jrong ba feh bad ba wan-
 dur wandar bha, ia kiba la buh ha ki tiar
 ban pynieng ia ki.

Ia ka madan jong ka kamra ki siang ia
 ka da ki shylliah rimet, ba la thain pynityn-
 nad da ka dur hati, dur khlaw, dur sier bad

sket. Ia kine ki shyilah ia thain da ki tyrlaw
kiba tbit bha ban thain kiba na shapoh Bhoj.
Don ka bynta jong ka kamra ruh ia kiba hi
buh bad ki tyrkhang ba ki khot tyrkhang
tmainkbla.

Ha kawei na ka biar lyntang don ka al-
mari ba la pyndait da ki iit ha ka jingkhang
jong ka, hanghe ki buh ia ki tiar ba kordor kum
ia ki pliang ksiar ki pliang rupa bad ia ki pliang
nar ba don jingoh shrong ohshrup narud jong ki.

Ia ki jingkhangiit bad ia ki jingkhang bah
ki wah da ki pyrda rong lich kiba don bad
u tiaw kulab ba lich ia kiba la thain ni bha.
Ia kiba ki nongkhaili ki la wan thied na sha
ri Dkhar.

Ki buh ruh ia ki sum, ki waitlam arliang
syrti, ia ki khnam ki ryntieh bad ia ki ryng-
kab lem bad ki stieh.

Khnam ban pynshai ia ka kamta namar,
ha kato ka por ym pat don sharak, kumta
ki thang da ki mombatti heh kiba bha. Ia kiba
ki nongkhaili Pnar ki thied na ki nongkhaili
Dkhar, kiba la wan thied ia ki na ki nong-
khaili China, kiba wan die ia ki ha ka tow
khappud bad ka ri Burma. Ki buh ia kine
ki mombatti ha man ki jaka jong ka kamra
khnam ba kan dup shai bha.

Ia kiwei pat ki kamra ruh la pyndait iak ha
kajon ka rukom. Harud ka kut shuwa ban rung sha.

ka jingsiem, bad ba ka jaka shuwa ban rung sha
 ka madan ban bam ja ki paitbah, ki shna da
 ki khiloh kaba ha ka dur ki ar tylli ki Hani
 ba pynjasoh ia ki luta jong ki ha suia.

* * * *

KI JINGAI SNGEWBHA KA SYIEM

Shi, sngi shwa ka sngi bia, ka Syiem ka
 ai ia ka Kmie bad ki para u Miat Rynsūt
 mar uwei u kynjri ksiar, mar shideng ki sah-
 shkor ksiar, ki sahti ksiar bad ki khadu ksiar
 mar ar tylli ia ki para ka ai sa mar kawei
 ka iing bad mar kawei ka hali kiba heh saw
 khoh symbai ban bet ia kawei kawej ka hali.
 Ka ai ruh ia ki jain ki nep ia ki bad ia ka
 kmie jong ki, Ka kmie bad ki para u Miat
 k pynpaw ia ka jingsngewnguh sngewburom
 kaba khraw jong ki ia ka Syiem, bad ki pdiang
 hun ia ki jingai ba sbun jong ka. Ka Syiem
 ka ai sa ia ka Phulbina Kso, kaba long ka
 shakri ba ka ielt bad ba ka shaniah tam, uwei
 u krlah ksiar, kawei ka lyngkha ba heh ar-
 khoh symbai ban bet ia ka, ka ai ki jain ki
 nep bad ia kawei ka iing ban pyndep, ia ka
 iingkular ba ka la khlei ha ka por ba myn-
 shuwa. Hadien, ba la dep, ai kumne ka Syiem
 ka ong, Ma at baieit, Mei Kynrad bad phi ki
 nep baieit kat kum ka rukom ka dustur jong
 ngi ki Pnar, u Rangbah u hap ban min na
 iing kur ha ka sngi shongkurim. Kumta phi
 baron tem bad u Sappun jong phi, phi la dei

ban leit sah mynta ka sngi sha la iing. Ia ka
 bam ka diit wat khnslai, Ia kata ngan ba phah
 ba khn lei ai na ling syiem. Nga tip ba ngan
 sngewtmang sngewblaw bad kyajah bha myn
 ta ka miet hynrei ia ka dustur ka riti ba ho
 buh u longshuwa u minshuwa, ngi dei ban
 burom bad niewkor ia ka.

"Nga ruh nga tip, ba ngan long kumjua
 kumba phi long Hynrei na ka bynta sah mho
 ngan shah mon sngewbha, khnang ba yn ym
 pyukhein ia ka riti ka dustur", la phai ktien
 u Miat.

Hangta ka Syiem, ka doh ia ka briew ka
 ban sa long ka Kiaw jong ka bad ia ki para
 u Miat bad ki ruh ki doh kyliang ia ka Khad-
 duh ka doh ia u Malt bad u ruh u doh kyl-
 liang ia ka Hadien kata u Miat u ong, "Ngin
 ia leit noh bad ngin ia kynduh pat, lashan-
 miet ha ka por ba ngin shongkurim, bad ba
 ngin ym ia khlad shuh".

"Ngan iai ap haduh ba kata ka khyllip
 mat kan poi, wat la nga tip ba ngan sngew ba
 ka por kan iaid suki jai kumba iaid ka mai-
 tah. To ym lei lei, khie ia leit suk bad ia
 thiah suk baroh ho", la phai ktien ka Syiem.

"To, phi ruh shongsuk bad sa thiah suk
 ho", ki la ong lang baroh.

"To", ia ong pat ka Syiem.

Kumta ki ia leit khruai sha la iing. Ynda ki la leit, ka Syiem ka ong ia ka Phulbina, "Pha wat, pat leit sha la iing, shong shuwa hangne bad ynda d p ka jingkhawai dawai, pha lah ban leit sah sha ka iing thymmai, ba nga la ai la pha. Kynmaw ruh ynda dei ka por bam ja miet mynta ka sngi ban phah ia ki shakri ban leit ai ja sha iing u Mait ho Ia ka ja step bad ja miet lashai ka sngi ruh kynmaw ban leit ai".

"To Syiem Kynrad, ia ka jingkwah jong phi, khl m pep ngan pyndep ia ka", la phai ktien ka Phulbina.

* * * *

KA SNGI KYNIEW KURIM

Ha ka sngi Muchai tang shu riew u 'far nyngkong ki nongiarap kam iarap jam ki la sdang ban ia bun kam, ban pyniap ia ki sniang ki syiar, ban pynkhuid, ban ot ia ka doh, ia ka doh ki mrad khlaw, ki sim bad ia ki dohkha ki dohpnat. Ki ia bun kam ruh baroh shi sngi ban shet ban tiew, ban khleh doh, khleh jhur im, ban sait ban khlieng, ban tongam ban tongwab bad ban ai bam ai 'ih ia ki nongwan bam sha Ing syiem bad sha madan bam ki paitbah pai san. Ka shnong ka thaw ka la khynwin haw baroh kawei da ka jingia'ud jong ki nongwan ban khawai, ba wan na kylieig sawdong na-

poh ka hima bad nabar ka hima ruh kum-juh. U Kni ka Syiem u long uba bunkam tam, u hap ban peit ba kiei kiei ki iaid beit iaid ryntih, bad ba ka bam ka dih ruh ka dap ka biang. Ki myntri ki bakhrav batri ruh ki ia bunkam sat. U Kni ka Syiem, nallor ba u bunkam kumne u hap ruh ban pdiang ia kito kiba wan nabar hima. Dei ka jingiatrei shitom jong ki nongiarap kam baroh, ba la lah ban pyniaid beit pyniaid ryntih ia ka jingkhawai, khlem da don kano kano ka jinghren bein ne jingkhnum ba duna kane katai

Haba la sdang ban dum ki iathang ia dongmusa, ba la chna da ki tyndong siej bajrong. Ki ia sliew ding ruh bun jaka namar ba khriat, ban ia syiad ding kito ki bym pat leit phai sha la ling la sem. Kiba kwah ban peit ia ka jingai Jutang ne "Lam Yutang" kumba ong ki pnar, ha shuwa ba ka Syiem Latympang Shadap bad u Miat Rynsut Pala kin ia poikha poiman. Hapoh ling Syiem pat ki thang da ki mommati kiba keh khnang ba kan shai.

Ka Syiem La ympang ha ka sngi Bia jong ka ka riam ka beit kumne :-

Ka sem ialade da ka jain sem balieh sada, ka deng ki khadu kti kiba khia shiphew tala shiliang, ka deng artylli ki sahti ksiar, ki sahshkor ksiar bajrong, ka deng ruh lai tylli ki kpieng ksiar bad uwei u kynjri ksiar uba

khia laiphew tula. Hadien ba ka la dep sad
 ia ka khlieh ka phong sa ia ka Pansngiat
 ksiar. Ha ka por mynsngi ka tawah ha ka
 met da ka jain syiem ba lieh tlem hi. Ha
 ka por janmiet pat ka tawah da ka jain
 syiem ba rben tang kaba dei ka rong lieh
 hi. Ha kane ka sngi ka Syiem ka iphuh
 iphieng bha bad baroh ki ia ong. "Ka Syiem ka
 la long kum ka puri blei hi". Ia u Miat
 Rynsut Pala pat la pynriam ia u da uwei u
 Myntri da ki jain ki nep syiem bad u kpieng
 ksiar uba heh ba la ai ka Syiem Latympang.
 U phong da ka sopti poh ba lieh ba la suit
 da ki sai ksiar sai rupa, ka jain boh ruh ka
 long da ka jain syiem hi. Ia ka khlieh jong
 u la pynspong da ka jain spong kaba da ka
 khor ka khriam, ia ka met pat u tap da
 ka jain Banat basaw syiang bha. U ruh
 u phah u phieng bha la kum u nai khadsaw
 synia Ynda la dei ka por, u Kni ka Syiem
 u phah arngut ki rangbah ba dei ki kur
 jngai jong u, ban leit shaw ia u Miat. Kum
 ta ki let da kaba rah ia ka ding ba la
 khum sukhum ki dieng Haba ki la mih na
 ling, ka Sbuh Shadap kaba dei ka kur jngai
 jong ka Syiem, ka siang ia u shylliah ha
 kamra pdeng, ha ka jaka ba ki briew kin
 ym laid naneta, namar, ia une u shylliah um
 bit ban iuh mano mano ruh Nangta u Shon
 Kamar uba long u Kurim ka Sbuh Shadap,
 u rah shi dabor ka um bad u buh ia ka
 ha baranda ne dhari, u buh ruh ia ka um
 phniangbam hajan kata ka dabor um. Ynda

ki ar ngut ki rangbah ki poi ha ling u
 Miat, ki ia ai waidong mar kyiliang na kiba
 ha ling ha sem jong u Miat, bad na kita ki
 ar ngut ki rangbah. Hadien kane ki sei lai
 khum ka dieng bad ki sa ai ding na ka
 kamra pdeng bad ki sa ia mih ban leit sha
 ling ka Syiem. Ha ka por ba leit, ki lok
 ki jor bad ki kur ki jait jong u Miat ki
 leit on ia u. Shuwa ban rung sha ling syiem
 u Shon Kamar u pynsait kjat ia u Miat na-
 duh khohsiew hadih slakjat, bad u sa niad
 ia ki kjat da ka jain niad bad u sa pynsleh
 ia ki da ka um phniangbam. Mar iadep ka-
 ne ki iarung ha ka kamra pdeng bad ki
 pynshong ia u Miat halor uta u shylliah.
 Une u shylliah u dei ruh ban long uba dang
 thymmai, ym bit ban iuh ia u wat da u
 synran jong u nongshongkurim ruh namar, ba
 ki ngeit ba lada don ba iuh ka long kum-
 ba klim ia u nongleikurim. Nangta ki sei
 mar shiskaw ka iad um, bad theh nyngkong
 ia ka kiad ba ki ai na ka liang ka kynthai
 ha ka klass pitor bad ki sa pyrdap pat da
 ka kiad ba ai na ka liang u shynrang, bad
 ki sa ianguh blei lang kumne:-

HA KA PNAR

Shihajar ngooh Tre Kirok Kynrad
 Ka Bei wabooh ka Bei wathoo
 Ka booh rynien ka booh ryniot
 Ka booh mynsiem ka booh myngsngaid
 Ka booh i mat ka booh i pung

Kawa booh ka kti kawa booh ka kjat
 Kawa booh chynrang kawa booh kynthai
 Ryngkat wa phi ki Blai hapoh i yung hapoh i
 [sem

U Synriang ksiar, u Iakhroo u Iatha
 Ki Ram ki Lakhon, ki Kongka ki Duuka
 Ki Blai bnien ki Blai thwaj, ki Sot ki Thakur
 Ki Ronchyndi, ki Syiem sugi, kiwa em ha ka
 [dustur ka riti
 Ki wow da ki wow ker, ki wow chare ki wow
 [kune

Yei iong i khih i khan, i kamai i kajiah
 Hei iong i phet i phar, hei lai hei wan,
 Ioh ki u beh u tymphar, u noh u panang
 U khalah u khatai, iew wa pakhet iew wa
 pakhang

U taro u ske, u dew u puri, u noh u panang
 Iow tyrut u niangrem, u tymmoh u tyllein
 Uwa ban uwa ngiat, ia ka buit ka budia
 Tae ioh u che i khmat ioh u che i khmut
 Ioh u eh i bor ioh u eh, imynsiem
 Ioh u eh i main i kpun, i ryniein i rynieot
 Ioh u man i roi i par, i chait i khiah
 Hei nam hei pyrtuit I iong Me u Tre Kiro
 Hajrong iong pha ka Bei Ramaw wa phet wa
 Hajrong ka tympha ka tyrpein [phar
 Ioh u lait na ka takha ka tamong
 Ka mynso ka mynsnam

Kam wa mih o i step u pol o i miët
 Dei wa suk dei wa sain, dei wae chait dei wa
 [tram
 Hei nam hei pyrtuit iong phi waroh ki Blai
 Shihajar ngboh, [pyllun

HA KA KHASI :

Shihajar nguh Trai Kynrad

Ka Kmie ba buh ba thaw, kaba buh rynieng
[ryniot]

Kaba buh mynsiem mynsngaid

Kaba buh ia ka mat ka pung

Kaba buh kti buh kjat, kaba buh shynrang
[kaba buh kynthai]

Ryngkat bad phi ki Blei hapoh ka iing ka sem

U Synriang ksiar, u lakhroo u latha, ki Ram
[ki Lakhon]

Ki Kongka ki Durka, ki Blei bneng ki Blei
[thwei]

Ki Sot ki Thakur, ki Ronshyndi ki Syiem Sngi

Kiba don ha ka dustur ka riti, ki ban da ki
[ban ker]

Ki ban sharai ki ban bat, ia ka trei ka ktah

Ia ka kamai ka kajih

Ha ka phet ka phar, ha ka leit ka wan

Ba kin dup beh kin dup pynher

Ban bret ban pda, ban khalah ban khynniat

Ia uba pakhnang uba pakhet, u taro u ske, u
[dew u puri]

Ban bret ban pda ia u tyrut u smeh, u tymmoh
[u tyndep]

Uba ban uba ngiat, ia ka buit ka budia

Te ban dup shai ka khmat, ban dup shai ka
[khmut]

Ban dup eh ka bor ka mynsiem ban eh ka main
ka kun

Ka rynieng ka ryniot, ban dup long ka roi ka
[par]

Ka shait ka khiah ha ka nam ka kyrteŋg
 Jong me u Trai Kynrad
 Hajrong jong pha ka Mei Ramew, ba phet ba
 [march
 Halōr ka tympha ka tyrpeng, ban dup lait
 Na ka ur ka hap, ka mynsaw ka mynsnam
 Kumba nga mih mynstep ngan poi mynmiet,
 [da kaba suk ba sain
 Da kaba koit da kaba khiah
 Ha ka nam ka kyrteŋg jong phi baroh ki Blei
 Shihajar nguh. [pyllun

Mar iadep nguh blei, ki pynmih ia ka doh
 kumba saw phew ne sanphew pliang, bad ki
 iadih ia kata ka kiad mar khyndiat bad iatah
 kiad da kata ka doh. Ynda dep ka jingiadih
 uwei u rangbah u ong, "To iasngap mynta
 shiphang, ba ngin iohsngew ia ka jutang ksiar
 ka jutang rupa kaba long ha ka shijur ka shi-
 phiah". Kumta baroh ki iasngap jar bad u
 Sajar Shadap uba long u Kni jong ka Syiem
 u ai ia ka Jutang na ka liang ka kynthai kaba
 iaid kumne harum :

HA KA PNAR :

Shihajar ngooh Tre Kirok Kynrad
 To meitae para Kni u iasngap noh i
 Ia ka Yutang ksiar ka Yutang rupa
 Nga kam u Kni na ka liang ka kynthai
 Uwa pait uwa sylli ia ka,
 Naduh wa sdang ko u mih man bru ha pyrthai
 Haduh wa da sdang ko u heh u khyllod, du
 yoo o

Ka khynnah kawa toh iongbu iongbai
 Ka wom em u tip u yoo bein u yoo poh
 Ia ka Bei u Pa, u Ma u Wöh, ki Paiu ki Para
 Kamtae da poi i por khynroo khynlood
 Kamjuh da poi haduh ynne ka sngi
 Kamwa poi ko hei burom wa da ioh ko
 Ia ka chongkha chongman
 Tae kamtae para Kni, kani toh kawa dang sotti
 sawan
 Tae para Kni ong o ia me, wa tooh u snein u
 pynyoo
 Ia uni u khon u Ksu iong me,
 Wom hoi u eh nud u eh kpoh
 Lada em i lait i let, i tam i duna
 I iong ka hei ni hei tai, sam in pathan i chrai i
 shdan
 Iei wom ye ko u biang u bit, hei man bru
 Tae kamtae u ong o, yoo mi para Kni
 Ka kynthai hi rap em iwa chrai iwa shdam ko
 Ia ka poi miet ka poi lyngngoh
 Ia i wiar miet wiar synaw.
 Tae ym hoi u chrai u shdam, u iamp kyliang
 Tae para Kni kamtae, na ka liang ka iong nga
 Na ka liang ki kynthai, u snein u pynyoo hi o
 Ioh ko u tip u burom, u niawkor iei wan iwon
 Iwa daw lai nei ni chaphrang [i kam
 Ha ki kam kiwa iatoh kaw u chongkha chong-
 man
 Haduh wa man ka chijur ka chiphiah, tae
 kamtae para kni
 Me leh kam u pyrsa u ksu u iong me
 Tae u snein u kyntu mi ia o, u pait u yoo u
 Ia i rud i kiar, ia i kam ka lung ka sem

Iei wā lait iwa let, i tam iduna
 Iong ka iung ka sem na ka liang ka kynthai
 Dei wa burom dei wa niawkor hi
 Ka leh u pait lang u pait bi, chirup chilang hi
 Tae kamtae na ka liang ka iong nga kam u Kni
 Na ka liang ka kynthai, tae jan da biang hi
 Shihajar ngooh.

HA KA KHASI

Shihajar nguh Trai Kynrad
 Te kumta para Kni ngin ias dang noh
 Ia ka Jutang ksiar ka Jutang rupa
 Nga kum u Kni na ka liang ka kynthai
 Uba peit uba sylli ia ka
 Naduh ba ka sdang ban mih long briew ha
 pyrthei
 Haduh ba ka sdang ban san ban samla, nga la
 johi
 Ka khynnah kaba tipbriew tipblei
 Ka bym tip ban ibein ipoh
 Ia ka kmie u kpa, ia u Kni u mama, ki
 hymmen ki para
 Kumta ka la poi ka por samla samhoi
 Kumjuh la poi haduh mynta ka sngi
 Kumba ka poi ha ka burom,
 Ba ka ioh ia ka chongkha shongman
 Te kumta para Kni, kane ka dei kaba dang
 sotti sawan
 Te para Kni nga ong ia phi, ba phi dei ban
 sneng ban pyni
 Ia uae u khun u ksiew jong phi, bym bit ban
 eh nud eh kpoh

Lada don kalait ka let ka tam ka duna
 Ka jong ka hangne hangtai
 Ioh long pynban ka iadom ka iaphoi
 Ia kaba kam lah ban biang ban bit, ha ka long-
 brierw

Te kumta nga ong peit para Kni
 Ka kynthei hi ka kham dom kham phoi
 Ia ka poi miet poi synia, ka jah miet ka jah
 synia
 Te ym bit ban dom ban bitar, yn ia map kyl-
 liang

Te para Kni kumta na ka liang ka jong nga
 Na ka liang ka kynthei, ngan sneng ngan pyni
 hi

Ba kan dup tip ban burom ban niewkor ia kano
 kano ka kam

Ka ban sa iaid nangne shaphrang
 Ha ki kam kiba iadei kum u shongkha shong-
 man

Haduh ban long ka shi shijur ka shipiah, te
 kumta para Kni

Phi ruh kum u pyrsa u ksiew jong phi
 Te phin sneng h n kraw ia u ba un peit un
 sylli

Ia ka rud ka kiar, ka kam iing ka kam sem
 Ia ka lait ka let, ka tam ka duna
 Jong ka iing ka sem na ka liang ka kynthei
 Da kaba burom da kaba niewkor hi
 Ka ruh kan ia peit lang peit ryngkat, baroh
 lang hi

Te kumta na ka liang jong nga kum u Kni
 Na ka liang ka kynthei, t tharat ka la biang hi
 Shihajar nguh.

Mar iadep ai Jutang u Kni ka Syiem, ai Jutang pat u Bor Pala, uba la shim ban long u Kni u ia Miat ha kata ka jingiashongkurim jong ai, ka Jutang ka iaid kumne harum : -

HA KA PNAR

Shihajar ngooh Tre Kirok Kynrad
 Tae para Kni Shwa wow iapoi i
 Ha ka Yutang ksiar ka Yutang rupa
 Tae para Kni u sdang o ia ka Yutang
 Tae uni u khon u ksu u iong nga
 Uwa da pait uwa da uwa da sylli hi o
 Naduh wa mih u napoh trop ksiar trop rupa
 Haduh wa da ioh o u sumar u sukher
 U pynheh, u pynkhroo, uwa da pynstad pyntip
 Hei kam hei dam, hei rep hei riang
 Tae yoo ia man pathan i yoo bein i yoo khoh
 Katwa man u u wom dap u wom biang
 U khon lymboit u khon lymbiang
 Kamtae ym man u kam ki wa ioh ki wa la
 Tae ia man pathan i yoo bein i yoo sih
 Lada ioh u u e chi lyngkhot ka that i leh
 Ym hoi u chraj u shdam katwa man u, .
 U wam pu dap u wom pu biang
 Tae ia ka kular kam wa ong hi mi para Kni
 Naduh katai ka yutang, ong mi i iong ka rud
 ka kiar
 I iong ka iiong ka sem, tae nga leh u snein u
 pynyoo
 Hi o, ioh u tip hi u pait u sylli,
 Ioh u tip hi u u burom u niawkor
 Ia ka iung ka sem ka iong me kam wa ong mi
 para Kni

Tae para kni, pait hei man bru ym ye o u
 I iong ka poi miet poi syniaw, em i por iwa ^{biang}
 U phet u phar, i kam iung i kam sem, em i ^{em kam o}
 Ka wow iarap ia kau, wa poi i shitom i saja ^{kam lok i kam jor}
 Tae kamtae para Kni, ioh mi u snein u pynyoo ^{ha ki lok ki jor}
 Ia ka khon ka ksu ka iong me, wom hoi u ^{ia ka}
 Iei meit i syniaw hawa wan u ^{shrai ko}
 U pynio ko dei mynsiem i wa ynsur i wa hun
 Kamtae para Kni, ioh u mau ka chongkha
 Ioh u man ka chijur ka chipiah ^{ka chongman}
 Ioh u man i kha i pun na kini ki chijur
 Kam wa da buh ka Bei wabooh ka Bei wathoo
 Ha sla pyrthai, wow iasniaw kylliang
 Kam wa nga ia me, me ia nga
 Tae para Kni, uni u khon u ksu u iong nga
 Naduh myntu ka miet da wan booh o ia o
 Ha ka jait ka iong phi ioh u man u
 Uwa roi uwa par, u kha chynrang u kha kyn-
 Toh u man ka iung ka sem, kawa em nam ka- ^{thai}
 Ioh u mih wan ki khon ki iong o, kiwa satd ki- ^{wa em burom}
 Hei purae hei puthi, hei kam hei dam i iong ki ^{wa tip}
 U hiar patein, ioh u neh patein
 Ha ki mynried shadien,
 Shihajar ngooh.

HA KA KHASI :

Shihajar nguh Trai Kynrad
 Te para Kni shuwa ba ngin iapoi
 Ha ka jutang ksiar jutang rupa
 Te para Kni, ngan sdang la ka jutang
 Te une u ksiaw u jong nga
 Uba nga la peit la sylli hi ma nga
 Naduh ba u la mih napoh trop ksiar trop rupa
 Haduh ba nga la ioh ban sumar sukher
 Ban pynheb pynkhrav, uba la pynstad pyntip
 Ha ka kam ka jam, ha ka rep ka riang
 Te peit ioh long pynban ka ibein ka ikhoh
 Namar u long u bym dap u bym biang
 U khun lymboit u khun lymbiang
 Kumta um long kum kiba riewspah
 Te ioh long pynban ka ibein ka isih
 Lada u ioh ban ai shilyngkhot ka jain ruh
 Ym bit ban dom ban shla, namar ba u long
 U bym pat biang pat dap
 Te ia ka kular, kumba ong hi ma phi para Kni
 Naduh katei ka jutang, phi ong
 Ia ka jong ka rud ka kiar, ka jong ka ilug ka
 sem
 Te nga ruh ngan sneng ngan pydi hi
 Ba un tip hi ban peit ban sylli,
 Ba un tip hi ban burom ban niewkor
 Ia ka iing ka sem ka jong phi kumba phi ong
 para Kni,
 Te para Kni, peit ha ka long brlew ngam lah
 ban biang
 Ia ka poi miet poi synia, don ka por ba nga
 donkam
 Ban phet ban phar, ia ka kam iing ka kam sem

Don ka kam ki lok ki jor, ka ban iarap ia kan
 Ba poi ka shitom ka saja ha ki lok ki jor
 Te kumta para Kni ba phin sneng phin pyni
 Ia ka khun ka ksiew ka jong phi, ba kam bit
 ban dom
 Ia ka miet ka synia haba u wan
 Kan pyni da ka mynsiem ba jynsur kaba hun
 Kumta para Kni ban dup long ka shongkha
 ka shongman
 Bad ban dup long ka shijur ka shiphiah
 Ban dup long ka kha ka pun na kine ki shijur
 Kumba la buh ka Kmie ba buh ba thaw ha sla
 pyrthei
 Ban ia sngew kyliang kumba nga ia phi, phi ia
 nga
 Te para Kni une u khun u ksiew jong nga
 Naduh mynta ka miet nga la wan buh ia u
 Ha ka jait ka jong phi ba un dup long
 Uba roi uba par, yn kha shynrang yn kha
 kynthai
 Ba kan dup long ka Iing ka sem kaba donnam
 donburom
 Ba kin mih pat ki khun ki jong u, kiba stad
 kiba tip
 Ha ka pule ka puthi, ha ki kam ki jam jong ki
 Yn hiar pateng, ban dup nech pateng
 Ha ka lawei shadien, Shihajar nguh.

Mar iadep ai jutang, uwei u rangbah ne
 u Kni u pynbna kumne, "Naduh mynta kine
 arngut ki la ialong shitnga". Hadien kata kat
 kum ka dustur ka riti ha kato ka por, ki

nongshongkurim ki dei ban iashad. Kan shad shuwa ka kynthei bad ynda dep shad kumba shi kynta, dei pat ban shad sa u shynrang. Kane ka dei ka rukom ba ki leh ha kato ka por, ban pyni ba ki nongshongkurim ki kmen bad ki pdiang sngewbha shisha ia ki nongwan bam ja. Shuwa ban shad, ka Syiem Latympang Shadap ka ong, "Nga kmen haduh katta katta bad ka mynsiem jong nga ka shlei, da ka jingkmén ba palat liam, ba ia kaei kaei kaba nga la thrang eh ha ka jingim, nga la ioh ia ka mynta ka sngi. Nga pynpaw ruh ia ka jingsngewnguh ba khraw jong nga ia phi baroh. Namar ka jingwan bamja jong phi sha ka jingkhawai shongkurim jong ngi, bad ruh na ka bynta ka jingiarap kam iarap duk jong phi ia ngi. Kumta sa shisien nga ong biang, khublei ia phi shibun baroh. Te mynta ngan shad noh kumba dei ka riti ka dustur ban pynpaw ha phi, ba nga dap da ka jingkmén kaba khraw, ban ioh pdiang sngewbha ia phi baroh sha ka jingiabam khawai shongkurim jong ngi".

Hangta shaid sawa ka jingiathap kti jong ki patbah paitsan ba don hangta. Bad ki ia ong, "Khublei shibun Syiem Kynrad."

Mar kumta ki dhulia ki tem ia ka ksing kynthei bad ia ka shakudiah, bad ka Syiem Latympangka sdang ban shad. Ka Syiem ka shad pyllun pyllun kata ka kamra shongkai, ha ka rukom pynkhih kti pynkhih kiat, pynkhih met pynkhih phad bad ia ka khlieh de ha ka rukom

ba suki jai ha kaba sdang, bad katba nang-
 iaid ka jingshad ka rukom tem ia ka ksing
 bad ka shakudiah ruh ka kham stet, kumta
 ka Syiem ruh ka shad kham stet. Dei ha
 ka por ba ka shad kumne ba ka mynsiem
 jong ka ka dap da ka jingkmien ka bym lah
 shuh ban batai, kumta ka shad shi shad haduh
 shi kynta shiteng, kaba la palat ia kaba la ju
 long kat kum ka dustur. Hadien ba ka la
 shad kumba shi kynta ei ei, hagdeng kat kata
 ka jingkmien bad jinghun mynsiem, kumno re
 kumno khlek ka leit kynmaw ia ka jingshah
 pyniap kput jong ki briew jong ka ha ki
 nong Shangpung, ha ka por ba ki mih baroh
 aishnong ban pynlong ia ka jingknia iasuk
 thma hagdeng jong ki bad ki Shangpung. Wat
 hagdeng kat kata ka jingsngewhun mynsiem
 kynsan kynsan ka sngew ba la kumba dung
 u namsarang ia ka dohnud jong ka. Ka kynmaw
 ia ka jinglyngkien ka snam bad ia ka jing-
 lyniar ba sngew shyrkhei jong ki khun ki ha-
 jar jong ka. Kumta kam lah shuh ban shad
 bad ka sdang ban niatang (niewtang) ia ka
 jingshem pap jong ka ha kane ka pyrthei sngi,
 Kumta ka iathuh lut ia ka jingshet kylla
 jong ki Shangpung bad kumno ba la pyn-
 iap kput ia ki briew jong ka khlem khein
 ia ka pop ka sang, ban pyniap ia ka khynnah
 ki khyllung, ia ki rangbah ki san ia ki tym-
 men ki kro, ia ki samla samhoi, ia ki kyn-
 thei bad ia ki shynrang hadien ba la iasuk
 thma bad ba ki la map ia ka jingryngkang
 jong ki. Kumne ka iath.h ka niewtang kum-

no ka hap ban phet iap bad ban ieh ia la ka ri ka muluk, ia la ka khet bad ia la ka hima ka sima. Ka iathuh ruh kumno ba ma ka bad ki nongbud ba laitim jong ka, ki hap ban iaid napoh khlaw lynter lynti, ban lait na ka wait u sum bad na u khnam ki nongshun haduh ba kin da poi ha ka hima kaba mynta. Haba ka la depiathuh kumne, kam sngew tip briew shuh ha kata ka por ba ka shad, la pynkup bor ia ka da ki blei ki dken, bad kumta u klongsnam jong ka ula bihei ha kata ka por ba ka dang shad, bad ka la kyllon iap ha kata ka kamra pdeng jong ka iing-syiem jong ka hi. Kunta la kyndit bynrIEW baroh u pait u hajar, la ki kyrsiew bad pyrta ia ka kyrteng jong ka ruh, hynrei ym don ba thie. Long lehnohei ban kyrsiew ia ka, haba u moina u la mih na u ruh ksiar jong ka met jong ka

U Miat Rynsut ha kata ka por u sngew ba u dohnud jong u, u la pait arliang bad u la ong la kine ki ktien, ha ka jingKthang ka myn-siem bad ha ka jingKhuslai ba ym don ba lah ban syrpaï, "Ah! Pha ka Thapbalieh suin, pha la pynjah burom ia nga hangne, hakhmat u pait u hajar, ki longkmie ki longkpa bad ki kur ki jait jong ngi. Nga la poi ha kane ka apot sepsngi, kumne sieh Baieit! Phi wan khroh wan kjour ia nga, ban long u syiem jong phi tang shiteng por"-

Hamar hangta u iam rangbah rangsan bad u dem ban kner ia la ki kti ban ktah ia ka